







IHS

BIBLIOTECA DE LOYOLA.

Sala 1  
Estante 22  
Plúeto 1

22  
10  
73,6

PHILISTIN

John Cuthbert Frazee, M.A., Editor  
Inaugurated April 1870

PHILISTIN  
A Monthly Magazine



HISTORIA  
CARTHAGI-  
NENSIS COLLATIO-  
NIS SIVE DISPVTATIONIS  
de Ecclesia, olim habitæ inter  
Catholicos & Donatistas:

*Ex rerum Ecclesiasticarum Commenta-  
riis Fran. Balduini I. C.*



PARISIIS,

*Apud Claudio Freme, via Iacobæa,  
sub insigni diui Martini.*

*Edicel Libro de Leyes y costumbres  
CVM PRIVILEGIO REGIS.*

*de la libreria  
septimano.*





R. D. IOANNI TILIO,  
EPISCOPO MELDENSI,  
Fran. Balduinus

S. D.

Vm hisce diebus Optatum  
nostrum, quem ope tui codi-  
cis iterū emendatum rursus  
edere instituo, forte relege-  
rē, diu multūq; cogitau, quid sibi vellet  
quod ait, Remp. non esse in Ecclesia, sed  
Ecclesiam esse in Rep. Ut autem graui-  
simæ huius sententiæ rationem & causam  
videor mihi tādem affecutus, sic respiciens  
temporum nostrorum conditionem, vel po-  
tius cōfusionem, iudicau recte dici quoque  
posse, Remp. magis esse in Ecclesia, quam  
sit Ecclesia in Rep. Est enim Reip. tanquā  
corporis, ipsa Ecclesia veluti anima: vt  
si haec sapiat, illi bene esse: si insaniat, malè  
esse statuamus. Et verò sine Ecclesia bene  
constituta, neque ullus Reip. status stabilis  
esse potest, neque ut quisquam esse posſit,

a ij



valde optandum est, si modò quis esse debat finis rerum humanarum, meminerimus. Fuisse autem semper maiores Ecclesiae, quam Reip. bene constituendæ difficultates non negamus, neque in ista corrupciōi orbis terrarū colluione miramur tam magnas semper fuisse, cùm etiam nū acerimè disceptetur, quid & ubi Ecclesia sit, & quānam aut ea sit, aut eius forma esse debeat. Hæc verò quæstio tanto maior est, quò maioris ponderis & momenti rem esse constat: & Ecclesiæ salute, Reip. salutem contineri, (vt & illius perturbationem huius quoq; perturbatio sequitur) necesse est, vt agnoscamus: quò magis & utramquo saluam esse velimus, & utriusque seruandæ rationem teneamus, quicunque prospicimus, qualis alioqui utriusque impēdeat calamitas Neq; verò, qualis quantāq; nunc utriusque nō solum perturbatio, sed etiam cōfusio sit, quæritur: Scimus enim plusquā etiam vellemus, esse tristissimam & mi-

ferrimam. Verùm quæritur, ecquæ tanto rum malorum depulsio, non solum optari, sed etiam sperari posse. Audio enim attonitos gubernatores, si qui sapient, id sollicitè quærere, quos alioqui non solum terret, sed etiam desperatione quadam frateros & debilitatos percellit hæc tempestas eiusque intēperies. Sed cùm meminerim non minores olim fuisse fluctus, ex quibus tamen emerserit & Respub. & Ecclesia, consilio & virtute suorum defensorum liberata: non existimo deesse consilium, si sibi & suo muneri non desint ipsi rectores, quibus mandatum est, operam vt dent, ne quid vel hæc vel illa detimenti capiat. Exemplum enim & velut i formulā atque adeò legem officii, & conspiratis cum religione sapientiæ, quæ turbas omnes & olim composuerit, & nunc componere posset, ipsa veteris Ecclesiæ atque Reip. historia suppeditat. Ergo semper iudicaui, imprimis consulendā esse sapientē & religi-



sam Antiquitatem: neque præterea tantum mihi arrogo, ut de re tanta sententiam dicere meam velim: neque si tantum mihi sum nam sim ferendus. Illud modo dicā: si quales olim Marcellinos Augustinósq; habuit Africa, nunc haberet Gallia, magnam sperari posse leuationem eorum maiorum, quibus nunc Respublica premitur. Quid autem magni illi viri & veluti Heroes fecerint, tum multuantibus in Africa Donatistis, & quam secutis sint rationem eorum reuincendorum, ut magis intelligerem, tu ipse fecisti, qui mihi Collationis Carthaginensis Acta quedam nondum euulgata communicasti. Eorum vero lectio me impulit, ut eam historiam alius repeterem, & diligentius persequerer, & familiarius exponerem, cum historia Ecclesiastica, cuius studiosum esse me non inficiar, non ignobilem partem esse sentirem, & eius memoriam hisce temporibus valde utilem esse posse existimarem. Ad

quem autem eam referrem, diutius deliberandū nō esse existimauī, cū tu occurres, qui auctor & adiutor fuisti, ut aliquā huic cōmentario operā darem: & idoneus imprimis sis iudex harum rerum & antiquitatū Ecclesiasticarum: neque non ad Augustini quandam imitationem te compares: denique venit in mentem, non solum Rempub & Ecclesiam plurimum tibi debere, sed & priuatim me tibi multis nominibus deuinctū esse: neque tibi modo, sed & Archigrammateo fratri tuo, & Dominis à Sancto Andrea, fratribus, tuis affinibus, viris clarissimis atque doctissimis. Neque sanè testificanda mea erga te & tuos obseruatiæ rationem meliorem esse iudicavi, quam huiusc consilii relationem: neque si de priuato nostro iure Ciui- li ociosam & humilem & tritam aliquā ex subili puluere vel fori vel auditorii alicuius disputationem repeterem, existimauī gratiorem tibi fore eius muneris edi-



tionem: veritus sum potius, ne tunc audi-  
rem vetus illud,  
*Non hoc ista sibi tēpus spectacula poscit.*

Vale, Lutetiae Parisiorum Calend.  
April. 1566.



LECTORI.

**D**E Aenea spectate Carthagi-  
nēsem picturā belli Troiani  
scripsit olim bonus Poëta,  
*Animum pictura pascit inani  
Multā gemens.* — Ego verò vt Aenei-  
dem illam aliquando relegens, quam  
mihi puero in ludo prælectam fuisse  
memini, & meorum casuum condi-  
tionem comparas variè afficior, mul-  
tum ipse & terris iactatus & alto : sic  
in ista Ecclesiæ propè deploratae cala-  
mitate & communibus Reip. miser-  
riis, quibus non minus quam priuatis  
ærumnis commoueor, mœstum ani-  
mum vteunque pasco veterum histo-  
riarum recordatione, in quibus mul-  
ta etiā occurrūt, quæ me gemitusque  
meos consolentur. Cùm autem id a-  
gens fortè incidissem in quædam mo-  
numenta Ecclesiæ Carthaginensis,  
in quibus non vt ille in Templo Di-  
donis, pictam belli Troiani historiā,



JACOBUS  
sed Ecclesiasticæ cuiusdam de Eccle-  
sia cum Donatistis disputationis no-  
bilissimam descriptionem legebam,  
sic eius me lectio recreauit, ut simul  
cogitans de nostrorum temporum  
certaminibus s̄epe ingemuerim. Me-  
mini, cùm Ratis-bonæ in Germania  
Carolus v. Imp. comitia, in quibus  
de Religione quæsitum atque dispu-  
tatum est, haberet, laudatum fuisse ve-  
tus exemplum illius Carthaginensis  
(ut vocata est) Collationis: & aliquot  
post annis, cùm in Galliam reuersus  
etiam incidisset in Conuentum illū  
Posiacum, in quo nō dissimilis Col-  
latio rursus instituta esse dicebatur,  
non dissimulaui extare in Africanæ  
Ecclesiæ historia veteri exemplum  
memorabile, in quod hæc actas intue-  
ri deberet. Sed quid? Neque Marcellini  
Præsides, neque Augustini antisti-  
tes nunc rursus occurrunt, ut Cresco-

nij Grāmatici, & Petilianus causidici.  
Tantò verò magis est necesse, ut re-  
curratur ad consilium præsidiumque  
bonæ Antiquitatis, cuius ea est au-  
ctoritas, ut audacissimos etiam aduer-  
sarios s̄epe terreat. Feci itaque perlu-  
benter, ut illius Carthaginensis (cu-  
ius modò memini) Collationis Acta,  
quæ nondum edita mihi communi-  
cauit Io. Tilius Meldensis Episcopus  
doctiss. euoluerem, & cum Augustini  
Breuiculo conferrem. Nam & in  
iis aspersa sunt multa Iuris nostri ve-  
luti emblemata, & actionem disce-  
ptionemque continent de Ecclesia  
propè ciuilem: & vt cognitor atque  
iudex est Marcellinus, magnū Iuris  
prudentiæ decus, sic actores sunt non  
imperiti iudiciorum forensium. Imò  
Petilianus, qui malarum partium pa-  
tronus est in hac causa, versutior fuit  
causidicus, & forensium cautionum



atque cauillationum peritior, quām  
causa postularet. Non enim cūm ad  
gubernationem Ecclesiæ Donatista-  
rum trāssiſſet, obliuisci potuit veteris  
suæ cōſuetudinis & artis. Solebat ia-  
ctare potentia quondam suā in aduo-  
catione forenſi, vt Augustinus ait.

*Aug. lib. 3. contra Petil. cap. 17.* Sed bene habet, talem rabulam non  
modò incidiſſe in Marcellinum, ſed  
incurriſſe in ipsum Augustinum, qui  
importū num latratum canis impuri  
& impudentis, iusta grauique respon-  
ſione comprimeret: quīque etiamnū  
eodem exemplo compescere posſeret  
alios eius generis ordinisque togatos  
non leguleios, ſed nebulones. Nam  
& tales etiamnum ardeliones ſimili  
intēperie incitatūr, vt allatrent, quo-  
rum linguae, quia meritoriae ſunt,  
meretricias quoque nunc eſſe vide-  
mus. Non autem cum Petiliano con-  
ferre bonum illum Theodorum, quē

quidam vœſanum vocant, alij narrant  
in Posiaca (vt ipſe vocauit) velita-  
tione, viſum eſſe valde verſutū, ſi non  
veteranum, at certè veteratorē. Illud  
modò dico: cūm in Carthaginensi  
veluti arena multa eſſent, quē Petilia-  
num debilitarent, multa verò in Po-  
siaca, quæ adiuuarent Theodorum,  
factum tamen eſſe, vt hic non minus  
quām ille in luto hæſerit, cūm ventū  
eſſet ad quæſtionem de Ecclesia, in  
qua rursus occurrebat Augustinus,  
tanquam scopulus. Imò cūm Theo-  
dorus ille ante primam veluti coitio-  
nem, confessionem ſuæ ſcilicet fidei,  
tam ſuo, quām multorum Gallorū,  
qui tamen eam nunquā legerant, no-  
mine offerret, principio professus eſt,  
ſe damnare & detestari ſectas omnes  
& hærefes, quē olim in Ecclesia dam-  
natae eſſent abs sanctis doctoribus,  
abs Hilarij & Athanasij temporibus



usque ad Ambrosium & Cyrillum. Riserunt quidā, in illo cōuentū, tam ineptam, quæ tamen tam diu & valde elaborata adferebatur, proferri orationem, quæ coniungeret Ambrosium cum Cyrillo, & significaret, magnum quoddam temporis interalium fuisse inter Athanasium, Hilariūmve & Ambrosium, cùm tamen ipse Theodorus, mirificus Chronologus, nuper ad Polonos scribens, scripsit Hilarium fuisse *συγχέον* Augustini. Sed tales solœcismos, quos scholastica ferula castigaret, barbato magistro tum facile condonarunt boni auditores, quām mirati sunt, sic eum loqui & scribere, ut non modò non videretur damnare hæreses, quæ ante tempora Hilarij damnatæ sunt, sed etiam significaret approbare se omnia veteris Ecclesiæ iudicia à temporibus Hilarij usque ad Cyrillum. Sed

qui sedato animo tā cōfusam & incōditā cōfessionē audiebant, iudicarūt quandā esse trepidationē hominum ad religiosę Antiquitatis tribunal velut euocatorum: & optarunt, vt cum ad se rediissent, tam sibi constarent, vt simpliciter agnoscerent, Ecclesię iam inde ab Apostolicis temporibus perpetuā consensionē, vbi vbi occurrit, magnæ esse auctoritatis: & verò cum ad eam reuocatus esset bonus Theodorus, sine fraude poterat lis transfigi, si bona ille fide egisset. Nam & vt minus dubitaret, proferebatur quod ab eius magistro in institutione scriptū erat, Augustinum meritò obiecisse Donatistis successionem Ecclesiæ continuatæ: non enim dubium esse, nihil interea, ne quidem Romæ, mutatū in doctrina ipsa fuisse. Sed cum prospiceret cautus Theodorus, quò recideret, si id confiteretur: neque ta-



mentā adhuc audax esset, vt id aper-  
tē inficiari auderet, elusit, obscure &  
confusè nescio quid submurmurans,  
in quo neque confessio neque infi-  
ciatio intelligeretur. Sic enim & Pe-  
tilianus, cum vrgeretur vt cum Eccle-  
siam iampridem degenerando defec-  
cisse causabatur, notaret tempus &  
definiret conditionem eius Aposto-  
siæ, neque quid tunc liquidò diceret,  
haberet, causatus est sese iam longa  
disputatione raucum factū esse, & ea  
excusatione silētij vsus aufugit. Theo-  
dorus magis gloriosus miles est, quā  
vt fugere dignaretur. Sed cum trium-  
phantem sequerentur clientes, non  
nulli, qui minus erant vēsani, rogabāt  
nihil ne esset quod Petilianus respon-  
dere potuerit Augustino obiicienti  
vaticinia Prophetarum de Ecclesia  
roto orbe diffundenda & propagan-  
da, eaque ad suum etiamnū tēpus re-  
feren-

ferenti. Theodorus ingeniosior va-  
tes nasuto cachinno excepit, *Partu-  
rient montes, nascetur ridiculus mus.* Fa-  
miliares monuēre, nimis apertū esse  
hoc Lucianicum ludibrium. Ergo bo-  
nus Poëta, vt aliquid simularet, tan-  
quam noua Sybilla, subiecit, saltē  
Donatistas, quibus Augustinus op-  
ponebat Prophetias de futura Eccle-  
sia, potuisse illum Augustino obiice-  
re Virgilianum versiculum, *Ostendent  
terris hanc tantū fata, nec ultra Esse finēt.*  
Cūm infinitum id rursus esse dicere-  
tur & ineptum, vbi quæritur, quādo  
& quomodo Ecclesia aspectabilis es-  
se desierit: sensit acutus Theodorus  
rursus se premi. Vbi autem diu se  
torsisset, putauit callidē se elabi posse,  
cū in postrema sua Præfatione nuper  
scripsit, iampridem defecisse Ecclesiæ  
successionem tantoperè olim lauda-  
tam: nam & iampridē improbos bo-

é



nis successisse. Dicebam nullam esse hanc responcionem , & alteram esse ineptiam, vbi perinde loquitur , ac si de personarum , & non potius de rerum successione quæreretur, cū tamē in Posiaca disputatione professus es- set,nihil se morari successionem personarum,sed doctrinæ & rerum suc- cessionem quærere. Verūm quale rur sus ludibrium est , quod toties roga- tus de tēpore defectionis,nihil aliud ingeminat quam suum illud. *Iam pri- dem?* Imò verò cum diutius repre- re non posset indignationem erum- pentē, audio eum in eadē illa sua præ- fatione militari,quam,vt me terroreret, Euangeliō præfixit, iratum exclama- re,cùm multa alia indigna , vt Eccle- siam illam,quam cum Augustino de- fendimus,iugularet,tum verò ista,ve teribus Episcopis nunquam in men- tem venisse,neque Iudaizandum,ne-

que (vt loquitur) Gentilissandum es- se:& Christianam propterea religio- nem citò & turpiter degenerasse in ceremonias vanas , in ludicras litur- gias,in manifestam superstitionē , & denique in ἀθεότητα . Evidem obstu- pui, talia scribere εἰπειν Teodorum, & quod de sua factione dicere po- tuit, contorquere aduersus veterem Ecclesiam: vt quam iampridem defe- cissee dixit,diceret non minus citò . q̄ turpiter degenerasse. Sed quid unc non audet impietas Lucianicā? Peti- lianus cum suis Donatisti clamita- bat Ecclesiam,quā Augustinus præ- dicabat,esse Apostaticam : & ab iis Catholicos non pro Christianis , sed pro paganis, habitos esse, testes sunt Optatus & Augustinus. Atqui Peti- lianus antistitum modò mores accu- sabat, non etiam Ecclesiæ illius do-ctrinam & ritus. Theodorus indignè



ferens hunc accusatorem siue incep-  
tum siue nimis pudentem: vel etiam  
præuaricatorem esse suspicatus, puta-  
uit (vt est homo ingenuus) nihil esse  
dissimulandum, & tandem agendum  
esse asperius: neque quia in Posiaca  
sua velitatione moderatior fortè fui-  
set, semper esse indulgedum. Quidni  
verò? Sic ipse Gaudentius, alter Do-  
natistarum patronus, qui in Cartha-  
guensi Collatione contenderat, suā  
factōnem esse Ecclesiam Catholicā:  
postea quam sensit id se euincere non  
posse, quod Augustinus suæ Ecclesiæ  
afferebat, auctor est palam dicere, hu-  
manum esse figuratum, quicquid de  
Catholica Ecclesia dicitur. En quò e-  
uadunt recidūntve homines vəsanī.

Evidem minimè omniū vellem,  
cùm Ecclesiæ corpus defenditur, de-  
fendi etiam excusarive nəuos & ma-  
culas & labes. Imò verò hæc hominū

peccata grauissimè accusanda sunt.  
Sed vellem, quē ipsi Prophetæ in sua  
actione modum seruarunt, ipsi obser-  
uaremus, cùm illos legimus diuinos  
præcones Ecclesiæ, simul & Censores  
& vitiorum acerrimos accusatores:  
sicuti etiam dicemus in expositione  
Collationis Carthaginensis. Interea  
fateor, neque posse quenquam nega-  
re scio, qualis quantūsque miseræ si-  
tūque obsitæ Ecclesiæ nunc squalor  
sit, qualis deformitas contaminatæ,  
quanta pessumeuntis inclinatio:qua-  
lis denique quantaq; desperatio ve-  
luti depositæ. Ergo fateor eò rem re-  
cidisse, nihil vt nobis supersit, quām  
vt illam Hieremiæ tristissimam euer-  
sæ desertæque Hierosolymæ vastita-  
tem lugentis ingeminemus queri-  
moniam, *Expandit Sion manus suas:*  
*sed nullus est, qui consoletur eam.* Verūm  
in mediis eius ruinis nōdum obliuisci



ptouimus quod Psalmus ait, seruos  
Domini etiā diligere rudera & pul-  
uerem Sionis, cuius eos miseret. Tan-  
tum verò abest, vt iis blandiamur,  
quos tam domi quām foris illi insul-  
tare videmus, vt etiam sēpe in men-  
tem veniat quod alter Propheta E-  
zechiel paulò antè illam calamita-  
tē scripsit sese à Deo iussum esse, per-  
fōsso potius pariete & veluti aperta  
fenestra spectare quid in Tēplo age-  
rent homines impii atque nefarij, vt  
eorum abominationes execretur.  
Sed vna simul me res consolatur. Eo-  
dem enim loco Deus cū horribilem  
vindictam sese sumpturum esse de-  
nunciat, simul significat sese interea  
eorum misereri velle, qui cum Pro-  
pheta lugebant, auersi ab illa prophā-  
na vel sacrilega colluione. Iubet er-  
go, vt vltor angelus frontem eorum,  
qui gemunt, insigniat, quò magis

dignoscantur atque discernuntur ij,  
quibus parcendum erit, cum terribi-  
lem aliorum stragem edet.

Redeo ad actionē Donatistarum.  
Nam & multa mihi nunc in mentem  
veniunt, cum apud Optatum lego,  
eos abs Constantino aliquando pe-  
tiisse iudices in Gallia: quibus nescio  
cur magis confiderent: cunque ex  
Augustino intelligo eam Arelatensis  
in Gallia Synodi, cuius iudicio man-  
dauit Constantinus alteram eius  
causæ & prouocantium Donatistarū  
cognitionem, fuisse & fidem & inte-  
gritatem, vt ij statim senserint fru-  
stra & stultè sese ibi sperasse aliquid  
siue fauoris siue patrocinij. Nam ite-  
rum damnati sententiam retulerunt  
qualem merebatur eorum protervia:  
neque tunc in Gallia minus quām  
centum post annis in Carthaginensi  
foro offenderunt. Quid verò cum ta-  
é iiiij



lia legimus, nunc cogitare possimus,  
aliis cogitandum relinquo. Nam &  
quid nūc agatur, & quò res reciderīt,  
nimis notum est: & talibus malis (in-

Aug. epist. 22. quit Augustinus) magis debētur pro-  
lixī gemitus, quām prolixī libri. Sed  
cum olim legimus Donatistas vi &  
audacia armatos, fuisse etiam erudi-  
tos mentiendi artifices, miramur eam  
eorum fuisse impudentiam, vt non  
modò semper iactarint sese viciisse,  
vbi victi erant: sed etiam in Collatio-  
ne Carthaginensi, Optati librum, qui  
narrabat eorum damnationem, pro-  
tulerint tāquam testem suæ victoriae  
& absolutionis, cum eum sic mutilas-  
sent atque corrupissent, vt omnia in-  
uertisse viderentur. Quid verò dice-  
mus, maiorem etiamnum esse impu-  
dentiam multorum fabulatorum væ-  
sanæ factionis, qui quiduis in rem  
suam, & aliorū fraudem fingūt, cùm

mendacia & fictiones suas venditant  
pro historiis & veris narrationibus?  
Cerrè fieri non potest, quin qui pro-  
spiciunt, quantum hæc impostura &  
erroris & caliginis offundet miseræ  
posteritati, doleant hoc agi, vt (vtar  
verbis legis) veritas rerum, erroribus  
Gestorū vicietur. Olim Augustinus  
dicebat mirari se, Donatistas habere  
in corpore sanguinem, qui nunquam  
erubescerēt toties in manifesto men-  
dacio deprehensi. Quid dixisset de  
pallida impudentia hominum & fal-  
sarium & sanguinariorum? Cùm  
Cresconium Donatistam Gramma-  
ticum refelleret, dubitabat, num ex-  
clamare posset illud, frontem periisse  
de rebus. Sed qui de Pelagianis agēs  
scripsérat, hæreticorum frontem non  
esse frontem, an dubitaret, si videret  
verecundiam væsanæ hæreseos? An  
non etiam illud Ezechieliis ingemi-



naret, Frons meretricis facta est tibi: noluisti erubescere? Quid porrò, quid si vi-  
deret patulas aures imperitæ multitu-  
dinis impostores audientis? Dixit o-  
lim, sectatores ipsius Petilianus, qui  
mentienti magistro applaudebant, nō  
habere aures in corde, sed cor in au-  
ribus? Quid verò, quid cordis super-  
esse iis putaret, qui non nisi putidis &  
contumeliosis fabulis pascuntur? Ec-  
ce, nondum satiati famosis libellis fa-  
mosissimæ suæ Bezæ, etiam Acta Col-  
loquij Posiaci cötaminarunt, vt in iis  
multa fingerent, quæ res ipsa clamat  
esse falsissima, méque etiam, qui vix  
interfui, immiscerent, & (quod est ri-  
diculum) narrarent in eo propè fuis-  
se meas partes, quales alicuius scilicet  
meos esse possent, ne dicam quales  
ipsius Marcellini fuerunt in Cartha-  
ginensi. Quid? Æneas spectans pictu-  
ram, cuius ante memini, Se quoque

principibus permixtum agnouit Achius.  
Sed quibus oculis legerem, me prin-  
cipibus & gubernatoribus disputa-  
tionis Posiacæ propè præfuisse? Credo  
equidem facetos nugatores, vt ri-  
deant & ludant, talia fingere. Sed ni-  
mis ociosi sunt, quibus vacat tam val-  
de ineptire & nugari in re seria. Imò  
quia audierant, Donatistas olim ca-  
uillatos esse, Marcellinū precio cor-  
ruptum in Collatione fuisse, etiā fin-  
ixerunt nescio qua liberalitate & mu-  
nificentia Nauarrica cumulatum me  
fuisse. Hic verò cur non serio dolerē  
eos ludere & mentiri?

Credo equidē, si optimus princeps  
diutius vixisset, spem non fefellisset,  
quam dederat, fore vt maiores me-  
liorésque meos labores remunerare-  
tur. Nūc cur eo mortuo, nobis insul-  
tēt aduersarij, nō nihil fortasse causæ  
est, præsertim cùm iam tandem perfe-



cerint, quod iampridem multis insidiis tentarunt, ut quam spem meæ familiolæ esse putabam, summam calamitatem esse experirer, cumulatam noua hisce diebus & propè incredibili iniuria, direptisque etiam meorū studiorum subsidiis. Sed de tali remuneratione gratiáve viperina aliás querar. Illud modò dico, tali beneficio hanc commentationem, cui, cum id factum est, operam dabam, abruptam fuisse nō minus quàm alteram, cuius alioqui accessione hanc insti-  
tuebam augere, cùm quidem eodem etiam tempore fortè rogatus, ut quæ in Cōstitutionum Codice primæ o-  
currūt leges de religione & Ecclesia, eas leges publicè interpretarer, pluri-  
bus diebus in iuris auditorio Parisiensi id egisse, præsertim cùm is es-  
set auditorum concursus & frequen-  
tia (nam aliquot millia doctissimorū

hominum conuenēre) cāque attētio & assiduitas, vt meipsum excitarit, vt sapientissimi & fortissimi, & (quod imprimis dicendum erat) religiosissimi Principis, hoc est, Theodosij consilia Constantinopolitano quoque Concilio cōfirmata, optimāsque constitutiones de Ecclesia concilian-  
da atque in integrum restituenda plu-  
ribus verbis exponerem. Ergo nunc optabam, si per Dauos, qui inturbant omnia, licuisset, illud exēplum Theodosij patris & consilium, quod Orientis Ecclesiam seruauit, conferre cum ea ratione, quam Honorius filius triginta pōst annis ad Africā Ecclesiā liberandā iniuit. Est enim v-  
trunque imprimis memorabile exē-  
plum, quod nunc quoque in simili Reip. attonitæ periculo sequātur, qui Remp. cum Ecclesia saluam esse vo-  
lunt. Scio talia nunc irrideri, atque e-



tiam esse odiosa. Sed non quia multi nunc etiam virtutem irrident tanquā fabulam aut inane nomen, propterea virtutis omnem & effigiem proculcabimus & memoriam abiiciemus. Imò verò quia homines nequam virutem nunquam ne pictam quidem viderunt, inuitis etiam obtrudenda est, & tantò ea magis ingerēda, quam Antiquitas olim coluit, *Virtutem ut videant, intabescantque relicta*. Saltem mihi venia detur, si legibus & exemplis bonis ex Ecclesiastica quoque historia repetitis, & sanctioris Iuris prudentiæ monumentis delectari me non dissimulo, præ quibus propè iam mihi sordent alia subtiliora scilicet mysteria, quæ Iuris Civilis esse dicuntur, & eo titulo ambitiosè iactantur. Per me sanè licet, vt iuris periti, qui volent, se abiiciant vel ad captandas in scholis gloriolas inaniū λεπιολογιῶν.

vel ad opes in foro colligendas, vel etiam ad magistratus si non misere ambiendos, at certè damnosè emendos: liceat modò mihi, bona eorum gratia, iis in solidum relinquere atque cōcedere, quod tanti faciūt, vt, quod negligunt, potius amplectar.



EXTRAICT DV PRIVILEGE  
DV ROY.

PAR grace & priuilege du Roy est permis à Claude Fremy, marchant Libraire de l'université de Paris, d'imprimer, ou faire imprimer, mettre en vente & distribuer vne fois ou plusieurs, un liure intitulé Historia Collationis Carthaginensis Catholicorum cum Donatistis &c. per Fr. Balduinum I.C. Et fait defenses ledict Seigneur à tous libraires, Imprimeurs, ou autres de quelque qualité qu'ils soyent, de non imprimer ou faire imprimer, vendre, ne distribuer, en ses pays, terres, & Seigneuries, autres que ceux qu'aura imprimé ledict Fremy: & ce Insques au temps & terme de sept ans, à compter du iour & date qu'ils seroient acheuez d'imprimer, sur les peines contenues es lettres patentes dudit Seigneur, données à Moulins, le xij. iour de Februarie, L'an de grace mil cinq cens soixante six.

DE PAR LE ROY,

Maistre Martin de Beaune, maistre des requêtes ordinaire de l'hostel présent.  
Signé Brunault.

HISTORIA  
CARTHAGINENSIS  
*Collationis sive Disputationis*  
*De Ecclesia,*  
Olim habitæ inter Catholicos &  
Donatistas:  
*Ex rerum Ecclesiasticarum Commen-*  
*tariis Fr. BALDWINI I.C.*

DICTVRVS de nobilissima Catholicoru cum Donatistis Collatione Carthaginensi, paulò altius rem repetam ex veteri memoria Ecclesiae Africane. Nam & in Carthaginensis Conciliis indicadis variè abs doctissimis etiam viris peccatur, hanc Ecclesiasticae historiae partem paulò negligentius exponentibus.

Balsamon Græcus interpres Nomocanonis, annotat, primùm post

A



## HISTORIA

Apostolorum tempora Concilium, fuisse illud Carthaginense, cui Cyprianus præfuit, cùm quæreretur de Baptismo hæreticorum. Sed id non minus inepè dicitur, quām quod consarcinatores Latinæ farraginis Conciliorum, & Magdeburgenses exscriptores Centuriarum historiæ Ecclesiasticæ, aiunt primum Conciliū Carthaginense fuisse illam Donatistarū Synodus, in qua Cecilianus Carthaginensis absens damnatus est. Si queratur primum post Apostolorū tempora Concilium, dicerē potius fuisse illam Cæsariensem in Palæstina Synodus, quæ de Paschatis die disputauit tempore Commodi Imp. sicuti & paulò pòst Romæ, & in Gallia, & in Achaia, & in Arabia Synodos propterea conuenisse testis est Eusebius lib.5. cap.23. & lib.6. cap. 36. & 37. Deinde antè Cyprianum alia fuit Sy-

CARTH. COLLAT. 2  
nodus Carthaginensis de Baptismo hæreticorum. Cyprianus ad Iubaianum, *Multi (inquit) iam anni sunt et longa ætas, ex quo sub Agrippino bona memoriae viro, convenientes in unum Episcopi plurimi hoc statuerunt, &c.* Augustinus tamen lib.4. de Bapt. cap.6. non multis, sed paucis annis ante Cyprianum hoc accidisse ait: ut intelligamus non adeò multis antè annis id factum esse. Sed neque unum ea de re Cypriani tempore Concilium Carthaginense fuit: imò verò tria fuisse, indicat Cyprianus ad Iubaianum. Quod autem ex iis celeberrimū est, quo & Donatistæ potissimum abutebantur, olim etiam quidam dixerūt falsum & fictum esse: neque ab eorū opinione omnino alienum sese esse Augustinus aliquando significauit lib.1.contra Crescon.cap.32. Sed tamen in epist.48. ingenuè agnoscit, &

A ij



## HISTORIA

ex ipso stylo liquere fatetur, confictū  
nō esse. Ceterū si in Cypriani tēpo-  
ribus prædicanda est aliqua Synodus  
Africana siue Carthaginensis, illa po-  
tius laudanda esset, quam Cyprianus  
lib. 4. epist. 8. narrat conuenisse aduer-  
sus eos, qui Circuncisionis exemplo  
abutentes, nolebāt infantes baptizari  
ante octauum diem. Sed & illi Afri-  
cani Episcopi, qui cū Cypriano con-  
iuncti scripsere ad Cornelium Papam  
Rom. de pace Iapsis pœnitentibus  
danda, laudabilis synodi Carthagi-  
nensis aduersus Nouatum eo tempo-  
re speciem edidere, sicuti & eodem  
tempore quandam Romanam Syno-  
dum, cui Afri quoque interfuerint,  
idem definiisse testis est Eusebius lib.  
6. cap. 43. Operæ premium autem est,  
priusquam ad Donatistas descendamus,  
aliquid etiam dicere de Nouati-  
anis. Nā & his illi veluti successere,

## CARTH. COLLAT. 3

& inter eos similia multa fuerunt, &  
multi etiam olim doctissimi homi-  
nes hīc multa confuderunt, quæ dis-  
cernenda sunt. Adeò Africanæ histo-  
riæ Ecclesiasticæ, quæ memoria di-  
gnissima est, perturbatio magna est.  
Epiphanius & Theodoreetus aīunt  
Donatistas fuisse Nouatianæ hære-  
seos: imò quod de Donatistis propriè  
dicendum erat, imperitè ad Nouatia-  
nos refert Epiphanius, cùm hos ait  
Romæ appellatos esse Montenses.  
Certè licet in anabaptismo conueni-  
rent: tamen in ceremoniis Baptismi  
non conueniebant. Vtebantur etiam  
chrismate Donatistæ, non vtebantur  
Nouatiani: neque pœnitentiæ aduer-  
sarij erant Donatistæ, vt Nouatiani:  
neque secundas, vt hi, nuptias damna-  
bant. Certè ipse Cresconius Donati-  
sta cùm negaret se hæreticum esse,  
& hæreticos enumeraret, cū quibus



## HISTORIA

nihil haberet commune, Nouatianos etiam commemorat: neque Augustinus, cùm ei respondit, aliquam Nouatianæ hæreseos notā ei inurit, lib. 2. contra Crescon. cap. 3. Habuit tamen Nouatianum schisma similia multa cum schismate Donatistarū: sed Nouatiani non ita crudeliter grassati sunt, & in Italia atque Oriente regnabant potius quàm in Africa.

Vt autem quidam olim temerè cōfundebant Donatum Numidam cū Donato Carthaginensi, sic etiā multi Nouatum cum Nouatiano. Certè Theodoreus de Fab. hæretic. scribit de Nouato, quæ de Nouatiano potius scribenda erant: & Epiphanius ait Nouatum fuisse Romæ tempore persecutionis, cùm id potius dicendum videatur de Nouatiano. Sed qui Cyprianum, vel etiam Hieronymum in Catal. vel Paciani epistolas nuper

## CARTH. COLLAT. 4

editas legerunt, facile animaduertūt quid Nouato, quid Nouatiano propriè ascribendum sit: & tantò propterea magis miror auctores Centuriarum historiæ Ecclesiast. scripsisse Nouatianum à Nouato creatū fuisse Diaconum Carthaginensem inuitato Cypriano. Felicissimum potius dicere debuerāt. Sanè Nouatus Cypriani Episcopi Carthaginensis presbyter fuit: qui cùm in Italiam venisset, Nouatianum Romanum presbyterum veluti antipapam Romæ creari curauit, cùm electionē Cornelij, quā impedire non potuerat, legitimā non esse cauillaretur: sicuti Donatus Numida, cùm Cæciliani Episcopi Carthaginensis ordinationem accusaret, Maiorinum, cui Donatus alter successit, ordinari curauit, vt testis est Augustinus in lib. de hæres. qui etiā propterea adiicit eum in vrbe Car-

A iiii



## HISTORIA

thaginensi primū erexisse altare contra altare: sicuti Cyprianus simili formula vsus anteā dixerat Nouatianos idem fecisse, sed Romæ. Atque hoc illud est schismatis summum malū, quod vt in Donatistis, sic & anteā in Nouatianis accusatum est, magis q̄ hæreseos crimen. Certè Dionysius Hieroni. in Catal. Alexandrinus scribens ad Nouatiandum, eūmque sui officij admonens, ait, eum quiduis facere debuisse, potius quàm Ecclesiam schismate scindere: neque tam idolatriam, quàm schisma, fugere debuisse: quia cùm hanc fugit, sibi tantùm cauet: cùm verò illud, vniuersæ Ecclesiæ consulit. Et verò Nouatiani, si schismatis rei non fuissent, suæ de lapsis déque hæreticorum Baptismo opinionis nouū & insolens exemplum non esse dicere fortasse potuissent. Quid enim? Ipse Cyprianus in epistola ad Anto-

## CARTH. COLLAT.

5

nianum scribit, apud suos (vt ait) antecessores in sua prouincia quosdam Episcopos non putauisse dandam pacem mœchis, & in totum clausisse contra adulteria locum pœnitentiaæ. Quid verò vt eos vt cumque excuset, adiicit? Sed tamen (inquit) à coepiscoporum suorum collegio non recesserunt, neque catholicæ Ecclesiæ unitatem vel duritiae vel censuræ suæ obstinatione ruperunt.

Atque id quidem etiam Augustinus Cypriano subscribens diligenter obseruauit epist. 48.

Porrò quod Nouatiani Baptizatos in Ecclesia, quam vt pollutam accusabant, & à qua tanquam prophana descierant, non habebant pro baptizatis, propterea que rebaptizabant: faciebant quod hæreticos anteā ausos non esse, indicat Cyprianus in epist. ad Iub. & ad Pomp. & Augustinus libro tertio de Bapt. cap.



## HISTORIA

decimo: Sed tamen principio quodam nitebantur, quod plerique in Africa Catholici sequebantur, & Africanis ( ut dixi ) quibusdam Conciliis confirmatum esse videbatur. Ergo ut Nouatus baptismum abs Cypriano administratum non habebat ratum: sic neque Cyprianus eū, cuius minister fuisset Nouatus aut Nouatianus. Cæterum hoc interfuit, quod Cyprianus ab iis, qui Baptismum nō esse iterandum credebant, sic dissensit, ut tamen propterea non refugerit eorum communionem, neque unitatis vinculum ruperit, neque alicuius schismatis auctor fuerit. Ergo Augustinus Cypriani quidem errorem de baptismō reprehendit, sed laudat illā unitatis charitatem, qua peccatum cooperiri ait, & rebaptisantes tempore Cypriani, nec tamen ab unitatis ( ut loquitur ) compagine recedentes pro-

## CARTH. COLLAT. 6

fitetur eadem dilectione pacis ad veniam pertinere, qua Cyprianus ipse tolerabat admissos in Ecclesiam sine alio quam hæreticorum baptismo: ut quemadmodum propter unitatis custodiam ( sic enim loquitur ) Cyprianus ignorabat iis, quos alioqui in baptismo non iterando errare putabat: sic Cypriano reuera errati in baptismo iterando, ignoraberetur propter eandem unitatis, in qua nihilominus mansit, charitatem. Nouatianis vero schismaticis, qui hoc errore imbuti ab Ecclesia defecerant, non ignorabatur, & multò minus Donatistis. Nā & horū quam illorum opinio, quamvis similis esset, minus excusationis habebat: quia Donatistæ non ignorabant, in concilio œcumenico errorem illius Africani cōcilii, quod Nouatiani obtendere potuissent, fuisse damnatum. Inter tempora Nouati



## HISTORIA

& Donati Sabellius Afer & veluti medius maius aliquid audet, & Ecclesiæ caput ipsum, hoc est, Christum ipsum petit, quem non nisi hominem esse clamitabat: atque ut Trinitatis mysterium tolleret, non modo vnicam diuinitatis  $\gamma\sigma\alpha\nu$ , sed etiam hypostasin vnicam esse contendit: & hæc, *Pater, Filius, Spiritus sanctus*, non personas, sed voces & verba esse docuit. Denique repetiit quod eodem tempore Paulus Samosatenus antistes Antiochenus inculcabat. Capitalis fuit hæc hæresis, sed Africanam Ecclesiam minus perturbauit quam factio Donati: & quia Paulus Samosatenus in Antiochena synodo statim damnatus fuit, Afri Catholici non putarunt esse necesse, ut ad Sabellium damnandum cogerent nouum concilium: & verò Sabellianismus latè in Africa grassatus esse non videtur. Sal-

CARTH. COLLAT. 7

tem Sabellij nō minus q̄ Præxæ aut Marcionis, nō solū vitia, sed & nomina Africanis prouinciis propè ignota suo tempore fuisse Optatus lib. i. scribit. Prætero quod Caluinus in sua Institut. scribit Sabelliū post Arrium fuisse. Constat enim Sabellium mortuum esse priusquam natus esset Arrius. Sed nouum non est doctissimos etiam viros in Africanæ Ecclesiæ historia inscitè peregrinari.

Sabellium Pentapolis emiserat: & ecce paulopost invicna Ægypto Arrius, ex Numidia verò (altero Africæ extremo) Donatus maiores dant turbas, ille in Alexandrina, hic in Carthaginensi Ecclesia. Et quidem ut Optatus lib. 3. de Donato agens ait, in Africa de scintilla conflatum esse incendium: sic & Eusebius lib. 2. de vita Constant. quemadmodum ex modica scintilla ingens ignis accenditur,



## HISTORIA

Arrianum incendiū peruersisse ipsam quoque Lybiam. Sed de Donatiana tragœdia nunc tantū quærimus, quæ & prior fuit, & minus subtilis. Originem & veluti protasim diligenter exponit Optatus lib. i. ex quo etiam Augustinus hanc historiam repetere nos iubet lib. i. contra Parm. cap. 3. vt & quædam in Optati libris desiderantur, quæ ex Augustino repetenda sunt. Ac quidem imprimis obseruo, quod Augustinus scribit lib. 7. de Bapt. cap. 7. post Cypriani passionem annis quadraginta, factam esse illam Codicum in Africa traditionem, cuius quæstio Donatiani schismatis prima veluti si non causa, at certè occasio fuisse dicitur. Idem Augustinus lib. 3. contra Crescon. cap. 27. indicat Diocletianum Imp. viii. & Maximianum vii. Consules fuisse, cum edixerunt, ut Christianorū libri flam-

CARTH. COLLAT. 8

mis abolerentur. Describit Eusebius lib. 8. tragœdiā postremē illius persecutionis. Sed de Africa tantū ait, innumerabilem in ea fuisse martyrum multitudinem. Thermas Maximiani in vrbe Carthaginensi illo tempore extuctas fuisse ait, vt & Diocletiano Romæ aliæ extruebantur, quibus attollendis seruiebāt multa millia Christianorum, veluti ad metalla damnatorum. Sed nunc quæritur de Christianis in Africa lapsis, & Codicum sacrosanctorum traditionis reis, déq; Ecclesiæ Carthaginensis statu & conditione. Ac quidem Optatus narrat quoddam tunc fuisse Concilium Circense, quod reos illos vtcunque absolvit, cum etiam iidem essent propè iudices, qui & rei. Factum id est in Numidia, cuius erat Cirta vībs nobilissima & potentissima, quondam (vt ait Mela) domus Regū Iubæ & Sypha-



## HISTORIA

cis:& quidem eius Concilij Cirtensis annum eundē fuisse indicat Augustinus,cùm eosdem, quos dixi, Consules nominat. Præterat Secundus Tigritanus Numidiæ primas. Idem verò qui Cirtæ conuenerant, postea cum aliquot aliis eiusdem generis in vrbe Carthaginensi conueniunt: & quām in Cirtensi conuentu fuerant molles & indulgentes, tam in hoc Carthaginensi seueri videri voluerunt: Cæcilianūmque Carthaginensem Episcopum, quem vel traditionis reum faciebant, vel à Traditore ordinatum esse clamitabant, inauditum & absensem damnāt, atque abdicare iubent: creant verò quendam Maiorinum, quem illi opponant. Augustinus in Breuic. hoc Cōcilium Carthaginēse contra Cæcilianum fuisse Episcoporum septuaginta narrat: sed iniustum & iniquum: cuius etiam contra Cæcilia-

## CARTH. COLLAT.

9

cilianum sentētia postea rescissa fuit. Itaque dixi indignum fuisse, quod Magdeburgēs in suis Centuriis referrent inter Concilia Ecclesiastica, & fingerent primum fuisse Carthaginense. Hoc autem illud fuit, quod postea Donatistæ in Collatione Carthaginensi, de qua dicturi sumus, potissimum laudabant, sed sine die & Consule, ut primum esse videretur, in quo de Traditione iudicassent: quia opponebatur Cirtense, in quo fuerāt indulgentiores. Sed quod siue prius, siue posterius sibi ius dixerant, idem profectò ius aliis in eadem causa dicere debebant: neque erant ferendi, ut quod in aliis crimē ne conuictum quidem, tam acerbè vindicabant, in seipsis etiam cōfessis impunē esse volebant. Cæterūm Carthaginense illud fuisse Cirtensi posterius indicat Optatus lib. i. cùm ait, Non post lon-

*Augn. in  
breu. coll.*

B



## HISTORIA AD

gum tempus Carthaginem venisse,  
qui Cirtæ anteà cōuenerant. & simili  
phrasí vtitur Augustinus contra Do-  
nat. post Collat. cap. 33. Porrò quid  
consecutum sit, cùm Cæciliānī cau-  
sam ad Constantini Imper. iudicium  
Donatistæ retulissent, & Constanti-  
nus modò iudices Episcopos Romæ  
dedisset: modò deinde alios Arelati,  
& denique ipse, cùm esset Medioli-  
ni, de ea iudicasset, repetere oportet  
partim ex Optato, partim ex Au-  
gustino. Nam in Optato desideran-  
tur, quæ de iudicio Arelatensi, &  
Constantini sententia Mediolanensi,  
qua Cæciliānus postremò absolutus  
est, suggerit Augustinus in epist. 162.  
& lib. 3. contra Crescon. cap. 71. Quæ  
quidem inserenda videntur sub fi-  
nem libri primi Optati ante hæc ver-  
ba, *Eodem tempore*: ne quis alioqui  
ex Optato (vt circunfertur) mutilato,

CARTH. COLLAT. 10  
temerè colligat, sic Cōstantinum re-  
ieicisse appellationem Donatistarum  
de Melchiadis sententia conqueren-  
tium, vt nullos præterea dare iudi-  
ces voluerit: aut simpliciter tunc pro-  
nunciarit à re bene iudicata temere  
appellari, sicuti quidam alioqui do-  
cti viri nuper tradiderunt. Imò verò  
sciamus Cōstantinum dedisse iudi-  
ces huius appellationis, non quidem  
ipsum Arelatēsem episcopum (quod  
temerè putauit Caluinus, cùm non  
obseruasset eum iam Romæ cum  
Melchiade iudicem fuisse) sed alios  
episcopos, qui Arelati conuenerant.  
Porro si quis roget de tempore, quo  
Donatistæ non contenti suo Cartha-  
ginensi Cōsilio appellarūt Constan-  
tinum: in Optati libro primo scriptū  
est, Cōstantino 1111. & Licinio 111.  
Cons. Romæ de hac causa iudicatū  
esse ab iis, quos Cōstātinus primū



## HISTORIA

iudices dedit. Augustinus verò habet, factum id esse Constantino tertium, & Luciano iterum Consulibus. Non dubium est, *Luciano* mendose scriptum esse pro *Licinio*: sed in Optato rursus mēdosē scriptū esse existimo 1111. pro 111. & 111. pro 11. sicuti in numeris facilis est lapsus librariorū. Ut autē magis probē, quod dixi, facit quod Augustinus in lib. cōtra Donatistas post Collat. cap. 33. ait, sequenti anno Consules fuisse Volusianum & Anianum. Viuebat ergo etiamnum Diocletianus, sed iam pridem abdicatus, cū primū abs Donatistis appellatus est Constantinus. Nam Diocletianus mortuus est Volusiano & Aniano Coss. decimo anno post suum edictum de abolendis Christianorum libris. Ut autem toto illo decennio Donatus sui schismatis fundamenta iecit, sic nouem pōst an-

CARTH. COLLAT. II  
nis hēc causa Cōstantinum etiam fatigauit: quē Augustinus narrat, cūm ipse Consul esset cum Crispo, literas dedisse, quibus Donatistarum exiliū soluebat, & eorum furorem Deo relinquebat. Adeò Donatistarum factio coērceri reprimique non posse videbatur. Quæ quidem mirabiliter statim confirmata est, & totam mox Africam occupasse videtur, cū etiam Ecclesiā Catholicā, quę cum Cæciliano communicaret, propterea apostaticam esse, nouámque se Ecclesiam puriorē colligere iactaret. Certè ad ea Donati prioris etiamnū superstitis prima tempora referendum esse videtur alterum illud Carthaginense Donatistarū Episcoporum C C L X X (adeò statim aucti erant) Concilium, cuius meminit Augustinus in epist. 48. Nam & significat cōuenisse quadraginta annis antè Macariana tem-



## HISTORIA

pora, quæ sunt Constantis Imp. tempora, vt ex Optati libro tertio colligimus. Est autem memorabile, quod Augustinus significat, in eo Concilio Donatistas post deliberationem dierum Lxxv decreuisse, vt traditoribus etiam non rebaptizatis communicaretur.

Porrò tribus aut quatuor annis post datas illas nimiū Donatistis indulgentes literas, Cōstantinus aduersus Arrium, de quo reprimendo magis sollicitus erat, coēgit Nicenum Concilium, cui etiā interfuisse Afros Episcopos notum est. Occupati autē in Arrianis refellendis Catholici, nec scio quomodo Donatistas missos fecere. Neque tamen non aliquid de iis actum esse Niceæ suspicor. Cur autem id suspicer, cū eorum neque Niceni canones, qui circūferuntur, neq; acta, quæ vulgò habētur, meminerint,

CARTH. COLLAT. 12  
multi fortasse mirabūtur. Sed in August. libris obseruaui, quod vulgò nō obseruatur. Vt de Ecclesia, sic de Baptismo magna aduersus Donatistas quæstio fuit. Hi enim Carthaginense Conciliū Cypriani opponēbant, cùm Baptismum aduersariorū, quos iudicabant alienos esse ab Ecclesia, ratum non habebant, & propterea in suo cōetu cum iterabant: quod & Arrianos fecisse testis est Ambrosius de Basil. traden. Quid Nicenum Concilium? In eo reprobatum fuisse quod placuerat Carthaginensi Cōcilio Cypriani Augustinus sepe significat, cùm Carthaginensi huic Concilio prouinciali opponit Concilium (vt vocat) plenarium totius orbis & universæ Ecclesiæ & omnium Gentium: quod quidem post Cypriani passionem, antequam ipse Augustinus natus esset, conuenisse scribit lib. 2. de



## HISTORIA

Baptis. cap. 9. sed de Niceno alias plura. Nunc ad causam Donati redeamus.

Primus Donatistarum Episcopus Carthaginensis, qui Cœciliiano sese opposuit, & altare cōtra altare erexit, fuit Maiorinus. Huic successit Donatus alter, qui hoc schisma valde confirmauit. Nam & multa eum scripsisse ad suam hæresim pertinentia, testatur Hieronymus in Catal. Sed & eodem tempore Vitellium Afrum huius factionis acerrimū defensorē fuisse, Génadius in suo catalogo illustrium scriptorum testis est. Interea verò catholicum aliquem scriptorem Donatistas refutasse non legi. Credo nostros (vt dixi) in Arrianis refellendis totos fuisse. Ergo in Africa magis atque magis inualescebant Donatistæ: & verò Donatus ille Carthaginensis cōevasit, vt non modò tanquam ali-

CARTH. COLLAT. 13

quis Hānibal Imperatores Rom. superbè contemneret, sed & tanquam deus aliquis coleretur, & per eius nomen, tanquam numen, iuraretur: denique illi Deus de cælo respondisse crederetur. Testes sunt Augustinus & Optatus. Sanè tamē Hieronymus in suo Chronico, hunc Donatum Carthagine tādem pulsum esse significat: licet mēdiosus videatur index temporis. Tyrannum fuisse Optatus significat. Itaque tali duce incitati Donatistæ nihil non audebant. Ac quidem Arriani alicuius sui Cōstantij aut Valentis Imp. præsidio armati, audebant in Catholicos sœuire, Donatistæ verò nō modò non adiuantibus, sed etiam reclamantibus Principibus statim superarunt Arrianorum sœutiā, cùm non nisi suorum Circuncellionum audacia & furore septi essent. Ipse Constans Imper.



## HISTORIA

ad eos coercendos in Africā aliquando misit Macarium suum Præfectū, qui seuerè animaduertit in Donatistas. Sed talis animaduersio non potuit tollere insaniā, quæ animos multorum occupauerat: & Catholici maluissent sine armis agi, & ratione atque disputatione discuti errorē, qui præcipites Donatistas agebat. Quorum audaciam tandem etiam armavit Julianus Apostata, & iis Basilicas restituit, quas Constantinus ipse abstulerat. Testis est Augustinus lib. 2. contra Petilianum, cap. 92. Ergo magis atque magis Donatistæ infolescere cœperunt. Donato autem Carthaginensi succedit Parmenianus, qui suam rursus sectam nouis libellis propagauit atque cōfirmauit. Tū verò in Numidia excitatus tandem aliquis nostrorum est, qui illi responderet. Is fuit Optatus Mileuitanus E-

## CARTH. COLLAT. 14

piscopus, qui testatur se illi rescribere & respondere, vt sit inter absentes quædam veluti collatio. Ac multos quidem desiderasse, vt ad eruendam veritatem, partium conflictus haberetur. Sed Donatistas & accessum prohibuisse, & aditus interclusisse, & confessum vitasse, & colloquium denegasse. Itaque nō nisi per literas cum iis agi potuisse. Parmeniani tractatū vocat Optatus, quem refellit. Scripsit autem præterea hic Parmenianus ad Tychonium epistolam, quam Augustinus tribus libris refutauit.

Post Parmenianum Carthaginensis Donatistarū antistes fuit Primianus ille, qui abs suo Maximiniano Diacono, quē dānarat, accusatus effecit, vt Donatistæ inter se veluti committerentur, & novo schismate suum schisma distraherēt, alteraque pars alteram veluti discerperet: vt &



## HISTORIA

Arrianos in plures sectas tandem disse-  
ctos fuisse accepimus. Ergo aduersus Primianum in vrbe Carthaginensi quadraginta tres Donatistæ antistites conuenerunt, qui suo eum preiudicio, ut ait Augustinus, prædamnarunt. Deinde alterum fuit Concilium Curbussitanum plusquam ceturum eius generis Episcoporum, qui Primianum magis atque magis damnarunt. Testis est Augustinus lib. 5. contra Crescon. cap. 6. Integrum autem & solennem eius Concilij sententiam recitat in Psal. 36. Et quidem ipsum Maximianum in vrbe Carthaginensi contra Primianum ab eiusdem erroris centum Episcopis ordinatum esse Augustinus ait in lib. de Hæref. Quo anno & consule factum id sit, minus liquet. Sed vt cunque tamen coniice-  
re licet, cum quidem paulò post secu-  
tum sit contrarium Concilium Ba-

CARTH. COLLAT. 15

gitanum, idque cōuenisse vno anno ante mortem Theodosij, Augustinus significet lib. 3. contra Crescon. cap. 56. Fuit autem hoc Bagaitanum in Numidia Concilium trecentorum & decem antistitum Donatistarum, qui resciderunt sententiam contra Primianum pro Maximiano latam, & illos centum, qui non Donatistæ, sed iam Maximianistæ vocabantur, male iudicasse pronunciarunt, & Primianum in integrum restituerunt. Formulam sententiæ Bagaiensis recitat Augustinus lib. 3. contra Crescon. cap. 53. Est autem valde necesse, rem illam totam diligenter cognoscere. Nam & illud demum est, quo probat Augustinus Donatistas suo veluti gladio iugulatos esse: & in collatione Carthaginensi propterea id illis imprimis obiecit, & postea congressus in Mauritania cū Emerito, recitansq;



## HISTORIA

gesta Collationis, auditores valde est obtestatus, ut attentè cognoscerent illam de Maximianistis historiam, quam & eo loco diligenter rursus exponit. Sanè cum in Collatione Carthaginensi Donatistarum veluti Dux & signifer fuisse dicatur Primianus Carthaginensis eorum antistes: credo, eū ipsum esse, quē defendit synodus Bagaitana. Nā & inter hāc atque illā Collationē non nisi anni sedecim intersunt. Postremo obseruādum est Donatistas, vt sui Bagaiensis Concilij sententiam exequerentur, Theodosianam de hæreticis legem protulisse, cuius auctoritate, Maximianistas tanquam hæreticos expellerent aut coercent. Atqui ea lex aduersus omnes Donatistas, vt & reliquos hæreticos lata erat, & cum ei non parerēt Donatistæ, Maximianistas tamen obnoxios esse volebant, vt etiam oc-

## CARTH. COLLAT. 16

cuparent eorum Basilicas. Ea enim lex erat, vt qui Ecclesiæ Catholicæ non communicarent, nihil Ecclesiæ nomine possiderent, sed potius Vnitati id restituerent. Vide Augustinum tractatu sexto in Ioannem, & libro 2. contra Petilian. Mitto alias Theodosij leges in hæreticos, quarū Augustinus sæpe meminit, & inter quas duæ nobilissimæ fuerunt duobus aut tribus annis ante Bagaitanū illud Concilium lata: Prior, quæ seuerissima est, lata Titiano & Symmacho Cos. extat in Cod. Iustin. l. 3. C. de Apost. Altera lata sequenti anno, hoc est, Arcadio 11. & Rufino Cos. de multa decem libraruī auri, extat in Cod. Theodos. Cæterū & si vix villa harum legum executio esset, Donatistæ tamen inuidiosè odiosèque clamabant, sese vexari, & suam causam non iure agi, sed vi opprimi: Petri-



## HISTORIA

lianumque nocti sunt strenuum declamatorem, qui ex causidico factus eorum antistes Cirtensis, & deinde Cæsariensis, acerrimus fuit suæ sectæ patronus. Sed bene habet: incidit in Augustinum, qui, quo anno mortuus est Theodosius, factus Episcopus Hippomensis, fortis & assiduus Ecclesiæ Catholicæ vindex fuit, & restitutes aduersarios tandem pertraxit ad Collationem: quæ optima esse visa est eorum conuincendorum ratio. Sed priusquam de ea dicamus, aliquid rursus repetendum est de aliis Carthaginensibus Conciliis. Nam & video multa de iis tradi & falso & præpostere & confusè. Ac imprimis quidem falsum & fictū planè esse videatur, quod scriptores Centuriarū historiæ Ecclesiasticæ narrant Concilium quoddam Carthaginense, quod vocat secundū, conuenisse Valentino &

Theo-

CARTH. COLEAT. 17

Theodosio Coss. Nam neque hi consules simul fuerunt: neque quisquam veterum meminit alicuius Concilij Carthaginensis temporibus Theodosij magni, nisi illius, quod dixi fuisse Donatistarum. Quod verò adiiciunt, Cesario & Attico Coss. Concilium Carthaginense aliquod fuisse, minus repudio, quia Balsamon id indicat: sed cur tertium illud vocent, viderint. Certè falluntur, cum illi Concilio ascribunt Canones, qui potius alteri multò celebriori Concilio Carthaginensi, quod aliquot post annis habitum est, ascribendi sunt, ut ex Photij Nomocanone intelligi potest. Repudiandum etiam est, quod fingunt de alio Concilio Carthaginensi, quod quartum vocant, & duobus annis post superius, quod vocant tertium, hoc est, Honorio 1111. & Eutychiano Coss. conuenisse narrant. Nam

C



## HISTORIA

& si Balsamon fateatur iis Consulibus aliquid in Ecclesia Carthaginensi decretum fuisse de mittendis legatis ad Imperatorem: tamen nescio unde repetuntur tam multi Canones, qui huic Consilio ascribuntur. Ut autem molestè fero multa fingi de huius generis Conciliis Carthaginensibus, sic miror præteriti Carthaginensem cum Donatistis Collationem, quæ in eorum historia imprimis cōmemoranda erat. Sed & paulò pōst coiit nobilissimum contra Pelagianos Concilium Carthaginense, quod Augustinus Africanum vocat. De eo postea viderimus. Nunc ordo postulat, vt agamus de Collatione. Iam annis propè centum Donatistæ sic omnia permiscuerant, vt in Africa discerni vix posset quænam esset Ecclesia, cum quidem altare contra altare passim erectum esset, & vtraque pars de Ec-

CARTH. COLLAT. 18  
clesię titulo & possessione contendere. Ergo iampridem multi optabant vt aliqua legitima disceptatione hæc quæstio definiretur, & populus id nō minus quām res ipsa postulabat, *Scimus* (inquit Augustinus) quām multi <sup>In lib. pōst</sup> vestrūm & forte omnes, aut penē omnes <sup>Colla.</sup> dicere soletis, *O si in locum unum conuenient!* *O si aliquādo conferrent,* & illis disputationibus veritas appareret! Sed quā propterea Catholici optabant cum Donatistis congregari, tam congressum refugiebant Donatistæ. Augustinus in Epist. 166. ad Donatistas: *Vestri* (inquit) *Episcopi conuenti à nobis nunquam nobiscum pacificè conferre voluerunt, quasi fugientes cum peccatoribus loqui.* Sane cum aliquando diceretur quidam Episcopus Donatista, dixisse velle se bonis viris sedentibus conferre cum Augustino, Augustinus nihil nō fecit, vt ei vltro



## HISTORIA

occurreret, atque etiam currentem  
incitaret, Epist. 47. Denique cum  
non impetraret, quod tantopere o-  
ptrabat, curat ut clerici sui Hippo-  
nenses Ianuarium Carthaginensem  
Donatistarum Archiepiscopum sol-  
licitent. Extat eorum epistola, quæ  
inter Augustini epistolæ est 68. Ea  
autem imprimis vrgit, ut quoniam  
iam olim in hac causa appellatus est  
Imperator, huius auctoritate institua-  
tur publica Collatio: quia & ille de-  
mum sit, qui cùm legibus iam latis  
non teneatur, liberius poterit & Col-  
lationem indicere, & de re tota sta-  
tuere: cùm Præfectis, qui legibus iam  
latis seruiunt, tantum non liceat. Et  
quia Donatistæ eo, quem dixi, præ-  
textu recusarunt cum nostris congre-  
di: Hipponenses Clerici eò se demit-  
tunt, ut etiam allegent Christum i-  
psum cum diabolo de lege locutum

CARTH. COLLAT. 19

esse: & cum Paulo nō solum Iudæos,  
sed & Epicuræos contulisse. Donati-  
stæ rursus excipiebant, Dialecticas  
disputationes non conuenire Chri-  
stianæ religioni, & Augustinum nihil  
aliud esse quām contentiosum dispu-  
tatem, qui fugiendus potius & ca-  
uendus, quām refellendus reuin-  
dusque esset. Quid huic cauillationi  
responderit Augustinus, legi potest  
primo eius libro cōtra Cresconium.  
Idem libro quarto, *Studium* (inquit)  
*pro veritate certādi, quia sēpe voluimus cū*  
*vestris conferre, ut errore sublatu, fraterna*  
*charitas pacis vinculo necteretur, conten-*  
*tionis & animosicatis vitioso nomine re-*  
*prehendis.* Sed norat hoc Donatistæ  
obtendisse, quia (ut ait) mallent cau-  
sam malam cooperire excusatione,  
quām disputatione finire. Et in eodē  
libro, *Puto* (inquit) *quod facillimè in-*  
*telligas, non deuitande contentionis causa,*

C iii



## HISTORIA

*quaē nulla est, cum veritas queritur, vel non pro vana gloria litigatur, sed causae malae diffidentia, vos nobiscū nolle cōferre.*  
Hic verò operæpreciū est obiter obseruare, disputationes in causa religionis modò bonas & vtiles, modò perniciosas esse. Certè quidnam sit, quo de queratur, videndū est, & modus semper est tenendus. Terrullianus de Præscript. negat cum hæreticis disputandum esse. Sed Niceni patres nihilominus cum Arrianis semel disputatione non recusarunt. Cùm autē in Constantinopolitano quodā conuentu rursus Arrianorū causa agenda esset, Theodosius laudauit eorum consilium, qui, ne toties actum ageatur, nō tam disputationibus nouis, quām veterum præiudiciis & auctoritate vrgendos aduersarios esse dicebant. Postremò Augustinus, cum quibus & quatenus, & quando, &

## CARTH. COLLAT. 20

quomodo disputandum esset, rectè vedit. Qua de re quid statuerit, intelligere licet, ex iis quæ scribit libro 2. de Ciuitate Dei, cap. 1. & lib. 1. de peccat. mer. & remis. cap. vlt. & in Enchirid. cap. 69. & in epist. 111 & 121. Tandem ex sentētia Concilij Calchedonensis sapientissima & religiosissima lege lata, vetuit Martianus Imper. ne quis de fide Christiana publicè turbis (vt ait) coadunatis & audientibus tractet: neque res iudicatas & rectè dispositas disputando atque contendendo reuoluat, ne ex huiusmodi certamine profanet veneranda mysteria. l. 3. C. de summa Trinit. Sed hoc demum edictum fuit de mysteriis fidei, & post quatuor Concilia Oecumenica, & cùm iam in tertio, hoc est, in Ephesino decretum esset, vt symbolo fidei nihil adiiceretur: denique cum infinitis ea de re disputationi-

C iiiij



## HISTORIA

bus, earumque petulantiae & pro-  
citatitudinem iniiciendum esset. Cæ-  
terum ut nihil hoc ad causam Dona-  
tistarum, sic neque ad æratē aut per-  
sonam Augustini. Et verò hic unus  
demum ostendit, quānam esset hæc  
ratio tuendæ veritatis: & quomodo  
ea vtendum esset, expertus quoque  
sæpe fuerat: sed nunq̄ magis, quām  
in illa, de qua nūc loqui institui, cum  
Donatistis Collatione.

Prima Augustini, necdum Episco-  
pi, sed tantum presbyteri publica hu-  
ius generis conflictatio fuit duobus  
diebus cum Fortunato Manichæo in  
vrbe Hipponensi. Aderant notarij,  
qui singula exciperēt atque cōsigna-  
rēt. Populus auditor erat disputatio-  
nis. Sed alioqui nullus iudex aderat.  
Etsi autem planè conuersus non fue-  
rit infelix ille Fortunatus: at saltem  
perculsus in eo certamine fuit.

## CARTH. COLLAT. 21

Altera in eadem vrbe fuit tribus  
diebus Augustini disputatio non dis-  
similis cum Felice Manichæo: sed ex-  
itu feliciore. Tertia fuit etiam cele-  
brior eodem in loco cum Maximia-  
no Arriano, sed minimè eodem suc-  
cessu. Extant harum Collationum a-  
cta in libris Augustini. Fuit & alia cū  
Pascentio Comite Arriano in vrbe  
Carthaginensi: sed prima eius coīcio  
molestior fuit, quia aduersarius no-  
tarios cōsignatores adesse principio  
nolebat, pactisque conuentis mini-  
mè stabat. Tandem tamen legē Col-  
lationis accepit, neque solūm nota-  
rios adhiberi passus est, sed & Laurē-  
tium iudicem tulit, & ab eo senten-  
tiam ferri non recusauit. Testis est  
Augustinus epist. 174. & 178. Sed nul-  
la vel vtilior vel nobilior quām cum  
Donatistis Collatio fuit. Ac iam an-  
teā priuatim & obiter Augustinus cū



## HISTORIA

Fortunio quodam Donatista Episco-  
po cōgressus fuerat in populari qua-  
dam turba. Cūmque hæc suo strepi-  
tu ipsos quoque notarios exceptores  
interturbaret, & disputatio propter-

Aug. epist. 163. ea abrupta fuisset, rogarat Augusti-  
nus, vt in aliquo recessu tuto & tran-  
quillo hæc perageretur. Sed multò  
magis quod optabat, impetravit,  
cum instituta fuit Collatio Cartha-  
ginensis. Possidius, qui interfuit, scri-  
bit eam potissimum ab Augustino  
procuratam fuisse magno cum Eccle-  
siæ bono, adiuuāte (vt ait) gloriofis-  
simo & religiosissimo Imperatore  
Honorio, qui ad id perficiendum e-  
tiam à suo latere Tribunum & nota-  
rium Marcellinum, in Africam, iudi-  
cem misit. Nempe ex consilio Augu-  
stini miserant Catholici Afri legatos  
in Italiani ad Honorium, qui hoc po-  
stularent. Videbant enim sine princi-

CARTH. COLLAT. 22

pis auctoritate atque præsidio, neque  
conuentum talem indici, neque ad-  
uersarios ad eum cogi, neque ut dis-  
putationem non eluderent, contine-  
ri posse.

Ne quis autem miretur causam  
hanc Ecclesiasticam ad Principes re-  
latam, & ab his eius cognitionem  
magistrati ciuii demandatam esse,  
meminerit extraordinarium quod-  
dam & singulare exemplum fuisse  
propter necessitatem, quæ legem non  
habere dicitur: propterea que ad con-  
sequentiā trahi non debere. Id ipse  
Augustinus indicat libro tertio con-  
tra Iulianum. Pelagiani post Episco-  
porum concilia Prouincialia, prouo-  
cabant ad nescio quam (vt vocant)  
œcumenicam synodus, & ab Impe-  
ratore literas eo nomine impetrarāt.  
Catholici id recusant, cùm intellige-  
rent id peti nō minus insidiosè quam



## HISTORIA

ambitiosè. Pelagiani obiciebant exemplum, de quo agimus. Augustinus iis respondens, *Nec verò (inquit) vos & alios decipiatis, velut talem vocem habentes aduersus nos, qualem nos aduersus Donatistas, quos ad Collationem nobiscum venire per imperialia iussa compulimus.* Illorum enim furor occupauerat Africam totam, nec prædicari à Catholice veritatem contra suum patiebantur errorem, violentis aggressionibus, latrociniis, rapinis, ignibus, cædibus, multa vastantes, cuncta terrentes. Cum quibus apud Episcopos, quos communes non habebamus, nihil agere poteramus. Quod verò ante centum fermè annos Maiores nostricum ius egerant, iam populorum memoriam non tenebat. Hæc igitur necessitas compulit, ut saltem gestis nostra Collatione confectis, eorum contunderemus inuercundiam, & reprimeremus audaciam. Hæc ille. Et si autem hoc genus Collationis quo-

CARTH. COLLAT. 23

dammodo extraordinarium fuerit, & in Africa magis quàm alibi, fuerit usitatū, tamen memini Epiphanius scripsisse non dissimilem disputandi præsentibus notariis, qui gesta exciperent, potestatem concessam ab Imp. Constantino fuisse Photino hæretico iam alioqui in Sardicensi synodo damnato: & quidem inter auditores eius disputationis & arbitros abs Constantino datos, Epiphanius numerat quandam Marcellinum. Fuit autem illa inter Photinū & Basylium Ancyranū Collatio de quæstione multò subtiliori, quàm quæ cum Donatistis habita est. Nam caput, hoc est, Christum ipsum oppugnabat Photinus: Donatistæ verò non nisi corpus, hoc est, Ecclesiā. Adde, contra Donatistas fuisse quandam veluti mixtam causam, cui etiam inerat quandam ciuilis quæstio facti de Ce-



## HISTORIA

ciliano & eius ordinatore Felice: quā  
& ipsi Donatistæ olim priores retu-  
lerant ad Constantinum, quāmque  
hic Imperator partim suis in Africa  
præfectis, partim Ecclesiasticis in Gal-  
lia & Italia Antistitibus mandarat.  
Postea creuit Donatistarum intem-  
peries, qui pro offensione iactabant  
victoriam, neque tamen in ius siue ad  
Collationem trahi poterant nisi im-  
perio magistratus: quīque in Col-  
latione, vt ad rem venirent, cogi non  
poterant, nisi eiusdem potestatis præ-  
ficio & auctoritate: denique quorum  
furor militaris & Circuncellionum  
gladiis armatus coērceri nō poterat,  
nisi terrore Principalis. Erant mirabi-  
les pragmatici, magisque versipelles  
& versuti calumniatores, quām vlli  
vnquam fuerint in suo foro causidi-  
ci. Erant etiam gladiatores magis san-  
guinarij, quām vlli in castris educati

CARTH. COLLAT. 24

milites, qui manu potius quām ver-  
bo pugnare voluissent. Et verò ni  
Marcellinus aliquis cum sua Appari-  
tione adfuisset, periculū erat, ne Col-  
lationem efficerent, qualis paulò post  
mortem Augustini fuit Ephesina illa  
synodus, quæ λητρικὴ appellata fuit.  
Certè non dubitassem Augustinum  
tractare, vt in ea synodo Flauianum  
tractarunt Nestoriani. Quid enim?  
Possidius, bonus imprimis auctor,  
narrat, Donatistas, cum ad modera-  
tam disputationem prouocarentur,  
furiosè exclamasse, Augustinum tan-  
quam lupum esse opprimendum. &  
eos, qui eum trucidassent, abs Deo  
veniam facile impetraturos esse. Cre-  
do, propter has causas Honoriū vo-  
luisse suum Marcellinum cum arma-  
ta Apparitione adesse huic Collatio-  
ni. Alioqui sanè voluisset Augustinus  
tale præsidiu abesse. Nam & in epist.



## HISTORIA

203. cùm Donatistas prouocat, Cessabit (inquit) à nostris partibus timor temporalium potestatum: cesset etiam à vestris partibus terror congregatorum Cicuncelliorum. Et in epist. 173. prouocas Crispinum Donatistā ad Collationē, Mapalienses (inquit) ambos nos audiant, ita ut scribantur quae dicemus, & à nobis scripta eis Punicè interpretentur, & remoto timore dominationis eligat quod voluerint.

Postremo & illud obseruandum est, vt Donatistæ actum agebant, sic Marcellinum iuris minimè aut noui aut dubij arbitrum fuisse: & facti potiusquam iuris fuisse quæsitorem, & quidem cognitionē illi potius quām iurisdictionem mandari: denique iudicem cum formula dari: vt olim rerum priuatarum iudices priuati à Prætore dabantur. Sed neque hīc sedere voluit Marcellinus, nisi si affiderent colloctores: cum tamen in iudicio

## CARTH. COLLAT. 25

dicio ciuili solus sedeat iudex: stare autem iubeatur litigatores. Denique protestatur, quod Constantinus in Niceno concilio protestatus erat sedens in imo subsellio. Et tamen ut Collatio diuersa fuit abs forensi aliquo iudicio, sic & ab Ecclesiastico Concilio, in quo potius iudices sunt Antistites. Quām autē demissè, temperanter, modestè, hic se gesserit Marcellinus, Acta ipsa melius ostendent. Nullam autem hīc fieri mentionem Episcopi Romani, nō mirabitur, qui, quæ iam dixi, expēdet. Eum certè reuerebātur & obseruabāt Afri, tametsi in Concilio Mileuitano & Carthaginensi, cùm suam in vtroque sententiā de Pelagianis ad eū retulissent, transmarinas alioqui appellations cohererent. Sed neque dissimulare debemus, quo tempore hæc Collatio postulata est, eo tempore Innocentium

D



## HISTORIA

Episcopum, Rom. Vrbe abs Gothis capta, longè aliud domi habuisse quod ageret. Felicem quendam, qui se vrbis Romæ Episcopum esse iactabat, in hac Collatione cum Donatistis fuisse. Acta significant, vbi & Romana nescio quæ nobilitas simul adesse dicitur. Itaque suspicor aliquē Donatistam pseud'episcopū, qui Romæ suis Donatistis Montensibus (vt ibi appellabantur) præfuerat, vrbē cāpta, Gothos fugientem cum suis in Africam traieisse, & sese Collationi Carthaginensi, in quam fortè incidit, cupidē & ambitiosè immiscuisse. Nā & Donatistis tēpestiuē summissum videbatur tale auxilium.

Porrò cùm audimus Marcellinum Tribunum & Notariū præfuisse huic Collationi, intelligimus virum sapiētem & religiosum, & potestate magna præditum magistratum operam

## CARTH. COLLAT. 26

dedisse huic cognitioni. Tribunus etiam & Notarius fuisse dicitur Dulcitus ille, cui postea in Africa deman datam quoque fuisse curam legum & iussionum Imperialiū contra Donatistas, scribit Augustinus. Omitto, Claudianum Poëtam eius temporis, Tribuni & Notarij titulo ornari in Epitaphio, quod Romæ in foro Traiano prostabat. Qualis autem quantusq; vir fuerit hic Marcellinus, quā æquus arbiter, quām moderatus iudex, ipsa huius Collationis acta melius indicant. Dicerem quod Orosius dicit, virum imprimis prudentem fuisse & industrium, omniūque bonorum studiorum appetentissimum. Sed vnius Augustini testimonio contentus sum, vt intelligam virum magnum, & Iurisconsultū minimè profanum fuisse. Scripsit Augustinus ad eum non solū libros de peccatorū

D ij



## HISTORIA

meritis & remissione contra Pelagianos, & de spiritu & litera: sed & eruditissimos illos de Ciuitate Dei, inchoatos paulò post urbem captam, hoc est, circa tempus Collationis Carthaginensis: sed & epistolas duas v. & vii. ex quibus appetet, in media Reipub. gubernatione Marcellinum de religione imprimis sollicitū fuisse, & subtilissimas etiā in eo genere quæstiones intellexisse: imò quedā veluti ~~ep̄yod̄iānt̄l̄w~~ fuisse, qui Augustinum incitaret. Adde eiusdem Augustini ad eum epistolas duas, CLVIII & CLIX. vbi quoque scriptum est, causas ecclesiasticas eius excellentiæ possimum iniunctas fuisse. Non erat, vt ille apud Ciceronem ridiculus L. Gellius, qui cùm in Asiam iturus, Athenas venisset, putauit sese statim omnes omniū Philosophorum, quos ad se vocauit, controuersias obiter

## CARTH. COLLAT. 27

definire posse, cùm tamen ne eas quidem intelligeret. Noster Marcellinus non diuini minus quàm humani iurisperitus erat. Et verò tales Iurisconsulti, tales (inquam) politici viri, tam digni sunt, quibus hæc cura mandetur, q̄ huius téporis profanos nescio quos Vlpianos, religionis irrisores & proculatores potius q̄ procuratores, Ecclesia Christi meritò execratur. August. epist. 50. ad Bonifacium Comitem, *Laudo (inquit) & gratulor, & admiror fili dilectissime Bonifaci, quod inter curas bellorum & armorum vehementer desideras ea nosse, quæ Dei sunt.* Sed quanto magis id dicere potuit de Marcellino togato? Extat & Hieronymi epistola ad hunc Marcellinum, quæ testis est hunc virum subtilissimas Ecclesiæ quæstiones, veluti de origine animæ solicite, proposuisse, & ad discēdum magis paratum fuisse



## HISTORIA

quam erat Hieronymus ipse ad respondendum: ac ne hoc quidem studium remisisse in media Reip. perturbatione, cum Hieronymus ei rescribens, fateatur sese vrbis Romæ vastatione confusum nō posse literis operam dare.

Proximum est, ut quæramus quo tempore Collatio Carthaginensis habita sit. Nam, vt dixi, Augustinus id non expressit. Sed Acta statim id suggesterunt, in quorū principio scriptum ita est, *P. C. Varanis. Kalen. Iun. &c.* Cum autem hīc legimus *Post Consulatum Varanis*, intelligimus eo anno nullum in Occidente fuisse Consulē, quāuis in Oriēte Consul esset Theodosius II. Nam in Italia erat tristis quædam Reip. vastitas. Nam anno priori, Varane Cōsule, capta abs Gothis vrbis fuit, mense Aprili: qui fuit annus Christi quadringētesimus de-

## CARTH. COLLAT. 28

cimus tertius. Quo anno aliquot pōst mensibus Honorius imp. Collationem hanc imperauit. Nam eius hac de re rescriptum in Actis dicitur datum Rauennæ pridie idus Octobres. Consul nō ascribitur. Sed ascribi potest *Varanes*. Magna profecto historiæ hinc lux accedit, cum Acta indicant annum, quem alioqui ignoraremus. Ac primū hoc magnūmque est illorum beneficium: quia maximum opere preicum sit imprimis obseruare tempus, quo Honorius ab Afris Catholicis interpellatus est contra Donatistarum intemperiem. Desidebat Rauennæ in summa rerum suarum nō solum perturbatione, sed etiam desperatione. Occisus iam erat Stilico. Goths Romam ceperant, totamque Italīā euastabāt, omnibūsque Imperij Rom. prouinciis imminebāt. Neque tamen propterea infelix atto-

D iiii



## HISTORIA

nítusque Honorius non audit Ecclesiæ Africanæ preces. Multas & ipse paterno exéplo iam leges tulerat aduersus Donatistas. Sed tā suas quām paternas leges veluti suspēdi patitur, cùm audit aliter cum Donatistis nūc agendū esse. Denique Ecclesiæ illius curam maiorē gessisse videtur, quām suæ Romæ atque Italiae. Qua in re facile admirabilem Dei prouidentiam agnosceret, qui quanta huius principis alioqui siue socordia, siue ignauia, siue (vt Ciceronis verbo vtar) nō curantia, quātāque eorum temporum confusio fuerit, recordabitur. Nempe fecit Deus, vt Honorius hic audierit viros bonos, & ab iis sibi dictari passus sit rescripta, quæ consignaret. Ergo in mandato huius Collationis dices Theodosium potius quām Honoriū loqui. Ambrosius ait, Theodosium, magis de Ecclesiæ,

## CARTH. COLLAT. 29

quām animæ suæ salute sollicitū fuisse. Non dicam Honoriū filium fuisse omnino eiusdem animi. Sed in hac saltem Donatistarū causa fecit, quod pater fecisset: & edicta emisit plena paternæ pietatis. Viuo Stilicone solebant multi calumniari, leges, quæ in Africam mittebātur, tametsi Honoriū nomen p̄ se ferrent, tamen magis abs Stilicone, quām abs Theodosij filio mitti, vt Augustinus narrat epist.

129. Nunc mortuo Stilicone dici tale aliquid non potuit. Idem Augustinus epist. 166 scribit Donatistas conquestos esse de legibus filiorū Theodosij. Sed ipse respondet nihil eas aliud quām repetere atque confirmare iudicium Constantini, Valentinianni, Gratiani, Theodosii: simūlque detestatur Iulianum Apostatam, qui (vt ait) permiserit libertatem perditioni partis Donati, cùm eo modo putaret



## HISTORIA

Christianum nomen posse perire de terris, si sacrilegas dissensiones libertas esse permitteret. Donatistæ cōtrā hoc nomine prædicabant Julianum illum, & apud eum solum solam iustitiam locum habere propterea iaceabant. Augustinus verò ostendit nihil iniustius, nihil indignius, nihil perniciosius esse. *Et quæ (inquit) peior mors animæ, quam libertas erroris?* Inter ea tamē ne Donatistæ queri possent, aut sibi iniuriam fieri, aut se se inauditos damnari: placuit, rursus in Collatione tandiu audiri, quandiu vellent: & interea liberos esse. Sed alioqui semper in Africa permittere altare contra altare, maiorem Ecclesiæ deformitatem esse iudicauit Imp. Honorius, quam eo tempore Romæ erat in Vrbis euersione atque vastitate.

Nunc veniendum est ad Acta, siue (vt appellabantur) gesta Collationis:

C A R T H . C O L L A T . 10  
quæ quidem olim studiosè excepta, conscripta, collatáque fuerant, sed tēporis iniuria, posteritatisque negligētia intercederant. Ergo cūm nuper maiorem meliorēmque eorū partem, beneficio Io. Tilij Antistitis doctissimi, & antiquitatum Ecclesiasticarum studiosissimi, nactus essem, ex istimai magnum mihi quendam thesaurum oblatū esse. Nam etsi ex Augustino summa capita facile repetere liceat: tamē multa, quæ ille præteriit, desiderabam, & memineram, quam valde olim Ecclesia voluissest integra hæc Acta legi, eorumque memoriam conseruari. Nam & ipse Augustinus in lib. de gestis cum Emer. narrat, apud omnes (vt ait) diligentes Ecclesiæ Africanas quotannis ea à capite ad finem usque, ordine recitata fuisse, quo tempore populo maximè integrum erat audire. Fateor non modò



## HISTORIA

leptologica, sed & propè batrologica posse videri, quia recitentur omnes Donatistarum cauillationes, ac ne verbum quidem ullum prætermittatur. Sed Ecclesiæ & Reipu. interfuit, singula eo modo conscribi atque expōni. Et tamen ne eorum fortè longitudo lectores deterreret, Augustinus epitomen etiam cōscripsit, quam vocauit Breuiculum: & rursus eadē de re scripsit in lib. post Collat. & denique ex synodo Cirtensi eandē narrationem repetit, epist. 152. quam quidem epistolam indicat, cùm ad Marcellinum scribens de hisce suis laboribus in epistola 158. *Mibi (inquit) fuit Breuiatio gestorum Collationis nostræ satis operosa, cùm widerem neminem velle tanto aggeri literarum legendō se committere: sicut mihi fuit etiam epistola ad ipsos laicos Donatistas de hac eadem Collatione nostra.* Scribit autem

CARTH. COLLAT. 31

ad Marcellinum, vt publicetur gesta in causa quorundam crudelium Donatistarum in iudicio conuictorum. Nam & talia recitari per omnes Ecclesias optat non minus quàm gesta ipsius Collationis. Adeo historia Donatistarum visa est digna, quæ inculcaretur. Obiter autem admoneo, falli Erasmus, qui in argumento eius ad Marcellinum epistolæ annotat, Augustinum ab Marcellino petere, vt quæ aduersus Donatistas in Concilio Episcoporum decreta sunt, publicentur. Certè in Concilio Episcoporum non decernebatur quod pro tribunali Marcellini. Porro vt gaudebat Augustinus Marcellinum Collationis cognitorem fuisse, sic & Bonifacium Comitem optabat eius historiam cognoscere. Itaque ad eum scribens epist. 50. *Quoniam (inquit) Valde prolixas sunt gesta, & tibi aliis re-*



## HISTORSA

*būs Romanæ paci necessariis occupato, multum est ut legantur, breuiarium eorum r̄ibili legi poterit. Quid multis? Existimat in iis sitam esse Ecclesiæ victoriā. Itaque in epist. 204. ad quendā Donatistam, Pr̄.estitit (inquit) misericordia Dei, ut & nos & Episcopi vestri tam frequenti numero quoque conuentu Carthaginem veniremus, atque inter nos de ipsa diffensione ordinatisimè conferremus. Gestæ conscripta sunt: nostræ etiam subscriptio-nes tenentur. Lege, vel patere ut tibi legantur: & tunc elige quod volueris.*

Et si autem nihil vellē magis quām ea nunc quoque legi ab omnibus, tamē interea dum edentur, quādam delibare atque annotare non recuso, quæ etiam lectorem excitare fortasse poterunt. Imprimis autem obseruo, magnum & celebrem fuisse conuentum, cum Catholici Episcopi ducenti octuaginta sex, Donatistæ verò ducē-

## CARTH. COLLAT. 32

*ti septuaginta nouem conuenissent. Et tamen paulò antè multò plures Donatistæ conuenerant in Bagaiensi Concilio aduersus suos Maximianistas, alteram Donatistarum sectam. Adeo in Africa inualuerat Donati soboles: neque non de sua multitudine illi gloriabantur non minus quām aliās de sua paucitate. Augustinus vanitatis eos redarguere vult, quia iactarent sese esse plusquam quadringentos in Africa antistites. Sed si suos Maximianistas sibi adiungi patiebātur, reuera erant plusquam quadringenti. Maximianistas autem, qui non minus optabant huic Collationi interesse, quām reliqui Donatistæ eam refugiebant, non modò Donatistæ reiecerunt, sed & Catholici excluderunt. Cur id factum sit, indicat Augustinus in libro tertio contra Iulianum. Cupientes (inquit) exigui-*



## HISTORIA

tatem suam nomine saltem certaminis consolari, & ideo videri aliquid apud eos, quibus contemptibiles erant, quia inire nobiscum sinerentur examen, interpellantes eos & libellum dantes prouocantésque contempsimus. Magis enim de certamine nominari desiderabant, quam formidabat in certamine superari. nec sperabant victoriæ gloriam, sed famam requirebant Collationis, quia multitudinis non habebant. Hæc ille: qui inde probat non esse consequens, vt qui conferre in aliquo iudicio non sinuntur, putari debeant de veritate confidere: idque obiicit Pelagianis, qui cum iam damnati in Concilio Episcoporum fuissent, iactabant quasdam literas Imperatorias, ex quibus ad nouam Collationem Catholicos prouocabat, eamque Catholicis recusantibus, victores se esse stolidè gloriabantur.

Porro quam vltro sese offerebant  
Maximia-

## CARTH. COLLAT. 33

Maximianistæ, qui repulsi sunt, tam reliqui Donatistæ, qui restitabant, invitabantur: & vt in his euocandis cogendisque multum negotij fuit: sic etiam, cum iam venissent, in pertrahendis ad Collationem: eius licet æquissimæ conditiones proponerentur. Lepidum autem est, quod cum Marcellinus in suo Secretario siue auditorio, honoris causa, rogaret Donatistas, vt sederent, sicuti Catholici sedebant: illi recusando respoderunt scriptum in Psalmo 36. esse, *Cum impiis non sedebo*: appositiè vero nostri replicarunt, iam eos tamen fecisse, quod in eodem Psalmo Dauid subiicit: & *cum iniquis non ingrediar*. Sed addendum erat, quod in eodem Psalmo Dauid adiicit, sese ita odisse impiorum societatem, vt tamen propter eos non sit deserturus templum aut altare Domini. Et certè mirum est,

E



## HISTORIA

Donatistas nimis ineptè morosos starent quām sedere maluisse, cum illud reorum, hoc iudicū sit. Imò cùm reus sedere iubebatur, absolutus esse intelligebatur. neque alia absolutio- nis formula vñ erant eorum Maiores in primo illo suo Cirtensi Concilio, cuius antea mentionē feci. Fuit profectò incredibilis quidam fastus horum hypocitarum. Sed factum est iusto Dei iudicio, vt honorem nimis liberaliter iis oblatum, quo indigni erant, recusarent. Optatus lib.1. narrat indignè etiam tulisse, quòd fratres à Catholicis appellarētūr: & multis pòst annis atque adeò in ipsa Collatione hanc nostrorum humanitatem superbè respuerunt. Augustinus lib.3. cōtra Gudent. *An (inquit) irasceris, quia te fratrem voco? Hoc enim nomen à nobis etiam in nostra Collatione respuisti.* &c.

## CARTH. COLLAT. 34

Cum multa sint in gestis huius Collationis singulariter obseruanda, tum verò illud memorabile est, quod Catholici, vt Donatistis vterentur æquioribus, nō recusant iniquā etiam subire conditionem, aduersariis verò vtilem. Offerunt enim, si in hac Collatione vincantur, vt planè abdicent: si vincant, nihilominus vt victis aduersariis integrum sit non abdicare: sed victores iis resipiscētibus communicent honorem & dignitatem muneris Episcopalis, vt in eadem Ecclesia duo tolerentur Episcopi, tanquam Collegæ, & vt olim Romæ Cōfules: sed ita, vt sit inter eos quædam (vt Græcorum Iurisconsultorum verbo vtar) ἀλληλον ληπομέτα, & quoddam veluti ius accrescēdi: vt qui prior decedet, socium relinquat Episcopum tanquam hæredem in solidum. Sanè Canon Niceni Concilij prohibebat

E ij



## HISTORIA

duos in vna vrbe esse Episcopos. Nā prospiciebat incommoda talis societatis, & vt Romæ non nisi vnum erat princeps Senatus, quāuis essent Cōsules duo: sic visum fuit, Collegio presbyterorum non nisi vnum esse præciendum. Sed, vt id placuit, pacis fouenda causa: sic etiam vbi Conciliationis ratio visa est postulare, vt duo tolerarentur, cùm alter expelli vix posset, Canonis finem & sententiam potius quām verba intueri oportuit. Sanè tamen cū Augustinus passus esset sese Valerij Episcopi Hippoñensis Collegam creari, vt esset veluti Coëpiscopus: ignotum sibi Canonē Nicenum fuisse dixit. Et propterea Possidius narrat, eum, cùm Episcopus esset, publicè recitari sæpius Canones Nicenos voluisse. Sed hæc ex Ecclesiæ vsu atque utilitate æstimanda atque metienda esse nemo nega-

CARTH. COLLAT. 35  
uerit, vt vbi iusta causa postularet, ille Canon cedat. Qualis causa esse visa est, vt Donatistis antistibus, quos ambitio retinebat, obiiceretur spes aliqua honoris, si resipiscerent: detrahereturque timor infamiae & ignominiosæ abdicationis, si ad Ecclesiā Catholicam redirent. Neque verò nouū fuit exemplum, Nā Arrianis, qui iam aliquot annis Ecclesiæ gubernationem in Oriente occupauerant, & de ea possessione, si sanari nollent, decedere abs Theodosio iubebantur, non dissimilis conditio fuit oblata. Sed & eodem tempore Meletius Episcopus Antiochenus, pacis retinendæ causa, Paulino, qui separatos alioqui habebat suos cœtus, obtulit, vt cōciliatio fieret, societatem sui episcopatus, ea lege, vt altero mortuo, alter qui superstes esset, in solidū Episcopus maneret. Denique August. in epist. 162.



## HISTORIA

narrat, cùm Melchiades Rom. Episcopus ex sententia suorum Collegarum damnaret Donatum, Donatistis, qui resipiscere vellent, ita pepercisse, vt sanitatis recuperādæ (inquit Augustinus) optionem liberam iis fecerit, paratus communicatorias literas mittere etiam iis, quos à Maiorino ordinatos esse cōstaret: ita vt quibusunque locis duo essent Episcopi, quos dissensio geminasset, eum confirmari vellet, qui fuitset ordinatus prior: alteri autem eorum plebs alia regenda prouideretur. De hac Melchiadis sententia loquēs August. exclamat, *Quām innocens? quām integra? quām prouida atque pacifica? O virum optimum! o filium Christianæ pacis, & patrem Christianæ plebis.* Idem Augustinus epist. 50. eundem historiam recitat, & simul significat catholicos hoc deinde exemplum secutos esse in re-

CARTH. COLLAT. 36

cipiendis Arrianis, qui, cum resipiscerent, clerici & Episcopi, vt anteā fuerant, manerent. Narrat etiam id tam displicuisse Lucifero, vt propterea desciuerit ab Ecclesia. quod & narrat Hieronymus contra Lucifer. Sed iniusta schismatis causa hæc esse, nostris visa est. Ergo meliora Ecclesiasticæ lenitatis exempla Afri Antistites in Collatione secuti sunt: vt iam mirari minus debeamus, reliquam eorum erga Donatistas clementiam atque indulgentiam. Prætereo veterem legem xii. Tab. *Sanatibus idem ius esto, quod fortibus.* Sed mihi in mentem veniunt Niceni patres, qui, licet eos, quos lapsos vocabāt, ad Ecclesiæ quidem communionē post exomologesim admittendos, non etiam ad ullum ordinem cleri vel ministerij Ecclesiastici, decreuissent: Nouatianis tamen resipiscentibus non modò

E iiiij



## HISTORIA

remiserunt duriorem longioris exomologeseos conditionem: sed & ministerij Ecclesiastici functiones permiserunt. Cur erga Donatistas Afri Antistites duriores essent, nulla causa erat: magna vero, ut etiam essent indulgentiores, si forte hac conditione redimere unitatis & Ecclesiae pacem possent. Cyprianus & ipse Afer, rigidus profecto erat erga lapsos. Interea tamen in epistola ad Cornelium, *Patientia (inquit) & facilitas & humanitas nostra venientibus praesto est. Opto omnes in Ecclesiam regredi: opto omnes comilitones nostros intra Christi castra & Dei patris domicilia concludi.* Remitto omnia, multa dissimulo: studio & voto colligendae fraternitatis, etiam quae in Deum commissa sunt, non pleno iudicio examino: delictis plus quam oportet remittendis penè ipse delinquo. Amplector plena & prompta dilectione, cum paenitentia

CARTH. COLLAT. 37

reuertentes. Hæc ille. Quæ eius deinde successoribus, hoc est, Africanis patribus placuisse quis mirabitur? Porro non modò obtulerunt Catholici Donatistis conditionem, quam iam dixi, sed etiam liberaliter addiderunt alteram, quam didici ex Augustini libro de Gestis cum Emerito, ubi & narrat aliquid memorabile accidisse, cum de ea proponenda Catholici inter se deliberarent. Recitabatur in quodam conuentu Cæsariensi notaria abs Catholicis in Collatione Carthaginensi proposita. Cum ventum est ad hunc locum: *Si forte populi Christiani singulis delectentur Episcopis, & duorum consortium inusitata rerum facie tolerare non possunt, utrique de medio discedamus, & Ecclesiis singulis damnata schismatis causa, in Unitate pacifica constitutis, abs his singulis in Ecclesiis singulis annuenibus, unitati factæ, per loca necessa*



## HISTORIA

ria singuli constituantur Episcopi. Augustinus Episcopus dixit: Dicā Charitati vestrē & cōmemorē rem dulcissimā & suauissimā, quam Domino adiuvātū sumus experti. Cūm ante ipsam Collationem inter nos aliqui fratres de hac re colloqueremur: quia pro pace Christi Episcopi debet esse aut debent non esse: quod vobis fatendum est, circunspicientes omnes fratres & Coëpiscopos nostros, non facilè nobis occurrabant, qui hoc vellet suspicere, & de hac humilitate Domino sacrificare: dicebamus, vt fieri solet: ille potest, ille non potest: ille consentit hoc, ille non tollerat: loquentes magis pro suspicionibus nostris, qui corda illorum minimè videre poteramus. Quando autem ventum est, vt hoc palam fieret, in Concilio universorum tam frequenti penè trecentorum Episcoporum, sic placuit om-

## CARTH. COLLAT. 38

„nibus, sic exarserunt omnes, vt parati essent Episcopatum pro Christi unitate deponere: & non perdere, sed Deo tutiū commēdare. Duo ibi vix inuēti sunt, quibus displiceret. Vnus annosus senex, qui hoc etiam dicere liberius ausus est: alter voluntatem suam tacito vultu significauit. Sed posteaquam illum liberius hoc dicetem obruit omnium fraterna corporatio, illo mutante sentētiam, vultum etiam ille mutauit. Hæc Augustinus.

Quæ quidē tanto magis recito, quod in Actis Collationis sint prætermissa, & tamen memorabile exemplum sit, & imprimis sit utile, quoties de pontificatu certatur, & ambitio contendunt, perturbandæ Ecclesiæ causa est.

Redeo ad gesta Collationis. Ut cito ad rem veniretur, & de grauioris causæ statu ageretur, Catholici vo-



## HISTORIA

Iuerūt disiungere atque separare causam Ceciliani, & eam quæstionem missam facere, quæ facti magis erat, quam iuris. Nam & personalis erat ea causa, quæ cum altera (ut ita dicam) reali & generali, quę erat de Ecclesia, nihil habebat commune. Itaque non recusabant vltro hoc largiri, quod tamen falsò prætexebant Donatistæ, Cecilianum fuisse Traditorem. Nam ne rum quidem ab Ecclesia Catholica, quę ei communicasset, Donatistas desciscere debuisse, nostri aiebant. Nihil certè erat facilius, q̄ probare, Cecilianū talē nō fuisse, & rectē fuisse absolutū: & Donatistarū propterea calumnias retegere, impudētiāmque prope incredibilem. Sed tamen Donatistæ in ea cauillatione perstabant potius quam ad iuris quæstionem de Ecclesia pertrahi se paterentur. Sic enim multa confusè miscendo tene-

## CARTH. COLLAT.

39

bras offundere, vt elaberentur, volebant. Cùmque aliás in ore habere solerent forensem illā præscriptionem, *Nec causa causæ, nec persona personæ præ iudicat*: tamen indignè ferebant eam exceptionem sibi obiici, vbi Ceciliani causam cū Ecclesiæ causa ita coniungebant, vt hanc ex illa pendere vellent. Certè Augustinus epist. 204. ait, nihil in Actis Collationis fuisse quod Donatistæ magis deleri voluisserent. Fuit sanè vetus illud hæreticorum artificium, vt frustrationis ergò, cùm suum dogma tueri non possent, suos mores, quos laudabant, allegarent: aut cùm aduersariorum doctrinam refellere non possent, mores eorum accusarent. Sed hæc diuerticula sunt eorū, qui eludere volunt. Sanè ante Collationē Petilianus Augustinum, cum quo certabat, multis conuiciis propterea impetebat, vt iā



## HISTORIA

de Augustini persona potius quām  
de Ecclesia, d qua instituta erat dispu-  
tatio, quereretur, *Me* (inquit Augu-  
stinus) facit causam, cūm defecisset in cau-  
sa. Item, Relicto negocio publico, priuata  
quadam simultate, hominis vnius vitam  
maledicis opprobriis insectatus est, quasi ho-  
mo ille esset causa, quæ inquiritur. Sed vt  
Augustinus indicat quorsum id face-  
ret astutus aduersarius, sic obstat, ne  
tali astu eludat: & iniuriam priuatam  
pati mauult, quām deserere causam  
publicam. Ergo & Cresconio Dona-  
tistæ respondens, *Desine* (inquit) tali-  
bus. *Vnus homo sum: Ecclesiæ inter nos a-  
gitur causa, non mea.* Sicque etiam con-  
strinxit Pelagianos, qui in disputatio-  
ne captabant, quod Donatistæ: *Quod*  
*tra Iulia-* (inquit) ad mores nostros pertinet, quem-  
num.  
admodum viuamus, in promptu est eis, cū  
quibus viuimus. Nunc de Catholico agi-  
tur dogmate. Manichæi, quanuis mi-

## CARTH. COLLAT. 40

nus essent Rheticis illis artibus eru-  
diti: tamen non dissimilia rursus di-  
uerticula quæsierunt: neque solū  
mores alienos accusarunt, sed etiam  
cūm essent impurissimi, suos prædi-  
carunt. Sic Fortunatus Manichæus  
de fide rogatus, de sua suorūmque vi-  
ta respondet. *Quid Augustinus? Alia* *In lib. cō-*  
*(inquit) est quæstio de fide, alia de mori-* *tra. Fortu-*  
*bus.* Ac quidem alias, Donatistarum  
Manichæorūmque mores accusauit,  
& suorum constantissimè defendit.  
Sed non patitur causam religionis cū  
tali actione permisceri. Sic & Hiero-  
nymus contra Rufinū imprimis hoc  
agit & vrget, vt non coniungantur ca-  
ptiosè, quæ disiungenda sunt. *Non est*  
*(inquit) necesse, vt in Ecclesiasticis tra-*  
*Etatibus rem tribunalē ventilemus.* Item,  
*Quis nostrorū, omissa causa, in superflua*  
*criminum obiectatione versatus est?* *Quæ*  
*non chartæ Ecclesiasticae, sed libelli Indi-*



## HISTORIA

*cum debent continere? Aut quid refert si  
causa cadas, & crimine superes? Istae ma-  
chine hæreticorum sunt, vt conuicti de-  
persidia, ad maledicta se conferant. Hæc  
ille. Est autem operæ premium talia di-  
ligenter obseruare, quia hoc quoque  
tempore videmus, eos, qui de religio-  
ne contendunt, intempestiuè, vt o-  
mnia misceant, transilire ad crimi-  
nationem personarum. Sanè quò  
magis gesta Collationis Carthaginen-  
sis considero, tanto magis sentio,  
tam ad rem principalem Catholicos  
venire statim voluisse, quām Dona-  
tistas id refugisse: qui (quemadmodū  
sepe Augustinus dixit) hoc vnum a-  
gebant, vt nihil ageretur. Nam & Car-  
thaginem tātum venisse videntur, vt  
redirent. Dixit etiā aliquando Au-  
gustinus aduersus Iulianum Pelagia-  
num, frontem hæreticorum non esse  
frontem. Id verò de incredibili Do-  
natista-*

## CARTH. COLLAT. 41

natistarum impudentia multò magis  
dici potuit debuitque. Dicerē, quam  
crudeles fuerunt sicarij, tam vafros  
fuisse pragmaticos. Sed Acta, de qui-  
bus loquor, testabuntur, strophas eo-  
rum non tam erudito aliquo artificio  
tectas, quam meretricia quadam pro-  
teruia communitas fuisse. Sunt in li-  
bris iuris explicata hæc verba legis,  
*Si caluitur.* Sed vix vñquam magis  
quid illud sit, apparuit, quam in Do-  
natistarū tergiuersatione atque fru-  
stratione. Certè Marcellinus interlo-  
cationes prope sexcentas, vt eorum  
ludificationi occurerret, interponere  
coactus fuit, prius quam ad rem eos  
restitātes reuocare, & ad causam prin-  
cipalem iudicandam venire potuerit.  
Et verò oportuit eum non minus ci-  
uilis quam diuini iurisperitum fuisse,  
vt hīc præstaret quod erat necesse.  
Nam Donatistæ cùm simularēt sese

F



## HISTORIA

causam agere velle tantum ex sacris literis, sicuti Theologos decebat: tamen preſcriptiones infinitas ex forēſi technologia repeṭebant, quæ sine iuriſ ciuilis cognitione refelli non poterant. Miraretur aliquis, eos, cùm vndique conquirerent omnes (vt vocant) declinatorias exceptiones, tamen non excepisse, quod Ambroſius antea exceperat ad Valentiniani iunioris consistorium, aulica fraude Iuſtinæ euocatus, vt in eo cum Arrianis disputaret. Sed diſsimilitudinem obſeruare facilè licet: & Donatistæ ſibi gratulari debebāt, ſeſe ad aulam Honoriū vel transmarinum aliquod tribunal, sicuti antea euocari curarant Cæcilianum, nunc non euocari. In Actis scriptum eſt, hāc Collationem habitam eſſe in Secretario Thermarum Gargilianarum, quod in vrbe Carthaginensi videtur fuīſſe audito-

## CARTH. COLLAT. 42

rium aliquod nobile. Cyprianus reus dicitur ad Paternum Proconsulem Carthaginensem adductus fuīſſe in quoddam Secretarium. Et in legibus ſæpe vocatur Secretarium iudicuſ, vt Consistorium principis. Secretarium Prætorij vocat Auguſtinuſ libro tertio contra Crescon. cap. 56. Cùm primum ſeſe ſtiterunt Donatistæ, cauillati nescio quid fuerunt, de tempore, quod præſtitutum fuerat, iam elapſo. Sed interlocutus eſt Marcellinus de prorogatione: & tenebat illud Vlpiani, *Qui pro tribunali cognoscit, nonnunquā tempus iudicati prorogat* &c. l. 2. de re iudic. Credo equidem, lubēter etiam Donatistæ ſubmurmurrarent illud ē medio iure ciuili, moram purgari non posſe, vbi lapsu temporis commissa eſt. Sed hiſce cauillis non erat nunc locus. Cæterū cùm ordo Collationis imprimis poſtula-



## HISTORIA

ret, vt vtrinque certi deligeretur actores, idque Marcellinus ediceret, & Catholici probarent, Donatistæ rursus reclamabant, qui cū propè trecenti conuenissent, volebant omnes disputare: quod profectò sine tumulu & confusione fieri non poterat. Ergo Marcellinus interloquitur, obseruandum hīc esse, quod in publicis actionibus & Corporibus custoditur, vt per certas & ordinatas & firmatas personas omnia peragantur: sicuti noster Vlpianus scribit, Quibus permisum est corpus habere collegij siue societatis nomine, eorū proprium esse, ad exemplum Reipublicæ habere actorem siue Syndicum, per quem, quod communiter agi fieri, oporteat, agatur & fiat. l. i. Quod cuiusque vniuers. nom. Ergo tandem placuit & conuenit, vt septem ex numero Catholicorum, & totidem ex

CARTH. COLLAT. 43  
parte Donati deligerentur, qui suæ vniuersitatis nomine & mādato causam agerent, & disputationem perte-  
xerent in hac Collatione. Forum au-  
tem septem princeps veluti fuit hinc Augustinus, illinc Petilianus: vt &  
anteā hi scriptis aduersariis cōfictati  
inter se fuerāt, & erat in suo quisque  
ordine præstantissimus. Porro, vt di-  
xi, quia Catholici ab Imperatore pe-  
tierant Collationem, Donatistæ vo-  
lebant sibi edi & nomina Legatorum  
& preces. Quærebant enim, quod in  
eo quoque genere arroderent. Mar-  
cellinus nihil hoc ad rem pertinere  
pronunciat: & respondet, Rescripto  
pragmatico preces inseri non solere.  
Petitam ab Imperatore esse Collatio-  
nem non omnino audiebant Donati-  
stæ reprehendere: quia & ipsi priores  
aliquādo id petiissent, & causam Cæ-  
ciliani olim ad Constantiū retu-



## HISTORIA

lissent. Sed clam tamen nescio quid  
submurmurabant. *Nobis* (inquit Au-  
gustinus in lib. post Collat.) *inuidiam*  
*concitant*, *quod apud Imperatorem cau-*  
*sam agamus Ecclesiæ*. *Hinc illa Primiani*  
*Donatistæ vox*: *Illi portant multorum*  
*Imperatorum sacras*: *nos sola portamus*  
*Euangelia*. *Sacrum*, sicuti & diuinum,  
eo tempore dicebatur, quicquid erat  
principis. *Hinc sacræ dicebatur Prin-*  
*cipum epistolæ, leges, mādata, rescri-*  
*pta*. Et vice *sacra iudicare dicebatur*,  
qui vice *principis iudicabat*, sicuti  
*Marcellin⁹ in hac Collatione*. Itaque  
dici etiam poterat *sacer cognitor*, &  
*sacrarum cognitionum iudex*, ut eius  
temporis leges loquuntur. Quatenus  
autem *Principes causis Ecclesiasticis*  
se immiscere possint aut debeant,  
pluribus verbis dictum aliàs est. Itaque  
nunc istud omitto. Præterea &  
multas *Donatistarum in Collatione*

## CARTH. COLLAT. 44

circuitiones atque tergiuersationes.  
Nam quis omnes enumeret? Sed se-  
dati iudicis fuit, quicquid tandem  
illi dicerent, tametsi sepius eadem  
ociosè & frustra inculcarēt, patien-  
ter id audire: quod quidem Marcelli-  
num fecisse, Acta testantur. Sanè mi-  
ra fuit illa eorum cauillatio: quod vbi  
proferebatur Ecclesiasticum Conci-  
lium cum suo die & Consule: propter  
adiectam hāc temporis notationem,  
causabantur fictum esse Concilium.  
Rursus cum aliquod Constantini re-  
scriptum iis obiiciebatur, cui fortè  
adiectus nō erat Consul, index ipsius  
anni: propterea cauillabantur falsum  
& fictum quoque esse. Quid Marcel-  
linus? De Conciliis nihil dicit. Nimis  
enim notum certumque erat, diem  
& Consulem iis ascribi, ut facta non  
esse intelligātur. Sed pronunciat, non  
nocere tamen veritati legum & re-



## HISTORIA

scriptorum, si omissa sit hæc temporis notatio. Cognitor (inquit Augustinus) interlocutus est, euidentissimis legibus definitum esse, imperialia constituta, etiam si Consules non legerentur, in dubiu non vocari. Scio Constantimum Imp. rescriptisse, auctoritate carere personalia beneficia, quæ sine die & Consule proferuntur, l. 4. C. de diuers. rescript. Sed talium beneficiorū alia ratio est: & ipse Iustinianus, licet hoc rescriptum in suum Codicem retulerit, tamen præfatus est id dici non posse de Constitutionibus. Nam nullam dubitationē inde emergere vult, quod quædam sine die & Consule compositæ legantur. Sanè cùm quæreretur de quadam epistola siue cautione, respōdit noster Ceruidius Sc̄uola, non ideo nullius esse momenti quod sine die & Consule sit. l. 34. De pignor. Et quod in Pandectis non ex-

## CARTH. COLLAT. 45

tat, inuenitur quoddam fragmentum ex libris regularum nostri Modestini, nihil nocere testamento, si dies & Consul adiecti nō sint. Adiici tamen sepius solebant: licet ubi testamētum aperiebatur, diem & Consulem (inquit noster Vlpianus) non patiebatur Pr̄tor describi vel inspici, ne quid falsi fiat. l. 2. Quemadmodum testam. aper. Sed quis mirabitur Donatistas in Collatione omnia frustrationis diuerticula captasse, quæ ne forensis quidem causidicus in mala causa inuenisset? Etiam post rem iudicatam exceptiones obtendebant, & quidem ex iure ciuili repetitas esse fingeabant: de quibus aliquid postea dicam.

Age, nunc de causa principali iterum cognoscatur, & quis eius status fuerit, videamus. Ut duobus verbis dicam, quæstio fuit de Ecclesia: an hæc esset penes Catholicos, an verò



## HISTORIA

penes Donatistas. Et quidem tanto  
difficilior diiudicatio fuit, quod v-  
trobique propè eadē sonaret doctri-  
na, & forma similis cōspiceretur: imò  
& eadem formulæ audirentur, sicuti  
& Optatus lib. i. significat. neque te-  
merè est, quod Augustinus in lib. de  
vera relig. cap. 5 non modò in Schis-  
maticis id obseruat, sed etiam in qui-  
busdā hæreticis, vt Arrianis & Pho-  
tinianis. Manichæos verò & nonnul-  
los alios ait etiam ritu sacramentorū  
disparē esse voluisse. vt minus mirā-  
dum sit, quod hos, minus quām illos,  
Ecclesia Catholica ferre potuerit. Cū  
ergo Donatistæ pares esse viderentur  
doctrina & ritibus, difficilior cum iis  
fuit de Ecclesiæ agnitione questio: &  
aliis indiciis fuit opus quām doctri-  
næ & sacramentorum. Nostri itaque  
ad argumentum Catholicæ vnitatis  
confugerunt: non quod nescirent,

## CARTH. COLLAT. 46

quid Hilarius Arrianis responderit,  
speciosum modò nomen nescio cu-  
ius Vnitatis captiosè obtendentibus  
suæ factioni: sed quod vnitatem Ca-  
tholicam laudarent, cámque in Chri-  
sto. Vt autem potissimum contendē-  
runt, Ecclesiam Christi esse Catholicam:  
sic Donatistæ obiiciebāt debere  
esse sanctam. Eò enim recidit hoc cer-  
tamen, vt quod in symbolo omnes  
profitebantur, Ecclesiam esse sanctā  
& Catholicam, in Collatione Cartha-  
ginensi variè agitatum sit: cùm nostri  
vrgerent vaticinia prophetarum, quæ  
Catholicam promittunt: Donatistæ  
verò opponerent vaticinia, quæ san-  
ctam describunt Ecclesiam. Fateor  
causam hanc aduersus Petilianum, &  
neruosiùs & planiùs egisse Augusti-  
num in lib. de Vnit. quām in ipsa  
Collatione: quia scriptionem non in-  
terrumpet aduersarius, vt oratio-



## HISTORIA

nem. Sed eadem semper causa fuit. Obseruemus autem, Catholicos alia non admiscuisse, quæ institutam disputationem perturbasset.

Poterant fortasse Donatistis odiose obiicere aliquid Arrianismi. Sed nolunt aliò excurrere, & malū amicè confiteri, sibi cum iis rem esse, non de capite, id est, Christo, sed de corpore, id est, Ecclesia. Quinimo quæstionem de anabaptismo, cuius rei erant Donatistæ, hīc etiam omittunt: & cum iis agunt perinde atque cum Luciferianis, qui eodem tempore in ipsa etiam Africa separatos ab Ecclesia Catholica suos cœtus habebant, neque tamē heretici, sed potius schismatici erant: multò tamen quam Donatistæ modestiores, Quandam cum iis Collationem quodam Carthaginensis cū Donatistis Collationis exemplo, Hieronymus describit. Augu-

## CARTH. COLLAT. 47

stinus vtrosque coniunctim damnat. Nam in lib. de agone Christiano cap. 30. posteaquā de Donatistis egit, Nec eos (inquit) audiamus, qui quanuis neminem rebaptizent, præcidere se tamen ab vnitate, & Luciferiani dici quam Catholici maluerunt. Quod non rebaptisant, non reprobamus: sed quod etiam ipsi præcidi à radice voluerunt, quis non detestandum esse cognoscat? His sunt de quibus Apostolus dicit: Habentes speciem pietatis, virtutem autem eius abnegantes. Hanc illi non habent, quia præcisi ab vnitate sunt. &c. Sed & Prosper Augustini discipulus, lib. 2. de promiss. & prædict. cum Donatistis Luciferianos comparat, & vtrosque ait, Christi corpus, id est, Ecclesiam, humanis calumniis infectatos esse: ut alij heretici, Ecclesiæ caput, id est, Christū ipsum, infectabantur. Denique Hieronymus disputans contra Luciferianos simul



## HISTORSA

dānat Donatistas, quos vocat Montenses, sicuti eo tempore Romæ vocabantur: & pronunciat apud eos nō Ecclesiam Christi, sed Antichristi esse synagogam. Donatistæ clamitabant, Ecclesiam Catholicā (vt loquebantur) apostataisse: & cum asylo Romuli  
*Aug. lib.*  
*2. contra*  
*Cresc. cap.*  
*13.*  
*Hiero. con-*  
*tra Lucif.* eam compararunt. Luciferiani dicebant de Ecclesia factum esse lupanar.

Vtrorumque similis erat ratio: quia lapsi, vel hæretici, qui resipiscerent, recipiebantur. Sed schismatis iustum excusationem hanc non esse, Catholici respōderunt. Lucifer Caralitanus in Sardinia Episcopus, acerrimus erat Nicenæ fidei defensor, & ab Athanasio, Hilario, Hieronymo, propterea laudatus est, & hisce diebus, apud Io. Tiliū Episcopū Meldēsem, cum Actis Collationis, legimus Luciferi ad Constantium Imp. libros nondum editos, qui testantur, quam

## CARTH. COLLAT. 48

acer hæreticorum hostis esset Lucifer. Sed impij tamen schismatis non minus quam Donatus, reus fuit, cùm dolens Arrianis facile ignosci, & existimans eorum communione Ecclesiam pollui, secessit, & Catholicam communionem deseruit, inque sua demū Sardinia, vt Donatus in Africa, hoc est, in suo cœtu, Ecclesiam superesse dixit. Sic Luciferiani ad Donatistas accesserē, & vt propriūs accederent, in Africam traiecerunt. Sed mihi venit in mētem, quod Ambrosius narrat in oratione de obitu fratris sui Satiri. Laudat fratrem illum suum, qui cum in Africam fortè tracieisset, ubi erat Ecclesia quedam Luciferiana, noluit cum ea communicare, quæ cum Catholica non communicabat. *Quamuis enim* (inquit Ambrosius) *Lucifer pro fide exulaſset.*  
*& fidei suæ reliquias hæredes,* tamen



## HISTORIA

*non est fides in schismate: & licet fidem erga Deum teneret, tamen erga Dei Ecclesiam non tenebat, cuius patiebatur velut artus diudi, & membra lacerari. Etenim cum propter Ecclesiam Christus passus sit, & Christi corpus Ecclesia sit, non videtur ab his exhiberi Christo fides à quibus evacuatur eius passio, corporisque distrahitur. Hæc Ambrosius.*

Feci non inuitus, vt obiter de Luciferianis aliquid intersererē, quæ & Donatistarum conditionē illustrent. Nam & vbi illos damnari audimus, multò magis hos damnandos esse intelligimus. Sanè Augustinus in epist. 48. grauiter reprehendit eorum errorem, qui existimabant nihil interesse, in qua quisque parte Christianus sit, sed vbi fidem teneat. Obiicit autem, hoc vni Deo congruere, vt in unitate colatur. Narrat etiam libro i. contra Parmen. Tichonium illum, qui inter Donati-

## CARTH. COLLAT. 49

Donatistas moderatissimus simul & doctissimus erat, ingenuè quidem agnouisse, Ecclesiam Catholicā toto orbe diffusam esse: sed negasse (quod tamen erat consequens) Donatistas peccare, qui illi non communicabāt. Solet iactari illud Christi prouerbiū: *Vbicunque fuerit corpus sive cadauer, illic congregabuntur & aquilæ: vt intelligamus, cùm de religione quæritur, in Christum nōs intueri, ad cùmque accurrere debere, sicuti corui aut vultures ad cadauer. Audio Caluinum eo loco annotasse, Quicunque Christo cohærent, esse extra schismatis periculum. Sed vt capiti cohæreamus, corpori insitos nos esse oportet. Neque sanè caput sine corpore est, vt neque corpus sine capite est. Et verò Christus eodē loco, corporis sui, hoc est, Ecclesiæ Catholicæ, cuius veluti ductu ad eum accurramus, gloriā &*

G



## HISTORIA

lucem, quam spectemus, nobis commendat, cum de suo nouo regno, & eius repentina admirabilique propagatione loquēs ait, *Sicut fulgur exit ab Oriente & appareat ad Occidentem.* &c. Ergo & Augustinus lib. i. Euangel. quæst. cap. 38. Orientis (inquit) & Occidentis nomine totum orbem voluit significare, per quem futura erat Ecclesia. Tum addit: *Constituta ergo auctoritate Ecclesie per orbem terrarum clara atque manifesta, consequenter discipulos Christus admonet atque omnes fideles, ne schismaticis credat, qui occulte congregat tanquam in Penetalibus & paucos in deserto.* &c.

Vt redeam ad gesta Collationis: nihil iam est quod magis obseruare imprimis oporteat, quam quod Augustinus in lib. de Vnit. contra Petiliaum scribit. *Quia (inquit) cum Donatistis quæstio nobis est, non de capite,*

## CARTH. COLLAT. 50

*sed de corpore: id est, non de ipso saluatore Iesu Christo, sed de eius Ecclesia: ipsum caput, de quo consentimus, ostendit nobis corpus suum, de quo dissentimus. Recte. Sed si illi, vt nos, caput illud ostétent: vbi potius corpus esse existimabitur? Augustinus monet, Capitis verbis hoc est, sacris literis id satis indicari. Quibus? Quæ Ecclesiam ostendunt esse Catholicam. Vbi cum iis hæreticis, cum quibus de capite, id est, de Christo, eiûsve siue essentia & natura, siue officio aut beneficio, imprimis quæstio erat, & deinde de corpore, id est, de Ecclesia, vt cū Arrianis: Catholici simpliciter contendebant, ad dignoscendum corpus, inspicendum esse caput, & de capite potissimum agebant. At vbi cum Donatistis res erat, qui de illo capite cōsentiebant: alio, vt necesse fuit, arguento, corpus, de quo solo contro-*



## HISTORIA

uersia erat, penes se esse cōtenderunt. Difficilis in tanta alioqui similitudine fuit hæc diiudicatio. Sed sufficere visa est illa, quam dixi, indicatio. Ergo & si Donatistæ cū capite fortasse ostentaret alicuius corporis, hoc est, suæ societatis & conspirationis speciosiorem siue faciem siue colorem, hoc est, ritus & mores minus viciosos: tamen præualuit altera Catholiconum probatio, qua penes se, Christi corpus, id est, Ecclesiam, esse euicerunt: & simul apud Donatistas non esse ostenderunt. Esse enim vnicam constat. Frustra autem de capite gloriantur, qui de corpore nō sunt. Nam ubi alterum nō est, neutrum est, cùm & totus Christus, caput & corpus sit, ut ait Augustinus. Hinc protritum illud eiusdem contra Donatistas, *Extra Ecclesiam nō est salus.* Sanè Paulus Ecclesiam appellat Christum.

## CARTH. COLLAT. 51

Cumque Iehoua sit proprium nomē Dei, tamen etiam attribuitur nō modo altari Hierosolymitano, sed & no uę Hierusalem, id est, Ecclesiæ. Hæc autem obiter dico, vt magis intelligamus, quanta de re quæratur, cùm de Ecclesia quæritur, & cum Donatistis agi de re magna omniūmque adeò maxima, meminerimus. Posteaquam autem iam intelligimus τὸ κριτήν, quæramus τὸ κριτήν.

Donatistæ in Collatione rogabāt, quibus testimoniiis, diuinis an humaniis ageretur, & quo iudicio lis definiiretur? Nostri sacram scripturam, & testem & iudicem sibi fore respondent. Sed quomodo ea vtantur, & quid inde repetant, vt euincant quod volunt, obseruādum etiam est. Cùm Augustinus de Baptismo ab hereticis, id est, extra Ecclesiā administrato, aduersus Donatistas disputat, non



## HISTORIA

tantum allegat scripturam, sed Apostolicam traditionem & Ecclesiæ usum, consuetudinem, testimonium, auctoritatem: ut lib. 2. de Baptismo, cap. 7. & lib. 4. cap. 6. & lib. 5. cap. 23. & lib. 1. contra Crescon. cap. 31. 32. 33. Sciebat Optatum quæstionem de unico Baptismo contra Donatistas voluisse definire ex nudis sacris literis. Sed infeliciter id eum tentasse agnoscebat: neque ingenuum esse indicauit, locos scripturæ detorquere. Ergo quod Optatus de Baptismo dicturus contra Donatistas prouocauerat sacras literas, & quod ex testamenti tabulis de voluntate testatoris iudicandum esse Iurisconsulti aiunt, huc retulerat: id Augustinus ita imitatus est, ut tamen in quæstione de Ecclesia potius hoc diceret. Nam in grauiori hac causa sentiebat scripturam liquidius probare quod aiebat. Atque ita etiam in libro

*Aug. in  
Psal. 21.*

## CARTH. COLLAT. 52

de unitate Eccles. contra Petilianum, Non audiamus (inquit) haec dico, haec dicitur: sed audiamus, haec dicit Dominus. Sunt certe libri Dominici, quorum auctoritati utriusque consentimus, utriusque credimus, utriusque seruimus. Ibi queramus Ecclesiam, ibi discutiamus causam nostram.

Non recusarunt haec legem Donatistæ: sed in hypothesi dissensio erat, & cum utriusque suas veluti theses ex sacris literis repeterent, minimè conueniebant in fine, yli, interpretatione. Catholici enim cum suam Ecclesiam esse Catholicam, hoc est, toto orbe diffusam, liquere non dubitarent, satis superque esse statuerunt, si probent sacris literis Catholicam commendari. Ordinuntur autem à veteris Testamenti libris. Non enim hos repudiebant Donatistæ, ut Manichei. Et ut à principio res repetatur, promissio facta Abrahæ imprimis proponitur.

G. iiiij



## HISTORIA

(nam & ex illo fœdere dependet quicquid deinde in vniuersa Ecclesia admiramur) Deinde vaticinia Prophetarum de vocatione gétium, quæ Christo exhibito futura est, accumulant. Nam & ea cōueniunt cum promissione facta Abrahæ.

Est autem diligenter obseruandum, quod Augustinus grauiter obseruauit & religiosè admonet, cōcione seunda in Psal. 30. nempè, Prophetas apertiūs de Ecclesia quām de Christo locutos esse: idque propterea, quòd viderent in spiritu (vt ait) homines contra Ecclesiam facturos esse particulas, & de Christo non tantam litem habituros, sed de Ecclesia magnas contentiones excitatueros. Ergo illud, de quo maiores lites futuræ erant, planius & apertius prædictum esse. Proponit huius rei exemplum ex Genesio cap. 22. ubi post Isaacum

## CARTH. COLLAT. 53

ē morte ereptum promittitur Abrahæ semen infinitum, atque eo modo Ecclesia apertè prædicatur, cùm Christus non nisi figuratè. Tandem concludit, penè vbiique Christum in aliquo inuoluto sacramento prædicatū esse à Prophetis: Ecclesiā verò apertè, vt eam viderent & qui futuri erant contra illam.

Donatistæ vt hunc nodum soluerent, nihil non finixerunt. Ac primum quidem Augustinus in lib. de Vnit. cap. 9, ait eos non ausos quidem esse planè dicere, falsa esse, quæ ex Prophetis recitabātur vaticinia de futura amplitudine Ecclesiæ Christianæ toto orbe diffusæ, hoc est, Catholicae: sed exceperisse tamen, non esse ea impleta, quia homines noluerint. Hic verò multò magis insurgit & clamat Augustinus, nihil hoc aliud esse, quām dicere, Prophetiam esse falsam, &



## HISTORIA

Prophetas fuisse pseudoprophetas.  
Fateor peruersitate ingratorum hominum factū esse, ut multæ Dei promissiones, non dico irritæ fuerint, sed fuerint quodāmodo impeditæ, quatenus erant cōditionales appendices fœderis. Sed quod attinet ad principalem, quæ pura fuit, promissionem, veluti de Messia exhibendo, & eius regno instaurando atque propagando: Apostolus profitetur eam non potuisse impediri hominū indignitate. Fateor etiam multa de Ecclesiæ excellentia & maiestate Prophetas prēdixisse, quæ in cælis impleantur. Sed in terris saltem inchoari nemo negauerit. Apud Isaiam Deus loquens de Ecclesiæ amplificatione, cum iureiurando ait, *Mihi flectetur omne genu.* Id autem Paulus refert ad finem mundi, & postremum (ut vocatur) iudicium. Sed interea, nō negat quin suo

ref. 45.

Rom. 14.

CARTH. COLLAT. 54  
etiam quodam modo id fiat in Ecclesia Christiana.

Cùm Donatistæ negare non possent aliquam Catholicam Ecclesiam extare, suæ Ecclesiæ hunc titulum arrogarunt: & cùm aduersarios negabant esse, quod dicebantur, Catholicos: tum verò in Collatione sese nūcuparunt Episcopos & defensores Catholicæ Ecclesiæ & veritatis. Nēpe Lactantius lib. 4. cap. 30. scribit, sin gulos cœtus hæreticorum existimasse suam esse Ecclesiam Catholicam. Saltem id iactarūt, cùm viderent primam hanc esse Ecclesiæ Christianæ conditionem. Sed cùm ad probationem ventum erat, erant ridiculi. Imò etiam eueniebat, ut nostris concederent, quod temerè iis eripere voluerant. Augustinus contra Epist. Manich. cap. 4. *In Catholicæ (inquit) Ecclesiæ gremio me tenet ipsum nomen Catho-*



## HISTORIA

licet: quod non sine causa inter tam multas  
hæreses sic ista Ecclesia sola obtinuit, ut  
cum omnes hæretici se Catholicos dici ve-  
lant: querenti tamen peregrino alicui, ubi  
ad Catholicam conueniatur, nullus hære-  
torum, vel Basilicam suam, vel domum  
audeat ostendere. Idem Augustinus in  
libro de Vera relig. cap. 7. Tenenda est  
(inquit) eius Ecclesiæ communicatio, que  
Catholica est, & Catholica nominatur, nō  
solum à suis, verum etiam ab omnibus ini-  
micis. Velint enim nolint, ipsi quoque hæ-  
retici & schismatum alumni, quando non  
cum suis sed cum extraneis loquuntur, Ca-  
tholicam nihil aliud quam Catholicam  
vocant. Nō enim possunt intelligi, nisi hoc  
eam nomine discernant, quo ab uniuerso  
orbe nuncupatur. Sed & rursus in lib.  
de Utile creden. cap. 7. scribit quidem  
omnes hæreticos velle videri & dici  
Catholicos: sed unam tamen esse (ut  
omnes concedunt) Catholicam Ec-

CARTH. COLLAT. 55  
clesiam, multitudine refertiorem, si  
totum orbem consideres, & veritate  
synceriorē ceteris omnibus. Ex quo  
liqueat iudicatibus arbitris, quos nul-  
la impedit gratia, cui sit Catholicum  
nomen tribuendum, quod omnes am-  
biunt.

Sanè Nouatianos aliquando id ir-  
risisse, quia (ut aiebant) sub Aposto-  
lis nemo Catholicus vocabatur, ob-  
seruauit in quadam epistola Paciani  
Barcilonensis ad Sympronianū No-  
uatianum. Quid autē ut hoc nomen  
tueretur, responderit Pacianus, ma-  
gnus olim in Ecclesia antistes, codem  
epistola suggerit: quam & Donatistæ  
legisse potuerunt. Nunc videamus  
quid hi obtéderent, ut id sibi arroga-  
rent, nostris autem detraherent. Cres-  
conius Donatista clamitabat, Eccle-  
siam, cui Augustinus cōmunicabat,  
non esse Catholicam, quia totus ei-



## HISTORIA

orbis non communicaret, cùm quidem multæ adhuc gentes barbaræ, quæ in Christum nòdum crediderat, & multæ hæreses sub nomine Christi, alienæ à societate communionis Augustini essent? Augustinus libro tertio contra Crescon. cap. 63. arripit, quod ipse Cresconius confessus erat, totum quotidie mûdum verti in nomen Christianum: & respondet, Ecclesiam ad residua occupanda quotidie diffundi.

Fortunius Donatista audiēs illam demum Ecclesiam esse Catholicam, quæ toto se terrarum orbe diffundebat, ausus est dicere, suam vbique terrarum esse communionem. Augustinus epist. 163. vt ci respondeat, rogar, num possit, epistolas Formatas, quò velit, dare! Sic enim facillimè terminari posse hanc quæstionem. Erant hæ epistolæ communicatoriæ, certa

## CARTH. COLLAT. 56

formula cōceptę, quas vltro citrōque mittebant Episcopi, vt testes & veluti tesseras suę confessionis. Sic Optatus lib. 2. contra Donatistas, ait suos cum Damaso communicare, cum quo totus orbis commercio Formatarum concordat. Donatistæ iactabant saltem magnam esse multitudinem suæ sectæ, & vt eam ostéarent, tam multi certatim confertimque concurrerant Carthaginem ad Collationem: conquestique etiam sunt, iniuriam sibi fieri ab iis, qui eos non esse multos dixerant. Sed tamen cum præ Catholicis pauci esse viderentur, paucitatem nihilominus suam voluerunt esse indicium Ecclesiæ, quia (vt eorum patronus Cresconius dicebat) in paucis frequenter sit veritas: errare autem multorum sit. Augustinus lib. 3. contra Crescon. cap. 66. respondet, bonos verosque Christianos,



## HISTORIA

qui per seipso multisunt, in compara-  
tione malorum falsorumque iti-  
dem paucos esse. Idem lib. 2. contra  
aduers. leg. cap. 12. cùm audisset quē-  
dam Manichéum commendare suo-  
rum paucitatē, quia (vt dicebat) pau-  
corum sit sapientia: respondet hoc  
omnibus hæreticis aduersariis Eccle-  
siæ Catholicæ, quæ per omnes terras  
copiosa fertilitate diffunditur, in sua  
cuiusque propria vanitate commu-  
ne esse. Omnes de sua paucitate glo-  
riari, & seducere multitudinem, si  
possint, velle. Sane Socrates hist. Ec-  
cles. lib. 5. cap. 10. narrat Arrianos pri-  
mum gloriatos esse de sua multitudi-  
ne. Vbi verò abs Theodosio repressi  
& ciuitatibus eiusdem essent, iactasse in  
desertis suis synagogis illud, *Multi  
vocati, pauci electi.*

Cùm sentirent Donatistæ sese nu-  
mero & multitudine non posse euin-  
cere

## CARTH. COLLAT. 57

cere nomen Catholicorum, confu-  
giunt ad aliam cauillationem. Nam  
Acta Collationis narrat, Gaudétiū  
dixisse, hoc esse Catholicum, quod  
sacramentis plenum est, quod perfe-  
ctum, quod immaculatum. Sic & Au-  
gustinus in Breuiculo scribit, Dona-  
tistas respōdisse, Catholicum nomen  
nō ex vniuersitate Gentium, sed ex ple-  
nitudine sacramentorum esse institutum.  
Verum inepta & inanis erat hæc ar-  
gutiola. *Acutum aliquid sibi dicere vi-  
debatur* (inquit Augustinus epist. 49)  
cùm Catholicæ nomen non ex totius orbis  
communione interpretatur, sed ex obser-  
uatione præceptorum omnium & sacra-  
mentorum. Augustinus respondet, aliā  
esse huius vocis significationem: &  
tamen se non in ea hærere, sed diuinis  
oraculis inniti promittentibus Eccle-  
siam toto orbe diffusam. Et verò ille  
idem Gaudentius tandem eò recidit,

H



## HISTORIA

ut cùm vrgeri se sentiret, indignabundus exclamarit, Catholicā Ecclesiam humanum esse figmentum. Testis est Augustinus lib. 2. contra Gaudentiu. En quo peruicax impudentia audaciāque schismaticorum euadit? Sanè ante Augustinum, Optatus lib. 2. cōtra Donatistas disputans probauerat Ecclesiam esse Catholicā, & ita appellari, quæ sit toto orbe terrarū diffusa. Deinde alias (ut vocat) Ecclesiæ doctes, quibus illa & ornatur & dignoscitur, indicarat. Sed de Optato aliàs. Nam nunc etiam prætereo, quæ paulò post Augustinum Vincētius Liricensis ea de re grauiter & acutè scriptis. Non enim longiùs à Donatistis hoc loco discedere institui: quos tam stupidos non fuisse video, ut essent e- lingues. Imò verò quò magis vrgentur, & veluti irretiti tenentur, tantò magis sicuti irritatæ feræ solent, fre-

## CARTH. COLLAT.

58

munt frendéntque. Grauissimū fuit, quod postremò Catholicis Apostasiā obiecerunt, cuius ipsi potius rei erant. August. in lib. de agone Christ. cap. 29. Cùm (inquit) Donatistis obiūcis locos scripture de Ecclesia toto orbe diffundenda, dicunt, iā ista omnia fuisse completa, antequā esset pars Donati: sed postea totam Ecclesiam periisse, & in sola Donati parte reliquias eius mansisse contendunt. Quid ad hæc Augustinus? O lingua! (inquit) superbam & nefariam! Idem Augustinus in libro de Vnit. contra Petilianum narrat, Donatistas quidem confessos tandem esse, quæ Prophetæ prædixerunt de Ecclesiæ amplitudine: sed excepisse, postea orbem terrarum (ut loquebantur) apostatasse: defecisseq; ex omnibus Gentibus Christianam religionem, excepta parte Donati, sicut in Enoch, in Noha, in Abrahamo, Isaac & Iacob,

H ij



## HISTORIA

& in duabus tribus Iuda olim remansit Ecclesia.

Non potuit hæc controversia melius dijudicari, quam ex successione. Ergo Catholici responderunt legitimam iam inde ab Apostolis successionem sibi suffragari: Donatistis vero nullam esse. Dico successionem non modo personarum, sed etiam rerum: neque tantum doctrinæ, sed & ordinationis: neque solùm ordinationis, sed etiam religionis. Certè ubi talis successio est, defectio non est: immò vero est cōtinuatio: ut neque iij, quibus ita succeditur, decessisse omnino videantur. Vsi antea erant hac defensione Irenaeus & Origenes aduersus sui temporis hæreticos, & ipse quoque Tertullianus Afer de Præscript. hæretic. Optatus eandē opponit Donatistis lib. 2 & eius exemplo Augustinus, qui & Manichæis cundem ve-

## CARTH. COLLAT. 59

Iuti arietē obiicit quinques aut sexies in libris cōtra Faustum, & in lib. cōtra epist. Manich & in lib. de Vtil. cred. & in lib. i. cōtra aduers. leg. cap. 20. Obseruandum autem est, exempliloco, proponi imprimis successionem Episcoporum Ecclesiæ Rom. vt minimè interruptam. Nam & hanc (vt vocabant) principalem Ecclesiam, alia Ecclesiæ, tanquam metropolim Coloniæ, potissimum obserabant, vt cum ea consentirent. Ipse itaque Tertullianus Afer de præscript. Videamus (inquit) quid Ecclesia Rom. didicerit, quid docuerit, cūm Africanis quoque Ecclesiis contererat. Ac quidē Donatistæ id intelligētes, & Romam imprimis obseruari audientes, astutè curarunt, vt aliquam Romæ Ecclesiam haberent. Sed nō potuerunt efficere, vt iam inde ab Apostolorum temporibus viderentur ibi habuisse



## HISTORIA

Episcopum suæ sectæ. Ergo reuocati ad originem euanescebāt. Originem autem, cùm de successione ageretur, inspiciendam esse, ipse quoque Tertullianus præmonuerat in lib. de Pre- script. Sanè Acta Collationis testan- tur, Petilianum anticipatione quadā vsum, etiam Augustino & eius colle- gis vltro litem mouisse de origine & successione. Rogasse enim, quis eos ordinasset? quē patrem & auctorem haberent? vnde cepissent? Augusti- num autē respondisse, ab ipso Chri- sto indicari exordium suæ commu- nionis & originem suæ Ecclesiæ, quæ ab Hierusalem diffusa est per omnes gentes continuò quodam progressu. Sic se Christū habere caput, Deum, Patrem: matrem, Ecclesiam talem. Rogant Donatistæ, quis Augustinū ordinasset. Augustinus fatetur fuisse Megalium Primatem Numidiæ. Do-

CARTH. COLLAT. 60  
natistæ aliquid vitij in ea ordinatio- ne notare & reprehendere volebant. Sed futilis eorum cauillatio fuit: & Afri Catholici perstiterunt in defen- sione suæ cum Ecclesia Rom. com- munionis.

Optatus lib. 2. disputans cōtra Par- menianum Donatistam, enumerat iam inde à Petro continuam succe- sionem Episcoporum Ro. cum qui- bus Afri Catholici communicabant. Tum verò insultans Donatistis, *Vos* (inquit) *vestræ cathedræ originem edite.* Respondebant Donatistæ, se quoque in Vrbe Roma habere Antistitem. Optatus replicat, primum, quem ibi habuerunt, vel potius quem eò miser- runt, fuisse quendam Victorē, eúm- que Afrum, qui ante Donatum non fuerit. Ergo & Augustinus in quodā Psal. contra Donatistas, *Numerate* (inquit) *Sacerdotes ab ipsa Petri sede:*



## HISTORIA

Et in ordine eorum patrum, quis cui succedit, videte. Sed & in lib. Quæst. Veteris & No. Testa. cap. 110. (qui liber Augustino ascribitur) Ordinem (inquit) ab Apostolo Petro ceptum, & usque ad hoc tempus per traducē succedentium Episcoporum seruatum perturbant ordinem sibi sine origine vindicantes, corpus sine capite.

Donatistæ, ut Romanorum Episcoporum successionem, quam ubi cum iis communicabat, Afri Catholici iactabant, interruptam & vitiosam esse ostenderent, neque tamen confusè ea de re declamitarent, aliquando dixeré, primos aliquot illos quidē inculpatè (sic enim loquebantur) Episcopatum gessisse: sed alios deinde dissimiles fuisse, quos & incredibilibus caluniis insectati sunt, ut ait Augustinus in lib. de vno Baptismo, & quidem clamitarunt Mar-

## CARTH. COLLAT. 61

cellinum, Miltiadem, Syluestru, non minus traditores fuisse quam Cæcilianum. Mirum verò, potius non obiecisse Liberij desertionē, & Damasi, qui ei successit, seditionem ordinatem, quā & Pelagiani propterea exagitauit. Nam id August. significat, cùm lib. 6. contra Iulian. inquit: *De constituendo Episcopo disensionem populi Ro. insultabundus obiectas.* Notum autē est ex Ammiano, qualis & quam cruenta fuerit ea dissensio, cum Damasus crearetur Episcopus. Sed & Iulianus Pelagianus, cùm sedis Romanæ auctoritate premeretur, etiam ipsum (ut ait eodē loco Augustinus) beatæ memorię Zosimum, Apostolicæ sedis Episcopum, prævaricationis accusauit. Verū vbi talia obiiciebantur, Catholici respondebant esse calumnias: & licet vera crimina essent, tamen vicia personarum causam re-



## HISTORIA

ligionis non posse obruere: sed neque obesse Ecclesiæ Catholicæ, quæ ea quoque peccata damnaret. Age: bene habet, Eos, qui hodie non minus morosi Censores, ne dicam calumniatores, sunt, quām olim fuerunt Donatistæ, tamen interdum agnoscere, Catholicos merito Donatistis suam & successionem & cum Ecclesia Rom. societatem. Imò ipse Calvinus, Institut. lib. 4. cap. 2. vltro largitur plusquam in hac causa postulare auderē. Nam posteaquam narravit quanti Augustinus & similes olim fecerint Episcoporum Ro. successionem, de qua loquor, ait, quum extra controvèrsiam esset, nihil à principio usque ad illam ætatem mutatum fuisse in doctrina, ne quidē Romæ, Sanctos illos doctores sumpsisse, quod omnibus nouis erroribus conficiendis sufficiebat, nempe ab aduersariis oppugnari

## CARTH. COLLAT. 62

quod ab ipsis usque Apostolis constanter & unanimi consensu retētum erat. Donatistæ tamen non tam facile cessere: ac ne viderentur confusæ & sine ullo testimonio declamitare, aliquando (inquit Agustinus epist. 48.) veluti insidiantes testimoniis diuinis, tanquam iam periisset Ecclesia de orbe terrarū, obiiciebant Hilarij quandam querimoniam de prouinciis asiaticis, quæ Arrium sequebantur. Poterant, si doctiores acriorēsque fuissent, talem apostasiæ exprobationem exaggerare. Nam ipse Hieronymus contra error. Ioan. Hieros. Totum (inquit) Orientem, excepto Athanasio & Paulino, Arrianorum hæresis posseidebat, Imò verò & Occidētem perueraserat. & ipsum Episcopum Ro. infregerat. Quid multis? Basilius epist. 60. fateatur sese cogitasse principia esse illius apostasiæ, cuius meminit Paulus ad



## HISTORIA

Thess. Neque nō in Collatione Donatistæ obiicere poterāt, Vrbem Romanam à Barbaris captam esse, & Imperium Ro. iam pessumire: sicuti eo tempore Hieronymus ipse alludens ad illum Pauli locum ad Thessalon. & ruinam Romani Imperii, quæ Apostasiæ regnum præcessura credebatur, deplorans in epistola ad Gerontiam de Monog. inquit: *Qui tenebat, de medio fit: & non intelligimus Antichristum appropinquare?* Sed Donatistæ agūt paulò remissius. Neque sanè sui schismatis excusationē probabilem inde poterant repetere, cùm quidem iam tempore Constantini, quo & Imperium Rom. & Ecclesia Christiana maximè florebat, ipsi defecissent ab Ecclesia. Neque Augustinus nunc laborat, vt illum Pauli ad Thessalonicenses de Antichristo locum exponat: quod postea fecit ad

CARTH. COLLAT. 63

Marcellinum nostrum lib. 20. cap. 19. de Ciuit. Dei. Tantum nunc diluit, quod ex Hilario Donatistæ obiecerant. Hilarij verba in lib de Synod. hæc sunt: *Audiui & vidi vitia presentium non laicorum, sed Episcoporū.* Nam absque Episcopo Eleusio, & paucis cum eo, ex maiori parte Asianæ decem prouincia Deum nesciunt. Atque utinam cum nescirent. Cùm procliviori enim venia ignorarent quām obtrectarent. Hinc Donatistæ probare volebant Ecclesiam iam tum in orbe periisse, &c. Atqui in eodem libro Hilarius confitetur saltem Galliæ & Britanniæ Ecclesiæ in fide sincera perstitisse. Multò magis autem Africanæ Ecclesiæ Arrianismum reiecerant. Sed Augustinus alia defensione vtitur. *Quānam? Ait, Hilarium decem prouinciarū Asianarum zizania arguisse, non ipsum triticum: aut etiam ipsum triticū, quod*



## HISTORIA

defectu quodam periclitatur, quanto vehemētius, tantō vtilius argendum esse putasse. Ait Donatistas calumniari docto viro, qui grauiter increpabat, quos iterum parturiebat: & eodem modo potuisse dicere, nec tot Ecclesiæ Galatiæ tūc fuisse, quādo dicebat Apostolus, *O stulti Galatae, &c.* Ait, Ecclesiæ aliquando obscurari, & tanquam obnubilari multitudine sc̄andalorum: sed etiam tunc in suis firmissimis eminere: & aliquādo multitudinem tranquillitate temporis quieta & libera apparere: aliquando temptationum & tribulatiōnum fluctibus operiri atque perturbari. Tale tempus fuisse, de quo scripsit Hilarius. Cæterū notum etiam erat, paulò post, tempore Theodosij, Ecclesiæ liberatam fuisse, ut rursus esset, qualis fuerat tempore Constantini. Quid? Talis etiam vicissitudo

CARTH. COLLAT. 64

apparuit in regno Dauidis. Sed interruptio, quæ videtur continuitatem abrumpere, nō tollit perpetuitatem.

Cūm Donatistæ clamitarent Ecclesiæ Catholicam (vt loquebantur) apostatasse atque periisse: & hoc clamore eludere vellent Prophetarum vaticinia de Ecclesiæ gloria, amplitudine, perpetuitate: rogarunt Catholici in Collatione, Vbinam scriptū esset tam citō esse perituram: vt & Augustinus in libro de Vnit. quærit à Petilio, Quando, quis, quomodo deleuerit Ecclesiæ Apostolico labore fundatas: sicuti & in epist. 161 ad Honoratum, rogit, Quomodo Christus perdiderit hæreditatem Gentium sibi promissam? Hæc enim interrogatio fuit, quæ Donatistis velutios obstruxit. Nam neque ausi sunt obiicere, quod in Ezechiele vel in Daniele vel in Apocalypsi scriptum esse dici-



## HISTORIA

tur de Antichristo, cùm quidem huius tempus nondum venisse sentiré, proptereaque etiam prætermiserunt, quod Paulus ea de re apertiùs scripsit ad Thessalonicenses. Supererat aliis locus Pauli ad Timotheum de Apostatis, qui nouissimis temporibus emergent. Sed ipse Augustinus in libro de vnitate contra Petilianum, veluti præoccupat, & id pertinere ait ad purgamenta Ecclesiæ, & ad eos, qui ab Ecclesia defecere: sicuti & in Manicheos locū illum retorquet lib. 5. contra Faustum cap. 10. & lib. 30. & lib. 1. contra Felicem Manichæum cap. 7. & in libro contra Secundinum, cap. 2.

Venio ad id, quod Donatistæ in Collatione potissimum vrgebant: ut cùm Catholica Ecclesia prædicaretur, ipsi sanctam quoque esse debere contenderent: qualem aduersariorum

non

## CARTH. COLLAT. 65

non esse clamitabat. Speciosum quidem fuerat, quod se dixerant esse veluti duas illas Tribus, quæ non defecere, cùm aliæ decem tribus Israëlis abs Iudæ Regno descierant secutæ Ieroboamum. Sed Catholici meritò inuertebant hanc comparationem, & quanuis faterentur multas esse maculae & labes suæ Ecclesiæ, tamen quādiu illa Christum habebat caput, Schisma Donatistarum esse impium contendebant. Hinc autem dependebat iudicium de exemplo communionis ex veteri Iudæorum Ecclesia repetito, de quo in Collatione maxime certatum est: tametsi non dissimulem vtranque partem in ea contentione parum cauisse videri, cùm neutra in exemplo Prophetarū, quod allegat, satis obseruat discrimen, quod Prophetæ tamen omnes inculcant. Adeò feruor contentionis interdum

I



## HISTORIA

confusè miscet, quæ discernenda erat. Itaque tantò magis excutiendum nūc est hoc caput Collationis, vt cum ventum sit ad præcipuum causæ statum, utriusque partis rationes proprius expendamus. Acta Collationis testantur Catholicos in sua (ut vocant) Notaria hāc veluti thesim proposuisse.

*Prophetæ populum peccatorem, & Dominum multis execrabilibus abominationibus offendentem tam seueris vocibus arguebant, & flagellis correptionis duros atque indomitos animos, usque ad inimicitias aduersum se horribiles excitabant: nec tamen se ab eo populo, in quo utique etiam boni inter malos erant, corporali discriminatione diuidebant, melius iudicantes per patientiam ferre malos quam per calumniam relinquere bonos.*

Donatistarum responsio in illis Actis longior est: sed conclusio est

## CARTH. COLLAT. 66

hæc de Prophetis, quorum mentio facta erat: *Quod inter eos, quos damnabant, fuerūt, commemorationis fuit, non communionis.*

Quid deinde replicarint Catholici, breuiter exponit Augustinus in Breuiculo Collationis tertiae diei his verbis. *De Prophetis, quia dixerat Donatistæ in literis suis, non eos communicare illic, in quos mala tanta dixerūt, responderunt Catholici, Quod unum Templum fuerit, quo vniuersi vtebantur, nec quenquam Prophetarum, qui tantadixerunt in malos constituisse sibi aliud Templum, sacrificia, sacerdotes.* Idem Augustinus in libro contra Donatist. post Collat. cap. 20. *Adhuc (inquit) audent commemorare Prophetica & Apostolica testimonia, quibus nos vniuersaliter in illa Collatione respondimus, ostendentes ipsos Prophetas sanctos cum iniquis in uno templo, sub iisdem sacerdotibus inter eadem sacra-*



## HISTORIA

menta versatos, nec tamen à malis fuisse pollutos, quia nouerant, inter sanctum & immundum, non sicuti isti sentiunt corporaliter populum diuidendo, sed bene iudicando & bene viuedo, discernere. Idem paulo post proprius accedens ad Donatistarum obiectionem, ait. *Quod iussus est quidem Propheta nec panem māducare, nec vinum bibere in Samaria, quo missus fuerat, ut corriperet eos qui vaccas constituerant adorandas more idolorum Aegytorum, hoc omnino facere debuit quod præceperat Dominus, cui tunc eo modo illos corripere placuit, ut nihil ibi tangeret Propheta quem miserat.* Nunquid enim in Ecclesia non fit quotidie, quando eos, quos acrius corripimus, etiam si in eorum possessione sumus, nihil ibi apud eos cōtingimus, ut sentiant quantū eorum peccata doleamus? Nunquid tamen ideo plebis discessio facienda est, ut sicut mollis herba, indiscretè eradicentur infirmi, qui

## CARTH. COLLAT. 67

de pectoribus hominum, & ignotis factis, etiam si nobis sint cognita, iudicare non possunt? Nam in ipsa Samaria & Helias & Heliæus erant, & si ipsi in solitudine, non tamen de uitandorum sacramentorum causa, sed quia persecutione ab impiis regibus patiebantur. Nam illic erant, non utique in solitudine, separata, quæ ipse ignorabat Helias, septem millia virorū, qui nō curuauerūt genu ante Baal. Hæc ille. Hic vero necesse est, ut ingenuè dicam, quod sentio. Cum diligentius considero quæ iam recitata sunt, videntur mihi tam Catholici quam Donatistæ inconsideratè confundere discrimen, quod olim fuit inter Iudam & Israëlem, interque Hierusalem & Samariam. Nam ut Donatistæ confusè contendunt, Prophetas propter hominum vitia non communi casse sacrificiis siue Hierosolymitanis siue Samaritanis: sic Catholicis;



## HISTORIA

non minus confusè contrà contendere videntur, tam his quām illis sacrificiis illos communicasse, & tametsi moribus sese separarent, tamen altaribus fuisse coniunctos. Atqui, vt ipse Augustinus lib. 17. de Ciuit. Dei, cap. 22. rectè dixerat, in Israèle omnes reges fuisse reprobos, non etiam in Iuda: sic dicere debuit de Sacrificiis: & quidem sacrificiis Hierosolymitanis communicasse Prophetas & communicare debuisse, quandiu illorum legitima erat forma: tametsi sacerdotum & populi magna esset alioqui corruptio, & damnanda hypocrisia. Sed sacrificiis Israëlis siue Samariæ, neque prophetas communicasse, neq; communicare debuisse: cùm quidem non esset legitimum altare extra templum: tametsi sacerdotum & populi vita fuisse minimè vittiosa. Et verò Prophetæ aliter repre-

## CARTH. COLLAT. 68

hendūt sacrificia Iudæ, aliter Israëlis. In illis enim reprehendunt hypocrisim & impietatem personatū: in his verò formam quoque & substantiā ipsorum sacrificiorum. Augustinus in libro post Collat. ait, Quæstionem hanc in Collatione fuisse euidenter solutam. Ego verò (vt nihil dissimullem) cogor dicere, euidentem fuisse utriusque partis quandam errorem, & quidē iuris & facti errorem, quādiu non adhibetur distinctio, quam dixi. Itaque miror, cùm in Collatione Carthaginensi adessent tam multi præclari Antistites, neminem obseruasse discrimin illud, quod toties & tam euidenter Prophetæ inculcant.

Rectè Donatistæ aiunt Eliam & Elisæum nunquam communicasse altaribus Samariæ, & propterea in solitudine moratos esse. Itaque miror Augustinū respondere, Eliam & Eli-



## HISTORIA

Sæum non fuisse in solitudine deuittandorum Samariæ sacramentorum causa. Habitarunt etiam in Bethel. Sed nunquam ibi sacrificarunt, aut eius loci sacrificiis communicarunt. Denique & singulare & extraordinarium fuit, quod in monte Carmelo Elias semel sacrificauerit. Saltem cum Augustinus ait Eliam aut Elisæum non deuitasse sacramenta Samariæ, distinguendum esset inter sacramenta Circuncisionis & sacramenta Sacrificiorum. Sacrificia certè in Samaria omnino vitanda & fugienda erant: quia non nisi in Templo Hierosolymitano fas erat sacrificare. Sed Circuncisio similiter templo alligata non erat.

Rectè rursus Donatistæ de Prophetis Osea & Amos dixeré, quod de Elia & Elisæo, quia similiter illi Prophetæ agebant cum Israëlitis, & ta-

CARTH. COLLAT. 69  
men clamabant, *Ne eatis in Gilgal, ne ascendatis in Bethanem:* hoc est, ne cōmunicetis sacrificiis Israëlis siue Samariæ. At non similiter dixissent, *Ne ascendatis in Hierusalem.* Ergo malè Donatistæ subiiciunt: *Iam verò in vrbe Hierosolyma quomodo poterant Prophetæ sacrificiis peccantium hominum communicare, quæ diuino spiritu pleni damnabant.* Atqui in iis Prophetæ damnabant non tam sacrificij formā, quam sacrificati hypocritatæ personā.

Sed & vbi Donatistæ concludebāt, *Commorationis fuisse non communionis,* quod Prophetæ fuerint inter eos, quos dānabant: rursus distinguendum fuit inter Iudam & Israëlem. Prophetæ quidem etiam oriundi ex Iuda, migrarūt in Israëlem, ut ibi commorantes, non quidem altaribus Samariæ communicarent: sed vt ea damnarent: sicuti feceré Amos & Oseas. Leuitæ autem,



## HISTORIA

qui in Israëlis Tribubus habitabant, inde omnes fugerunt in urbem Hierosolymam, vbi tantum sacrificare fas erat.

Donatistæ, ut refellerent, quod Catholici in Collatione dixerant, moribus non corporibus bonos à malis separari debere: allegarunt illud Iesaiæ: *Discedite, discedite, exite de medio eorū. Mundamini, &c.* quia & Paulus id repetit in epist. ad Corinth. Sed quod ad Iesaiam attinet, constat prima illa verba tantum hoc velle & agere, ut Iudei sint parati ad discedendum ex Babylone statim atque dies Liberationis venerit. Interea autem Propheta etiam monet, ut sint mudi: ne scilicet communicent idolis Chaldæorū: quod Apostolus ad suos Corinthios repetit, ne iij communicet idolothytis, &c. Sed alioqui non iubet, ut patriam suam relinquant, & ex idolola-

CARTH. COLLAT. 70

trarum vrbibus fugiant. Alioqui ex mundo exire eos oporteret, vt alibi ait. Quod autem Iudei ex Babylone discedere iubebantur, peculiarem rationem habet, quæ ad alias trahenda non est. Augustinus in lib. de Vnit. cap. 12. narrat, Petilianum clamitasse, decem Tribus diuisas esse & traditas seruo Solomonis, nempe Ieroboamo: duas verò remansisse filio Solomonis. deinde comparationem fingendo dictitasse: *Sic & nunc totus mundus apostatauit: nos autem tanquam duæ illæ tribus permansimus in templo Dei,* id est, in Ecclesia. Quid ad hæc Augustinus? Ostendant (inquit) scriptū esse, se esse tales, sicut scriptū est, illas duas Tribus tales fuisse: & tunc nihil resistimus. Sed successio, de qua dixi, ostendebat potius Catholicos esse tales. Schisma verò indicabat Donatistas potius esse similes decem Tribubus.



## HISTORIA

Olim quidem decē illæ Tribus Israëlis penes se esse Ecclesiam, potius q̄ in Hierusalē, contédebat. Sed nunquam id euicerunt, neque vllus unquam Propheta id iis concessit. Cùm etiam abductæ in seruitutem essent, & iis successissent Samaritæ, man-  
sat eadem contentio: adeò vt æmu-  
lum templum in monte Garizim æ-  
dificatum sit, quale Hierosolymis  
fuerat à Iudæis reducibus non mul-  
tò antè instauratum. Ac quidem  
quæstio tunc quoque agitata est, v-  
trum esset templum legitimum: tan-  
démque est relata ad iudicium Pto-  
lomæi cuiusdam Ægyptij Regis Eth-  
nici: & quidem terribili conditio-  
ne, vt qui aduocatus causa caderet,  
morte multaretur. Sed audita Mosis  
lege, & probata Pontificum Iudæo-  
rum continua successione, rectè iudi-  
catum est pro templo Hierosolymi-

CARTH. COLLA T. 71

tano. Testis est Iosephus lib. 13. cap. 6. Estque profecto historia illa memo-  
rabilis, & idoneum exemplum, quod hīc laudetur. Sed simul miremur,  
Samaritanos tamen sibi nihilominus  
arrogasse quod solebant: quod etiam  
fecere cùm eorum templum Garizi-  
tanum fuisset dirutum: adeo vt Chri-  
sti tempore eā litem etiamnum per-  
durasse audiamus. Nihil dicam de al-  
tero Templo apostatico, quod in Æ-  
gypto ad exemplum Hierolymitani  
conditū ab ipsis Iudeis est, conniuente  
rege Ptolomæo. Nūc enim me cō-  
tineo in exemplo veteris dissensionis  
inter Samariam & Hierusalem. Ne-  
que potest in hoc argumento exem-  
plum illustrius ex historia veteris Ec-  
clesiæ repeti: in quod quidem cum  
intuemur, tam horribilis etiam schis-  
matis, quod tādiu durauit, memoria  
nos percellat, necesse est. Neque du-



## HISTORIA

biū est , quin Augustinus multa prospiciēs inde colligeret , quod in schismate Donatistarum gemens deploret , vt tristissimam Ecclesiæ calamitatem defereret . Legerat quod Nazanzenus de suis temporibus & Arrianorum intemperie loquens & suspictrans conquerebatur , non modo Ecclesiam distractam esse , vt olim Iuda & Israël , sed per domos singulas populum Christianum esse dissectum . Legerat quod ille ad Deum conuersus precari solebat , *O domine sit aliquis finis huius belli Ecclesiastici.* *Ne sit amplius Iuda & Israel: Hierusalem & Samaria: Roboam & Ieroboam.* Non dubito , quin Augustini similes preces fuerint & similia vota suspiriāque . Ut autem Oseas & Hieremias prædixerant fore , vt Iuda & Israël rursus aliquando coalescerent sub vno capite ( quod quidem vbi Ecclesia Chri-

CARTH. COLLAT. 72

stiana primum coaluit , factum esse dubium non est ) vix audebat sperare rursus facile id futurum esse , cùm nouum in Ecclesia schisma inualuisse videbat . Certè idem Nazanzenus , qui vidit , quam Theodosius Ecclesiarū ἔρωτη procurabat , gaudio exultans aliquādo exclamauit , *Non amplius inuicē φέρομεν καὶ ἀγομενοι. Iudas & Israel vnu sibi ponunt principatum: omnes facti sumus Christiani.* Sed Augustinus tam felix non fuit , vt id omnino viderit : tametsi Collatio Carthaginensis ad eam vnitatem restituendam multum momenti attulerit . Redeo ad eum locum , in quo Augustinus negat , Donatistas esse , quod dici volunt , hoc est , tanquam Tribum Iudæ . Adiicit enim per concessionem , et si id essent , tamen legere debere Prophetas , qui dicunt Israëlem auersatricem iustificatam esse peccatis Iuda præuarica-



## HISTORIA

tricis. Hoc certè Ieremias cap.3. & Ezechiel cap.16. dixère, vt & suos Iudæos castigarent, Ecclesiæ titulo nimis indignè abutentes: neque dubito quin & ipse Augustinus peccatis suorum minimè indulgens, sèpius suo populo id exprobarat. Interea tamen quod Donatistæ sibi arrogabat, nunquam eorum esse dixerit. Cæterum præterire non possum, quod in eodem suo lib. de Vnit. contra Petilianum, cùm hanc quæstionem tractat, adiicit, partem illam veteris populi, hoc est, Israëlem, deputandam non esse, tanquam hæresis fuisse. Deum enim decē illas Tribus iussisse separari, non vt religio, sed vt regnum diuidetur. Cùm hæc lego, fateor (ne quid iterum dissimulem) me hærere & subsistere. Deus quidem iuste meritóque decreuerat, Ieroboam fore regē, vt puniret peccatū Solomonis.

Sed

CARTH. COLLAT. 73

Sed nihilominus Israël peccauit, cum perfidiosè talem sibi regem asciuit, vt à regno Dauidis & à templo deficeret. Sed & ipse Augustinus libro 1. contra Cresc. cap. 31. ait Samaritanos fuisse veluti hæreticos Iudæorū. Audio, quod item cōtra Petil. ait, Deum iussisse, vt regnum Iuda diuidetur, non etiam religio. Non enim iussisse fieri schisma: *sicuti (inquit) sèpe in orbe terrarum regna diuiduntur, & tamē Christiana unitas non diuiditur, quia in utraque parte iuueniatur Ecclesia Catholica.* Verum (si mihi fas est ingenue dicere quod sentio, vt quod verum esse puto, verecunde quidem, sed tamen libere exponam, nullo Augustini præiudicio impeditus) existimo obseruandum esse, aliam fuisse rationē Regni Iudaici siue Dauidici, aliam esse aliorum regnorū. Nam in Regno Dauidis sic inclusa fuit Ecclesia, sicque

K



## HISTORIA

cum eo coniuncta, ut non potuerit diuidi, quin religio diuideretur: hoc est, quin qui ab eo descisceret, schismatis reus esset. Nam qui ab eo deficiebat, ab Ecclesia quoque ipsa deficiebat. Certè orabatur pro hoc regno, ut pro Ecclesia, Psal. 77. & 118. & David propterea dicebatur primogenitus inter Reges, Psal. 89. At (inquires) Deus tamen dicitur diuisisse regnum Davidis. Fateor, sed longe alio fine, quam ipse Ieroboam schismaticus, aut quæ eum secutæ sunt decem Tribus, quarum longe aliud fuit quam Dei consilium. Hæc obiter dicta sunto. Conclusio Augustini cōtra Petilianum est, fuisse etiam in Israële Prophetas. Audio. Sed tunc fateor Donatistas rectè dixisse, commorationis illud fuisse non communionis. In Iuda verò non modo commoratos esse, sed etiam com-

## CARTH. COLLAT. 75

municasse, dicendum etiam est, ut antè admonui.

Hic ego veniam audaciæ peterem, si paulò liberius videor notare in Augustino & eius collegis, non satis ab iis obseruatum esse discrimen Iudæ & Israëlis. Sed pudoris potius quam petulantiae vlli vestigiū in meo facto agnoscat æquus & veritatis studiosus iudex. Certè ut mihi integrū non fuit dissimulare quod sentiebā, sic agnosco factum esse quodam impetu disputationis, ad Donatistarum morosissimam importunitatē reprehendam, ut Catholici in Collatione minus distinxerint Iudam ab Israële, cum Prophetas quantumvis seueros vitiorum reprehensorum minimè omnium fuisse schismaticos ostendere vellent, & Donatistas valde reprehenderent, qui sui schismatis exemplum repetebant à Prophetis, quos fugisse

K ij



## HISTORIA

sua gentis sacrificia confusè clamitabant, contrario quodam modo Iudæ & Israëlis discrimen confundentes. Cæterum minimè alioqui Augustinum ignorasse quod dixi, imò verò tale discrimen diligenter alias indicasse, testis est eius liber 17. de Ciuit. Ut autem nouis hodie Momis, qui totam Collationem Carthaginēsem propter ~~μημονιδη ἀμαρτημα~~ irridere, & bonis Patribus insultare vellent, frānum aliquod iniiciā, venit in mentē quod ipse Caluinus nouorum Censorum princeps, cùm sexcētis alioqui in locis annotaslet, illud à Prophetis toties indicatum discrimen, tamē nescio quomodo eius obliuiscividetur, vbi in disputatione incaluit. Certè cùm primū iratus in me scribebat, etiā illud inuertisse videtur. Ait: Quin Hierosolymis vera fuerit Ecclesia, quo tempore sacerdotes à legitimo Dei cultu defle-

## CARTH. COLLAT.

75

xerant, minimè ambigitur. An verò eius Ecclesiæ auctoritas vigere & valere debuerit apud pios, ex Prophetis patet, qui ybique clamant longissime ab impia eorū factione recedendum. Idem paulò post ait, negari non posse, apud Israëlitas, qui Ieroboamum secuti sunt, fuisse aliquam Ecclesiam. Addo locum alterum, qui nunc mihi in mentem venit. Nota est querimonia Eliæ Prophetæ conquerentis sese relictum esse solū. Eam propriè pertinuisse ad statum Israëlis potius quam Iudæ, Augustinus rectè obseruauit & admonuit libro 17. de Ciuitate Dei. cap. 22. Caluinus tamen in præfatione suæ Institutionis, ex illa querimonia liquere generaliter contendit, nullam temporibus Eliæ fuisse Ecclesiam aspettabilem. Atqui ipsa historia sacra testatur Eliam tantum loqui de regno Israëlis ybi habitabat: in regno autē

K iij



## HISTORIA

Iudæo tempore fuisse illustrem Ecclesiam regnante Iosaphat, quem & tanquam alterum Dauidem fuisse significat. Imò verò idem Caluinus in ipsa sua Institutione videtur confusè dicere, quod Donatistæ in Collatione dicebât hac in parte. Allegat, Prophetas de Iudæis & Israëlitis sui seculi passim clamasse, prophana esse conuenticula, quibus non magis consentire liceat, quàm Deum abnegare: vel si illæ Ecclesiæ fuerunt, ab Ecclesia Dei alienos fuisse, in Israële quidē, Eliam, Micheam, & similes: in Iuda autem Iesaiam, Ieremiam, Oseam. Concludit autem necesse fuisse, ab eorum cœtuum cōsensione desciscere, quæ nihil aliud erat quàm impia aduersus Deū conspiratio. Quis non videt hæc confusè dici, vbi distinguedum erat inter Iudam & Israëlem? Et verò in eadem paulò antè pagina sibi

CARTH. COLLAT. 76

veluti cōtradicēs, dixit quod & voluimus, & ad Donatistas refellēdos dicimus. Fateor (inquit) Prophetas omnes, qui Hierosolymis fuerūt, cùm res illic essent admodū corruptæ, nec seorsum sacrificasse, nec separatos ab aliis cœtus habuisse ad orandū Habebāt enim Dei mandatū, quo in templū Solomonis cōuenire iubebātur. Sacerdotes Leuiticos, quos, quia sacrorum Antistites ordinati erant à Domino, nondum abdicati, vt cunque indigni eo honore essent, locum illum adhuc tenere nouerāt. Sed neque ad ullum superstitionis cultū adigebantur. Idē rursus in eadē paulò antè sua Instit. Horrendæ (inquit) sunt illæ descriptiones, quibus, Iesaias. Iermias, Ioel, Habacuc et alij, Ecclesiæ Hierosolymitanæ morbos deplorant. In plebe, in magistratu, in sacerdotibus, omnia usque adeo corrupta erāt, vt clamet Iesaias, a vertice capitis usque ad calcē pedis, nihil esse illic sanum. Religio partim con-

K ivij



## HISTORIA

tempta, partim contaminata. In moribus paſſim referuntur furtæ, rapinæ, perfidiæ, cædes, & similia sceleræ. Neque tamen propterea aut nouas sibi Ecclesiæ erigebant, aut noua altaria extruebant Prophetæ, in quibus separata sacrificia haberent: sed qualescūque essent homines, quia tamen reputabant, Dominum apud eos verbum ſuum depoſuisse, & ceremonias instituiffe, quibus illic colebatur, in medio impiorum cætu puras manus ad illū extendebant. Certè ſi putaffent aliquid inde contagionis ſe contrahere, centies potius mortui fuiffent, quam paſſi fuiffent illuc ſe pertrahi. Nihil ergo eos retinebat, quo minus diſceſſione faceret, quam ſeruādæ vnitatis ſtudium. Quod ſi religio ſanctis Prophetis fuit, ob plurima & maxima sceleræ nō vnius aut alterius hominis, ſed propemodū totius populi, ſe ab Ecclesia alienare: niſi nobis arrogam⁹, ſi protinus audemus ab Ecclesiæ cōmunione deficere,

## CARTH. COLLAT. 77

vbi non omnium mores vel noſtro iudicio vel Christianæ etiā profefſioni ſatisfaciūt.

Iam Christi & Apoftolorum ſaculum quale fuit? Neque tamen impedire potuit desperata illa Phariseorum impietas, & qua tunc paſſim regnabat, diſſoluta viuen- di licentia, quin iisdem ſacris cum populo uferentur, & in unum cum reliquis tem- plum ad publica religionis exercitia conue- nirent. Vnde id? niſi quia ſciebant malorum ſocietate minimè pollui qui, pura conſcien- tia, iisdem ſacris communicarent? Si quem parum mouent Prophetæ & Apoftoli: ille ſaltem Christi authoritati acquiescat. Be- ne ergo Cyprianus: Et ſi uidentur, inquit, in Ecclesia Zizania, aut uasa impura, non eſt tamen cur ipſi de Ecclesia recedamus: nobis modo laborandum, ut frumentum eſſe poſſimus. Nobis danda opera, & quantum licet innitendum, ut uas aureum & ar- genteum ſimus. Ceterum ſicilia uasa con- fringere ſolius Domini eſt, cui & uirga fer-



## HISTORIA

rea data est: nec quisquam sibi quod proprium est soli filio, vēdicet, vt ad areā venitā & purgandā paleam sufficiat, Zizaniāque omnia humano iudicio segreganda. Superba est ista obstinatio, & sacrilega prāsumptio, quām sibi furor prauus assūmit, &c. Fixum igitur utrumque istorum maneat, nihil excusationis eum habere, qui externam Ecclesiæ communionem sponte deserit, ubi Dei verbum prædicatur, & sacramenta administrantur: deinde nihil obstatre vel paucorum vel multorum vitia, quo minus illic rite ceremoniis à Deo institutis, fidem nostram profiteamur: quia nec alterius siue pastoris, siue priuati, indignitate lēditur pia conscientia: nec minus pura sunt & salutaria Domini mysteria homini sancto & recto, quia simul ab impuris attrectentur. Hæc ille: quæ nunc non inuitus describo, vt aduersarij quoque cōfessione, causam, quā ago, peragā: & tali subscriptione cōfirmē

CARTH. COLLAT. 78  
conclusionem Carthaginēsis Collationis contra Donatistas. Itaque non grauabor ex eadem institutione repetere quæ in ea paulo ante sunt subscripta. Nā & ex Augustino repetita videtur, & Donatistas veluti iugulāt. Fuerunt (inquit) semper, qui falsa absolutæ sanctimoniae persuasione imbuti, tanquam aërei quidam Dæmones iam facti essent, omnium hominum consortium aspernarentur, in quibus humanum adhuc aliquid subesse cernerent. Tales olim erant Cathari, & qui ad eorum vesaniam accedebant, Donatistæ, Tales hodie sunt ex Annabaptistis nōnulli, qui supra alios volūt videri profecisse. Alij sunt, qui inconsiderato magis iustitiae Zelo, quam insana illa superbia peccant. Dum enim apud eos, quibus Euangeliū annuntiatur, eius doctrinæ nō respondere fructum videt, nullam illic esse Ecclesiam statim iudicant. Iustissima quidem est offensio, & cui plus satis occasionis



## HISTORIA

hoc miserrimo saeculo prebemus. Nec excusare licet maledictam nostam ignauiam, quam Dominus impunitam esse non sinet: ut iam grauibus flagellis castigare incipit. Vae ergo nobis, qui tam dissoluta flagitorum licentia committimus, ut propter nos vulnerentur imbecilles conscientiae. Sed in hoc viciissim peccat illi, quos diximus, quod offensionis suae modum statuere nesciunt. Nam ubi Dominus clementiam exigit, omissa illa, totos se immoderata severitati tradunt. Quia enim non putant esse Ecclesiam, ubi non est solida vitae puritas, et integritas, scelerum odio à legitima Ecclesia discedunt, dum à factione improborum declinare se putant. Allegant Ecclesiam Christi sanctam esse. Verum ut simul intelligent esse ex bonis et malis permixta, illa ex ore Christi parabolam audiatur, in qua reti comparatur, quo pisces omne genus colliguntur, neque seliguntur, donec in littore sint expositi. Audiant agri esse similem, qui bona fruge

consitus, zizaniis inimici fraude inficitur: quibus non expurgatur donec in aream aduecta fuerit messis. Audiant deniq; aream esse, in qua sic collectum est triticum, ut sub palea delitescat, donec vano et cribro repurgatum in horreum tandem reconditur. Quod si hoc malo ad diem usque iudicij laboraturā Ecclesiā pronuntiavit Dominus, ut improborum permixtione oneretur, frustra nullo nauo inspersam querunt. Hęc ille. Quae si nondum sufficiunt ad contundēdam nostrorum censorum siue contumaciam siue morositatem, adiiciam quod idem eorum Magister scripsit aduersus Anabaptistas.

Videmus (inquit) quae vitia in Ecclesia Iudaica Prophetae reprehēdant: cuius potius contra quas abominationes vociferentur. Nequeverò reprehensiones illae competunt in unum genus hominū: sed palam denuntiat, à primoribus ad plebem usque, à summis ad infimos omnia sic corrupta et deprava



## HISTORIA

nata fuisse, ut vix unicum membrum sa-  
num reperiri possit. Hæc enim sunt ipsorum  
verba. An verò propterea desierunt cum  
populo iniquo & peruerso conuenire, ut  
adorarent Deum, ut offerrent sacrificia, ut  
audirent doctrinam legis? An seorsum tem-  
plum, aut altare extruxerunt? ut pura Ec-  
clesia potirentur? Si polluitur fidelis, quod  
in precibus cum iniquis communicet, in au-  
dienda doctrina, in sacramentis recipiendis:  
Prophetæ omnes polluti fuerunt, ac veluti  
Duces, qui cæteros exemplo suo in exitium  
ducerent. Nunc ad Christum dominum no-  
strum & ipsius Apostolos veniamus. Pri-  
mum scimus qualis eo tempore fuerit Ec-  
clesiæ Hierosolymitanæ status. Tamen  
cum cæteris Dominus Iesus circuncidì vo-  
luit. Deinde purgationis die ad templum  
afferri, ut ex solito more Deo offerretur. Si  
allegent, sancti viri manibus susceptū fui-  
sse: respondeo, id totius Ecclesiæ nomine fa-  
ctum: quæ tamen spurcitia multa, & abo-

## CARTH. COLLAT. 80

minādis vitius scatēbat. Si rursum obiiciāt,  
infantem fuisse, nec ab eo propriè facta: re-  
spondeo ita infantem fuisse in humana na-  
tura, quam à nobis acceperat, ut interim  
prudentia sua diuina regeretur, qua nun-  
quam suisset se vlla actione contaminari,  
quæ filiorum Dei puritati repugnaret.  
Quinetiā vir factus, ac, quod amplius est,  
cùm prædicaret verbum Dei, ac officio suo  
fungeretur, eam viam persecutus est usque  
ad extremū diem vitae. Si offenditur Deus  
ab eo, qui precandi & testificandæ fidei sue  
gratiâ in cœtum aliquem ingreditur, à quo  
scelerati non arcentur: quid sibi voluit Do-  
minus noster, quale exemplū præbuit, cùm  
templum Hierosolymitanum ingrederetur,  
ut vna cum scribis & Pharisæis, & populo  
tunc perditissimo sacra faceret? Protinus,  
sat scio, excipient, Christum in templum  
non ascendisse, nisi ut vitia & scelera re-  
prehenderet, quæ tum admittebantur: non  
ut cum eorum sacrificiis & cæteris testifica-



## HISTORIA

tionibus fidei participaret. Verum falsam esse hanc solutionem, facile est monstrare. Non abs re dicit Paulus eum subditum legi facili (de Christo semper intelligo) ut ab eius seruitute omnes, qui ei subiiciebatur, redimeret. De ceremoniali lege nominatim verba facit. Cum igitur ad templum, ac praecipue diebus festis & solemnibus, accedebat, quanvis eò veniret, ut meliorem promouendi Euangelij, & corrigendis impiorum viciis, occasionem nancisci posset: tam non desinebat sese legis obseruatorem ostendere, quæ lege iubentur, faciens, veniens in templum adorandi & sacrificandi causa. Quod ipse ore suo confirmavit, cum Samaritanam conueniret. Loquens enim ex omnium Iudeorum persona, ait: Scimus id quod adoramus: at vos, quod adoratis, nescitis: quia salus ex Iudeis est. Haud certe ab illis se segregat, cum loquitur de adoratione, qua etiam sacrificia continentur: verum sese redigit in communem ordinem ceterorum

ceterorum

## CARTH. COLLAT. 81

ceterorum. Id quod ratio ab eo adiuncta, magis etiam confirmat: nempe, quia salus ex Iudeis est. His enim verbis nihil aliud intelligit, quam cultum, qui Hierosolymis exhibebatur Deo, ipsi gratiū fuisse, tantum ob fædus, quod cum populo illo inierat. Ex quibus perspicimus, eum, qui sacramentis à Deo institutis cum inquis communicat, ipsorum congressu non pollui, modo ipse criminis vacet, puraque conscientia sit præditus. Idem Apostoli magistri sui exemplum secuti, fecerunt. Verum ne prolixiores simus, quam parsit, Paulo uno contenti simus. Omitto quod quemcunque in locum veniret, sineulla difficultate in Synagogam Iudeorum ingressus est, ut oraret Deum, & de scriptura tractaret. Omitto etiam, quod ei religio non fuit sese in templo exhibere, ut ibi Deum adoraret, & ceremoniis legitimis una cum reliquis viteretur: quamvis summa esset sacerdotum & scribarum, qui tum illic erant, improbitas & nequitia. Non quod

L



## HISTORIA

illa ad rem nō faciant: sed quia clariore probationum genere, quæ calumniis minus eludi possunt, non caremus. Nempe quòd conqueritur eos qui ipsum adiuuare debuerat, Christi honore, & Ecclesiæ propagatione posthabitatis priuatis commodis suis studuisse. Neque tamen legimus ipsum, ne pollueretur, se ab eorum cætu segregasse.

Item, cum vitia illa horrenda, quibus Corinthi & Galatæ laborabant, reprehēdit: non vetat eos, qui puri sunt & immunes, ullam cum ceteris communionem habere, quoad bene purgata fuerint omnia: sed tantum adhortatur, ut vitia, quæ suo quaque loco, reprehendit, corrigant, nulla mentione facta de eiusmodi segregatione, qualem isti Fanatici introducere volunt.

Quid verò necesse est adeo disputare? cum Apostolus ipse alio in loco tractas, quo quisque modo præparari debeat ad recipiendam, ut decet, Cœnam Domini, non iubet unumquemque proximi sui vitia

## CARTH. COLLAT. 82

examinare: sed ita loquitur, probet seipsum homo, ac si de pane illo edat, & de calice bibat. Nam qui edit & bilit indignè, iudicium sibi ipsi edit & bilit. In quibus verbis duo sunt obseruanda, Primum indignè panem Domini edere, non esse cum iis, qui indigni sunt, communicare: sed non rite præparare seipsum, nec expēdere fidem propriam & pœnitentiam. Alterum, cum cœna recipienda est, ne initium faciamus ab aliis, quo examinemus ippos, sed nosmet ippos probemus. Et certè si accurrate considerentur omnia: qui ita otio abundant, ut inquirant in alios, sapienter in re sua sunt negligentes & obliuiosi. Hactenus ille.

Visum fuit superiores aliquot paginas ex eius viri cōmentariis describere, cuius ore & confessione Donatistas quoque damnari, & similes hypocritas atque ardeliones accusari, lumbenter audio, ut tanto magis os obstruatur male feriatis quibusdā eius



## HISTORIA

discipulis, quorum seueram scilicet censuram, hoc est, vœsanam intemperie, notari atque coërceri necesse est. Nunc ut ad Collationem reuertar: eius Acta significant, Donatistas etiā obiecisse quipiam ex Aggei propheta cap. 2. de fugienda contagione malorum: tametsi Augustinus scribat non nisi post Collationem id eos allegasse. Quæstio autem fuit de hisce verbis, *Quicunque accesserit ad illum, inquinabitur, &c.* quæ leguntur in interpretatione LXX. Sed si Catholici obseruassent, ab interpretibus illis adiecta videri: saltem non extare in contextu Hebraico: magna molestia respondendi facile se liberasse.

Donatistæ non tam fuerunt vel ingeniosi, vel acres, vel facundi, vel vehementes, quam alij quidam in accusanda Ecclesia, à qua defecerant. Imò multa, quæ suo schismati speciosè

CARTH. COLLAT. 83

obtendere poterant, nescio quomo-  
do præteriisse videtur. Saltem hodie noui Cœsores, & illorū alioqui pro-  
pè patroni, Ecclesiæque accusatores,  
aiunt eos prævaricatos posse videri,  
& bonam causam malè egisse, iūsque  
suum ignorasse: ignorasse conditionē  
Ecclesiæ, à qua defecerant: ignorasse  
eius maculas & vitia. Aiunt, Ærium,  
Iouinianum, Vigilantium, Faustum  
Manichæum, & similes diligentius  
notasse quæ reprehenderent: & quia  
hos reprehœsores Ecclesia damnarit,  
iterum ream esse debere. Sed nunc  
nihil attinet, suggestere Donatistis no-  
uam criminacionem: tametsi facile  
quoque sit eam refellere. Possem etiā  
exaggerare populi Carthaginensis  
extremam corruptionem, & horren-  
da infinitaque scelera, quæ Saluianus  
Episcopus Massiliensis descriptis lib.  
8. de prouident. Sed ne ea quidē suf-

L iiij



## HISTORIA

fiebant ad excusandū schisma Donatistarum. Sanè cùm multa vulgo malè fieri fatebatur & deplorabat Augustinus, in iis fugiendis consentientem habuere Donatistæ. Sed quæ Ecclesia rectè probabat, grauiter defendit diluens aduersariorum calumnias: & vt multa illi exprobrarentur, tamen Ecclesiam Christi esse cōstantissime contendit, præsertim cùm autores illa bonos haberet, & promissa laudatāque esset à Prophetis, qualis post Christum exhibita est, totóq; orbe diffusa: neque aliam ostendere Donatistæ possent, ad quam vaticinia illa Prophetarum referri possent. Itaque deficere ab ea Ecclesia Catholica non debuisse Donatistas, concludit: & (quod mirum est) eadem est nunc eorum conclusio, qui alioqui illius quoque temporis Ecclesiā acerimè accusant, & sibi licere propter-

CARTH. COLLAT. 84

ea volunt, quod tamē Donatistis negant. Quæ porrò Donatistæ dicens, vt suam factionem probarent esse veram Ecclesiā Christi, putidiora sunt quām vt pluribus refelli debeat: audiamus tamen.

Iactabant in Collatione, se se Antistes & defensores esse synceræ Ecclesiæ, quæ (vt aiebant) persecutionē patitur, & non facit. Crucem enim & patientiam, esse quædam insignia Ecclesiæ profitebantur. Sed Augustinus contendit eos facere potius q̄ pati: vel si quid interdum patiuntur, iuste eos pati, quod iniuste faciunt. Imò in sua Epistola quinquagesima probat non esse consequens, vt Ecclesia vera sit, quæ persecutionē patitur, non quæ facit: & refutat Donatistas, qui non querunt causas, quare quisque faciat persecutionem, vel quare patiatur: sed hoc putant esse signum ve-

L iiii



## HISTORIA

ri Christiani, si persecutionem patiat-  
tur, non autem faciat.

Sanè quia aliquando ab Impera-  
tore missus erat Macarius Praefectus  
ad coërcendam Donatistarum insol-  
entiam, Parmenianus Donatista Ca-  
tholicis exprobrans (ut vocabat) Ma-  
carianam vim, inuidiosè clamitaue-  
rat: *Non potest dici Ecclesia, quæ cruen-  
tis morsibus pascitur, & sanctorum san-  
guine opimatatur.* Sed Optatus lib. 2. iusta  
recriminatione id in aduersarium re-  
torserat, & ostendam (inquit) partem  
*vestram cruentis morsibus pastam, & san-  
guine Christianorum opimatam, &c.*

Postea tamen Petilianus Donatista  
multò & odiosius & verbosius repe-  
titam Parmeniani sui siue querimo-  
niam siue exprobrationē ingemina-  
uit. Sed Augustinus futilis calum-  
nias & inania maledicta esse ostēdit:  
imò verò probat, Donatistas impu-

CARTH. COLLAT. 85  
denter aliis obiicere, quod ipsi com-  
mittebant.

Iactabāt Donatistæ suos martyres:  
& Parmenianus inuidiosè nostris eos  
antea obiecerat. Sed Augustinus gra-  
uiter talem iactationem refutauerat  
lib. 1. contra Parm. cap. 7. Nihilomi-  
nus tamen Petilianus eandem canti-  
lenam canit. Ergo Augustinus ean-  
dem responcionem repetit, ostendit-  
que, non pœnam, sed causam efficere  
martyres. Et tamen Donatistas occi-  
di negat. Imò verò ipsos sese furiosè  
præcipitare, sibique mortem vltro  
consciscere probat. Legatur eius epi-  
stola quinquagesima ad Bonifacium:  
& adiungatur Cyprianus Christi mar-  
tyr, qui multò ante tempora Donati-  
starum, etiā dixerat, extra Ecclesiam  
non posse esse martyrem, neque in  
morte coronari posse, sicuti & multis  
post Augustinum seculis ipse Bernar-



## HISTORIA

dus ostendit etiam Diabolum habere suos martyres: & eleganter ait, mirum non esse, si qui potest homines impellere ut sibi ipsis mortem inferant, possit iis persuadere, ut patiantur sese ab aliis occidi. Sanè & Eusebius lib. 5. cap. 6. scribit iā olim Montanistas iactasse suos quoque martyres, & ad hanc gloriam, tanquam ad sacram anchoram, cōfugisse, vt suam sectam commendarent atque celebrarent. Sed res ipsa loquitur fuisse fatuam *xerodōξiār.*

Porrò quia Donatistæ audiebant, Ecclesiam Catholicam, non modo sanctis martyriis, sed & illustribus miraculis fuisse ornatam: iactarūt etiam suæ partis nescio quæ miracula, quasi certa indicia testimoniāque Ecclesiæ. Sed acutè Augustinus ea retorquet, vt potius pro signis Antichristi vel pseudo-prophetarum habeantur.

## CARTH. COLLAT. 86

Quid non ausi sunt Donatistæ, quid non tentarunt, vt Ecclesiam penes se esse probarent? Iactarunt etiam Angelum cælestem apparuisse, qui eorum causam confirmaret. Sed Augustinus in episto. 165. altius assurgit, & illi etiam, si quis fuisset, audet denunciare anathema, fretus vaticiniis Prophetarum Catholicam Ecclesiam promittentium. Et has, inquit, *promissiones tenenti, si tibi Angelus de cælo diceret, Dimitte Christianitatem orbis etene partes Donati, anathema esse deberet.* Donatistæ tandem eò euaserunt, vt etiam dicerent Deum ipsum de cælo respondisse Donato: propè vt de suo auctore dicerent, auditam esse Dei vocem illam, *Ipsum audite.* Verùm quod, ubi miracula iactarunt, responsum audierunt, idem nunc eis Augustinus obiicit. *Aut falluntur (inquit) aut falluntur. Et contra istos, vt ita loquar,*



## HISTORIA

mirabiliorios: cautū me fecit Deus meus,  
dicens: In nouissimis temporibus exurget  
pseudoprophetæ, facientes signa & por-  
tenta, vt in errorem inducāt, si fieri potest,  
etiam electos. Ecce prædicti vobis. Ergo  
cautos nos fecit sponsus, quia & miraculis  
deici non debemus.

Redeo ad Acta Collationis, vt au-  
diam ecquid tandem de Donatistis  
pronūciarit Marcellinus. Nihil enim  
alioqui actū esset. Augustinus in Bre-  
uiculo ait eum pronunciasse confu-  
tatos esse à Catholicis Donatistas, o-  
mnium documentorum manifesta-  
tione. Integrā sententiam, quæ lon-  
gior est, & Edicti formam haber, con-  
tinent Acta, de quibus loquor. Est au-  
tē in ea imprimis memorabile, quod  
iubet fidem publicam euocatis Do-  
natistis datam (vulgo saluum condu-  
ctum vocant) seruari, vt iis liberum  
& integrum sit tutò domum redire.

## CARTH. COLLAT. 87

Sed interea non posse se diutius dif-  
ferre legum contra eos latarum exe-  
cutionem profitetur, proptereaque  
iubet, vt eorum cœtus dissoluantur,  
& Basilicæ, quas occuparant, Catho-  
licis restituantur.

Possidius, qui interfuit, narrat Do-  
natistas sententia Cognitoris notatos  
esse, & post eorum appellationem,  
piissimi Regis respōso iustè inter Hę-  
reticos esse condemnatos. Nēpe sen-  
tentiam Marcellini consecuta est lex  
Imperatoria. Nam & quæ in Codice  
Theodosiano extat Honorij & Ar-  
cadij constitutio contra Donatistas <sup>L.44.c.  
Th. De ys</sup> <sub>qui super  
Relig. cont.</sub>  
data Rauennæ Constantio & Con-  
stante Coss. nō nisi duabus post Col-  
lationem Carthaginensem annis edi-  
ta est. Atque ita quidē olim solebant  
Christiani Imperatores sancire De-  
creta Conciliorum. Præfatur autem  
Honorius Imp. sese hactenus peper-



## HISTORIA

cisse Donatistis, quos (inquit) patientia clementiae nostrae seruauit. Id verò non satis intelligeretur, nisi meminerimus quam patienter & benignè paulò antè audit in Collatione fuisse. Neque tamen planè nouum est, quod Honorius iubet eos esse intestabiles, nullamque potestatem ullius (vt loquitur) ineundi, habere ait. Certe Theodosiana lex fuit, qua iis vel faciendi testamēta, vel per donationes alicui quid conferendi facultas adimitur, vel ex donationibus testamentisve aliquid capiendi, vt ipse Augustinus recitat ad finem lib. i. cont. Parmenian. Sed & ad ius ciuile pertinet, propterea minus præterire possum, quod eodem loco narrat Augustinus, cum homo quidā nobilis Imperatoribus supplicasset, quia soror eius, quę de parte Donati fuerat, cum defungeretur, in aliquos communio-

## CARTH. COLLAT. 88

nis suæ plurima contulisset, præceptū esse, vt omnia fratri restituerentur. Hic ergo locum nō habuit lex Papia de caducis, ex qua fiscus capiebat, quod relictum erat ei, qui capere nō poterat. Sed etsi frater ille fuisse præteritus vel exhæredatus, iure communi potuisset rescindere sororis testamentū, in quo turpes & infames personæ (quales erant Donatistæ) fuisse institutæ.

Supereft vt aliquid adiiciam de auctoritate Collationis, quia multi querunt, ecquid illa profuerit? Ac quidem primū respondeo de Donatistis, quod Hieronymus de Luciferianis eorum propè socijs, nēpe vincī posse, persuaderi non posse. Et tamen multos, qui sanabiles erant, resipuisse ipse Augustinus testatur in lib. de Gest. cum Emer. vbi de hac Collatione loquens, Donatistas (inquit) in



## HISTORIA

*nomine Christi in gremium Catholicum magna ex parte suscepimus, ita ut penè omnes communioni Catholicæ sociatos esse gaudeamus.* Sanè Possidius, qui Collationi, ut dixi, interfuit, testatur, potissimum per hanc Collationē factū esse, ut Augustino palmā Deus dederit, & in dies ageretur pacis vnitatis & Ecclesiæ confraternitas, & multi Donatistarū Episcopi ad pacē Catholicam redierint, & quiduis eo nomine ab Donatistis passi sint. Interea tamē idem Possidius adiicit, non defuisse, qui dicerent, nō fuisse permisso Donatistas apud Potestatē, quæ causam audiuit, dicere omnia pro suis partibus, quoniam Catholicę communio-  
nis Cognitor suæ fauebat Ecclesiæ. Sed inanem fuisse hāc cauillationem Possidius ostendit. Alij dicebant, pre-  
cio corruptum Marcellinum fuisse. Sed hoc eadem impudētia dicebant,

qua

## CARTH. COLLAT. 89

qua olim cum appellasset Constantiū, & is Cæcilianū absoluisset damnassetque Donatum, cauillati sunt corruptum fuisse Imperatorem. Ac ut intelligamus nihil nō eos captasse, quod calumniarentur, etiā conquesti sunt noctu Marcellinum iudicasse. Ipsī cauillando in Collatione iā diem consumperant, ut in tenebris effugērent. Iudex volens sua patientia iis præcidere omnem in posterum occa-  
sionem quærelæ, abiiciebat clepsy-  
dram, & patiebatur eos quiduis di-  
cere, potius quām actionem inter-  
rumperet. Sed tamen tandem sen-  
tentiam tulit, cùm illi dixissent, & di-  
xisse se confessi essent: neque, quia  
serius iudicauerat, propterea rem iu-  
dicatam eludi passus est. Gellius  
libro decimo quarto scribit Sena-  
tusconsultum nec ante exortum,  
nec post occasum solem factum, ra-

M



## HISTORIA

tum fuisse. Imò & cùm de iudiciis ageretur, in 12 tab. scriptum fuit, *Sol occasus supra m̄a tempestas esto.* Sed non eadem fuit omnium decretorum ratio: neque semper ea lex seruata est. Nam & sāpe iudices Romani imitati sunt Areopagitas, qui non nisi noctu iudicabant, & ipse noster Iustini-anus in Nou. 82. iubet pedaneos suos iudices sedere pro tribunali à summo diluculo usque ad vespertinum crepusculum, siue ut loquitur, *εἰς δεῖλην οὐρανόν*, neque quicquam obstat, quin si causa postulet, iudex possit diutius etiā sedere. Denique & testamēta & contractus noctu posse fieri, dubitandum non esse lex ait. L. 22. §. penult. De Testam. L. non minorem C. de Transact. Noster quidem certè Augustinus respōdens Donatistis exclamat: *Quis ferat viētos homines conqueri, quod nocte contra eos est prolata senten-*

CARTH. COLLAT. 90

*tia: quasi non sāpe iudices audiendi necessitas teneat, ut usque ad multam partem noctis sedere cogantur? An ideo non est verum, quod dicitur, quia per noctem dicitur? &c.* Allegat præterea quidpiam ex Psalmis. Sed nihil ad rem. Mirarer profectò, Donatistas etiam non allegasse, præcipuum eorum patronum Petilianum, raucedine (nam eam pre-texuisse Acta Collationis significant) impeditum ex Collatione discessisse antequam finita esset disputatio. Sed (credo) pudebat eos, tam vocalē eorum actorem, tam se frustra clamitando fatigasse, guttūque suum exasperasse, ut raucus sit factus, & ex rauco mutus.

Interfuerat Collationi Emeritus Donatista: Sed ingenuè non fatebatur se in ea victum esse, & nescio quos calumniarum fumos spargebat in sua Cæsariēsi Mauritania. Eò itaque cùm

M ij



## HISTORIA

prefectus esset Augustinus, non recusavit veluti actum agere, & Gesta Collationis rursus exponere atque tueri. Ait, id se fecisse Honorio 12. & Theodosio 8. Coss. Itaque apparet octo annis post Collationem id accidisse, atque adeò eo ipso anno, quo in Carthaginēsi Cōcilio, de quo paulò post dicam, causa Pelagianorū agebatur. Mirabitur aliquis, quī factum sit, ut eo tempore Augustinus in Mauritaniā iret. Sed ipse in epist. 207. *Eò (inquit) nos iniuncta nobis à Zosimo Apostolicæ sedis Episcopo Ecclesiastica necessitas deduxerat.* Sed quænam ea erat? Possidius, qui interfuit Cæsariensi illi actioni, non minus quam Collationi Carthaginēsi, ait, sedis Apostolicæ literas compulisse Augustinum cum aliis Episcopis venire in Mauritaniā ob terminandas alias Ecclesiæ necessitates: cùmque incidif-

CARTH. COLLAT. 91  
set in Emeritum eius loci Donatistarum Episcopum, cum eo iterum congressum esse, vt is libere diceret pro sua parte, quæcūque vellet, quia quidam dictabant eum in Collatione prohibitum esse omnia dicere. Quid ibi gestum sit, ipse etiam Augustinus conscripsit, vt Gesta Cæsariensis illius collocutionis cum Actis Carthaginēsis Collationis coniungerentur. Illud modo obiter admonebo, minus insulsum esse, quod exscriptores Cœturiarum historiæ Ecclesiasticæ nuper annotarunt, illi Cæsariensi repetitioni interfuisse Imperatores Honorium & Theodosium, quia hanc iis Consulibus habitam Augustinus dicat.

Supereft, ut obseruemus eodē tépore cōuenisse aduersus Pelagianos nobilissimū illud Conciliū Carthaginēse: cui tamen pauciores Episcopi Catholici interfuerūt, quam interfuerāt



## HISTORIA

Collationi. Nam in hac CCLXXXVI,  
in illo verò CCCVII numerantur.

Prosper in suo Chronico ait Pelagium anno Christi CCCCXV publicasse suum dogma, hoc est, statim post Donatistas in Collatione represos. Anno autem CCCXX, habito apud Carthaginē Cōcilio CCXVII Episcoporum, missa esse ad Pontificem Zosimū Synodalia decreta, quibus probatis per totū mundū hæresis Pelagiana damnata sit. Sed rē totam satis non explicat Prosper. Ex Augustini verò scriptis repetere licet, quod imprimis hīc obseruandum est.

Propter Pelagium, tempore Innocentij Pontif. cui Zosimus successit, eodem tempore conuenisse videntur duo magna Concilia, Carthaginense & Mileuitanum: illud Carthaginis & Africæ, hoc Numidiæ passim vocat Augustinus epist. 47. & 92. & 94.

CARTH. COLLAT. 92

& 106. & 110. & 157. Fateor, cùm Pelagiani causam suam iudicari vellent in vniuersali Concilio Orientis & Occidentis, Augustinum id iis negasse, respondisseque rarissimas fuisse hæreses, propter quas damnandas fuerit necessaria congregatio Synodi. Sed tamen cùm id scribebat Augustinus lib. 4. cōtra duas epist. Pelag. cap. vlt. iam viderat duas saltem prouinciales Synodos congregatas ad damnādam hæresim Pelagianam. Nam id scribit ad Bonifacium Pont. Rom. & multò post illas Synodos scripsisse se non dissimulat: & verò earum præiudicio siebat, vt tanto magis Pelagianis negaretur quod præterea calumniosè postulabant. Credo equidem eos cauillatos esse, quod Palladium quendam Arrianum in Aquilleiensi Synodo eludendi causa causatum esse legimus, cùm eam Synodum refugere

M iiiij



## HISTORIA

se diceret, quia vniuersalis non esset. Sed quod Ambrosius, qui ei Concilio præterat, respōdit Palladio, Augustinus Pelagianis respōdere potuit: tametsi Ambrosius hoc plus haberet, quod in Niceno Concilio damnata esset hæresis Arriana. Porrò memorabile est quod Augustinus præterea significat, Pelagianos Collationem postulasse, qualis cū Donatistis fuerat. Sed meritò Catholicos eam refugisse, ne aëtum agerent.

Cæterùm etsi Augustinum Concilio Mileuitano potius quam Carthaginensi interfuisse dicamus, tamen cū Mileuitanum citius finitum fuerit, & Carthaginense diutius durarit, non negamus & huic interessere tandem illum potuisse. Ineptū tamen est, quod Scriptores Centuriarū annotant, Augustinum ei præfuisse, ex eoque ad Innocentium scripsisse. Aurelium po-

CARTH. COL LAT. 93

tius dicere oportuit: sicuti & is primo loco nominatur in epistola eius Concilij ad Innocentium, in qua Augustinus non nominatur: tametsi epistola relata sit inter Augustini epistolas, numero xc, sicuti & responsum Innocētij subiectū est, numero xcii. Cæterū tam ex Mileuitano Concilio, quam deinde ex vrbe Carthaginensi Augustinus cum suis Collegis rescriptsit eadem de re ad eundem Innocentium epist. 92 & 95, & extat ad utrunque responsum Innocētij epist. 93 & 96. Augustinus lib. i. contra Iulianum cap. 2 simpliciter ait, Innocentium Africanis respondisse Conciliis, quod antiquitus Apostolica sedes & Romana Ecclesia cum cæteris tenet.

Porrò cùm Patres Concilij Carthaginensis in sua ad Innocentium epistola narrent, fermè ante quinquennium fuisse in Ecclesia Carthaginensi



## HISTORIA

agitatam causam Celestij, apparet nō modò Pelagianam hæresim publicatā fuisse citius q̄ Prosper annotet, sed & damnatam ibi esse, quo tempore Donatistarum causa eodem in loco agitabatur, tametsi Augustinus in Donatistis refellendis tunc occupatus, Pelagianos nondum aggredisseret. Sane lib. 2. Retract. cap. 33. significans Cœlestium Pelagi discipulum fuisse ibi damnatū ante suum magistrum, *Cœlestius (inquit) discipulus eius iam propter tales dissensiones apud Carthaginē in Episcopali iudicio, ubi ego non interfui, excommunicationem meruerat.*

Patres Mileuitani Concilij (inter quos Syluanus primo loco, Augustinus octauo numeratur) in sua ad Innocentium epistola aiunt sese ad eum de Concilio Numidiæ scribere de Actis contra Pelagiū, imitantes Carthaginensis Ecclesiæ prouinciaæque

## CARTH. COLLAT. 94

coepiscopos. Ergo iam editum erat decretū Concilij illius Carthaginensis contra Pelagianam hæresim. Responsum autem Innocentij Pontif. ad patres Mileuitanos datum esse dicitur. v i Kal. Februa. Honorio & Constantio Coss. Ego puto legendum, *Constatē & Constantio Coss.* sicuti & in Codice hi Consules coniunguntur. Fuit quidem hic Constantius 2. Coss. cum Honorio Imp. Sed tunc Innocentius erat mortuus, vt ex Chronico Prospere appareret. Cæterum Constantem & Constantium Coss. fuisse anno ccccxi, indicat idem Prosper: vt si eo anno responderit Innocentius Mileuitanis Patribus, necesse sit Concilium Carthaginense contra Pelagianos inchoatū esse statim post Collationem contra Donatistas. Porro Augustinus in epist. 47. loquens de dānatione hæreſeos Pelagianæ, ait nō



## HISTORIA

modo de Concilio Carthaginis prouinciæ & Numidiæ scriptū ad Innocentiu Papam fuisse, sed & aliquantò diligentius à quinque Episcopis. Hi fuerunt Aurelius, Alypius, Augustinus, Euodius, & Posidius, qui etiam (excepto Euodio) ut cum Donatistis in Collatione committerentur, selecti fuerant. Est autem memorabile, quod Augustinus in epist. 110. narrat, duobus Conciliis Numidiæ & Carthaginis, curam scripturarum sibi ab Episcopis impositam esse. Vnde concilere licet, quanti tum fieret hic Antistes: & tamen superauit expectationem. Verùm illud modo dico, Aurelium Carthaginensis Cōciliij, cui præfuerat, & Augustinū Mileuitani, cui interfuerat, sententiam contulisse, & tribus aliis adiunctis eandem rursus causam egisse, ex vrbéque Carthaginensi ad Innocentium diligētius scri-

## CARTH. COLLAT. 95

psisse. Est epist. 95, cuius principium est: *De Conciliis duobus prouinciae Carthaginensis & Numidiæ ad tuam Sanctitatem à non paruo Episcoporū numero subscriptas literas misimus.* Nempe eas miserat Aurelius ex Carthaginensi, Augustinus verò ex Mileuitana Syntodo.

Postea mortuo iam Innocentio videtur plures, quam antea, Carthaginem rursus conuenisse Episcopi, qui eandem causam discuterent. Augustinus, ut prius Concilium Carthaginense vocat Conciliū prouinciae Carthaginis, sic istud alterum, quod ad Zosimum Innocentij successorē scriptissime narrat, vocat Concilium Africatum, in epist. 47. Sed eiusdem Concilij quandam fuisse, ut vocat, continuationem, pluribus ex Africa concurrentibus, & iis, qui antea Mileuitano interfuerant, cum iis qui Cartha-



## HISTORIA

ginensi, conuenientibus, meritò aliquis dixerit: Sicuti & rursus quoddā posterius plenarium Concilium totius Africæ eandem ob causam conuenisse Augustinus significat in epist.

47. Neque dissimilis quædam fuit Constantinopolitani Concilij, quod fuisse secundū vniuersale aiunt, conditio, cùm Patres modò dimitterentur, modò reuocarentur. Cæterū cùm historici ista confusè narrat, neque quicquam distinguūt, multa imperitè miscent, quæ discernenda sunt, & credulum lectorem sàpe fallunt.

Prosper annotat Concilium Carthaginense ad Zosimū scripsisse Honorio XII & Theodosio V III Coss. anno Christi CCCCXX. Acta indicant, iis Coss. in eo Concilio pronunciatum fuisse contra Pelagianam hæresim, & Augustinum interfuisce significant. Cæterū ipse Augusti-

CARTH. COLLAT. 96

nus narrat sese iisdem Coss. XII Calend. Octobris Cæsareæ in Mauritania congressum esse cum Emerito Donatista, & Carthaginensis cū Donatistis Collationis iudicium defendisse. Adeò nihil non & faciebat & præstabat optimus Antistes, de Ecclesiæ salute sollicitus.

Porrò ad Zosimum ex Africano Concilio scriptū, & à Zosimo rescriptum ad vniuersos totius orbis Episcopos fuisse ait August. episto. 47. Sed eius scripti rescriptive nihil extat. Addit Augustinus, *Et quod posteriori Concilio plenario totius Africæ contra errorem Pelagii breuiter constituimus.* Sed nihil præterea de eo plenario Concilio, cui se magis interfuisce significat, quod dicam habeo, nisi quod ea quæ circunferuntur Acta Cōciliij Carthaginensis, ut Pelagij nō meminerūt, sic indicat postremò agitatam fuisse



## HISTORIA

aliam, cuius apud Augustinum nulla est mentio, causam Apiarij Presbyteri, & in ea questionem de iure prouocationis aduersus Legatos Zozimi, scriptumque ea de re fuisse ad Bonifacium Zozimi successorem, & denique ad Celestium Bonifacij successorem: ut si ita sit, necesse sit, hoc concilium multis annis durasse. Sed vereor, ne multa & confusè & falso intentur ea de re. Non inficiar quæstionem eius generis aliquam agitata esse: sed fideliter & simpliciter recitanda esset: nō autem contumeliosis additionibus contaminanda. Bonus Beza iubet nos de ea iudicare ex Græco, potius quam ex Latino textu. Sed an existimat, Acta Africana Græce potius quam Latinè scripta primū fuisse? Rectè sanè Africani patres de Nicēnis Canonibus iudicandum esse putarunt ex archetypis & authenticas

## CARTH. COLLAT. 97

cis libris Græce scriptis. Sed eadem ratione dicam de Africanis Canonibus iudicandum esse ex archetypis Latinè scriptis. Non minus ineptum est, quod idem Beza in eadem sua confessione, hoc concilium Carthaginense, in quo illam quæstionem falsi iudicatam esse stomachosè narrat, vocat tertium: & paulò post sui immemor vocat Sextum: & posteaquā Bonifacium pro Zosimo impotenter accusauit, exclamat decretum in hoc Concilio Carthaginensi fuisse, vt qui Romam prouocaret, abdicaret, siue (vt ait) deponeretur. Sed vnde hausit hoc decretum? Nam ne ea quidem, quæ laudat, Acta eius meminerunt: Nempe abs suo magistro, qui eadem in hoc genere temeritate fingit Zozimum, & eius successores voluisse, vt quod in Mileuitano Concilio decretum fuisse ait, abrogaretur in Cartha-

N



## HISTORIA

ginēsi. Atqui Veteres non narrant in Mileuitano aliquid decretum esse contra voluntatem Romani Antistitis. Imò Innocentius, eius Concilij Acta contra Pelagianos, quæ ad eum missa sunt, vehemēter laudat. Et paulò pòst Augustinus epist. 95. cum ad eum scribebat ex sententia suorum collegarum de Pelagiana hæresi iam damnata in Cōciliis duobus Carthaginēsi & Mileuitano, petit nihilominus, ut in urbem Romanam Pelagius cōtatus trahatur. *A tua (inquit) veneratione acciendus est Romanam, & diligenter interrogandus.*

Sed quid dubitaret Beza affirmare, cùm etiam in eodem suo libello docuerit Concilium Mileuitanum ante mille ducentos annos habitum esse: hoc est, ante tempora Augustini? & ex sui præceptoris dictatis repeatat Concilium Aquilleiense, cui præfuit

CARTH. COLLAT. 98

Ambrosius, fuisse vniuersale? Quid dici posset impudētius? Illud postremò dicam de Concilio Carthaginensi siue Africano: in eius Canonibus aliquid inueniri quod ad Donatistas pertineat. Quicquid tamen illud sit, mancum, & mutilum & confusum esse, dependere ex præiudicio Collationis Carthaginensis.

Iam verò velim, ut cum Carthaginensi Collatione Catholicorum quæ habita est cum Donatistis, conferatur altera, quæ fuit Arrianorum cum Catholicis, annis circiter 70. post superiorem, indicta ab Hunnerico Vandalō, non minus crudeli tyranno, quam furioso Arriano, ut eam describit Victor Vicensis lib. 2. & 3. Sic enim etiā intelligetur discri men, quod hīc obseruari vtile est. Ac principio quidem, Edictum illius Hunnerici euocatis catholicos, quos

N ij



## HISTORIA

vocat Homusianos, speciosè compositum est non minus quàm fuerat ipsius Honorij Imp. vel Marcellini Donatistas euocantis. Eugenius Episcopus Carthaginensis audiens mandata Hunnerici, respondet tam suo quàm suorum in Africa Catholicorum nomine, sese minimè recusare refugeréve Collationem, quam imperabat Hunnericus: sed petere, ut etiam vocentur transmarini Catholicí: quia sine iis non possit agere communem causam, præsertim tallem tantámque. Id autem obtendebat, ut cùm transmarini adessent, in quos sœuire nō auderet Hunnericus, ne Imperatorem eorum offenderet, tanto liberior esset disputatio. Alioqui nefas non fuisse prouinciales coire conuentus ad disputādum, Victor ipse fatetur. Et verò Eugenius cum suis ad diē venit, ut cum Arrianis con-

CARTH. COLLAT. 99

ferret, sicuti Hunnericus mandarat. Cæterū cùm tyrānus in suo edicto pollicitus Catholicis esset omnia tutta, fidem statim infregit, & iis, qui venerant, manū iniicit: sœuit in doctissimos: eōsque etiam necat. En quale fuerit principium illius Collationis. Qui tamen superstites erant, non diffugiunt: imò vt disputatio sine tumulu transigeretur, eligunt ex suo ordine quosdam, qui pro omnibus loquantur: sicuti in altera Carthaginensi Collatione factum fuerat. Cæterū cùm Arriani æquo iure se ad disputationem comparare deberent, volunt, vt eorum nescio quis Patriarcha Cyrus, sit iudex: & eum magno satellito armatū collocant in alto suggestu. Catholicí cōqueruntur de tali forma iniquissimi iudicij: sed frustra. Imò accusantur, quod se vocent Catholicos, & magnis aduersariū cla-

N iii



## HISTORIA

moribus propè obruuntur. Tum ve-  
rò nostri, iis vltro largiuntur, vt Ca-  
tholicorum nomen veluti suspenda-  
tur, donec quæstio definita sit: & vt  
ad rem veniant, edunt scriptam suæ  
fidei confessionem, quam tueri insti-  
tuunt. Quid Arriani? Cùm vicissim  
suam edere deberent, tantùm clamat  
nostros esse seditiosos, & inflammatis  
suum Hunnericum. Hic statim con-  
tra nostros edicit, quod Christiani  
Imperatores in Donatistas edixerat.  
En qualis catastrophe illius Collatio-  
nis fuerit. Sed legatur historia tota a-  
pud Victorem Utensem, & ex eo  
cognoscatur, qualis tunc esset status  
Ecclesiæ Carthaginensis. Nulla tunc  
mentio Donatistarum. Nam hi in Af-  
rica Arrianis cessisse videtur. Neque  
tamen alioqui desierant. Nam & Gre-  
gorij Pont. temporibus multos pas-  
sim fuisse, ex eius epistolis apparer.

CARTH. COLLAT. 100

Liberata tandem fuit Ecclesia Afri-  
cana, & pulsis Vandalis restituta suæ  
libertati Imperioque Rom. & licet tē  
pora valde barbara atque tenebrico-  
sa essent, tamen nō desit cogere pias  
Synodos, religionis tuendæ causa, vt  
apparet ex Carthaginensibus Conci-  
liis contra Monothelitas.

FINIS.





